

KICHOO

Baqqo

Hee'o

KICHOO	i
Gimo.....	ii
HAAROO IKKOO: HALLOON WORGANO	1
HAAROO GUTTOO: KECHASHI SHIMI TACHOO	15
HAAROO KEEMO: DAAGGII SHUUNO	29
HAAROO AWUDDO: ARICHET ASHENA'OCHI KASHEE KIINO	47
HAAROO UUCHOO AACONAA BI GAACOONA	60
HAAROO SHIRITTOO: SHEERAALLI MAXXO.....	81
HAAROO SHABAATTOO: TOOKKII BEEMO.....	101
HAAROO SHIMITTOO: NUUSHOONA YECHO	115
HAAROO YIIXIYOO: SHOWEE SHUNO	131
HAAROO AASHIROO: QAARE KEEMO.....	142

Gimo

Hin 7^{ne} kime Kafi noonee dojjechi yaabee kooricoone. Bi qannito shabaattiinee kimooch Kafi noonoon dojjiyeemm dojjechoch gaacochiye. Bi maacooch baribare baqqeena'ochi biriyoona, dojje yawoon, qoppe yawoon, doyee deggi qiicoon, doyee gaboon, doyee gooroonaa doyicheena'ochi wochoonon yechitone.

Eb yaaboo qannito shabaattinnee kime Kafi noonee doyechi kooricoon timo tuniyoonaane. Ebiyoo, Kafi noonee doyechina'o Kafi noonona xiishi boono elleemmoch, yibbaateemmoch, shemmemmonaa, kooriyeemmoch degee imoch gaaccimm yaweena'on yechitone. Daakkoona doyechina'o mihe ariyoona noonee kocee ariyoona boono uumiyeemmoch degoch qannitone.

Ebichi hinnoona, awudde inde noonee iiqqeena'o boono hamaa dabboon quyeete giddeteete. Shiichii giddetina'o qaare iiqqeena'o tunemmona doyechina'o eb iiqqeena'on boono kitaamitoochee uumii woyeemmina'onee geta shalligeehe. Ebich elloona yibbaatoonon doyee goora doyechina'och shiichii beet boono ariyoona gaminona gaachoonaa uumiyoona quyeetehe.

Kooroonaa yeshet noonee iiqqeena'on doyee kexoochaa kottiibeetina'o boono tunetoch wodde gooroonaa meeqqeqqoonon immii dojjoo qaawiihe. Daqqi daqqoonaa dicibee hammeemm menne iiqqeena'on uumiyoo woddii quyeetehe. Hin daqqooch beet doyechina'o boono shemmetoochee baqqee danoon, boono ariyoona

bare ashich kooroona beshiyoon woddii boono doyyiemmooh quyeche.

Mihe ariyoonaa noonee koce doyoona doyechina'ochi noonee ariyoon uumiyooh bi deggeemm hinnoona giddetone. Doyechina'o boono mihe ariyoonaa noonee koce ariyoonon boono uumiigaata elloyich, yibbaatooyich, shemmoonaa kooroonoch tate noonoon gaacheheete. Mihe ariyoo doyechina'o booneshich beet qihoon woyee ariyoon bare ashich mashaamimm hinnoona boono biriyeemmooh deggiye. Noonee koce ariyoo wotta boono ariyoon bareena'och kaame gommona boono biriyeemmooh gaacciye.

Ebich eb bulle baqqeena'onona booneshich ichet aamoonaa gooroommona mashaamii gididiyoo qaawiihe. Doyechina'och shiichii beet ariyoon qoppoona boonoshich shiichii beet doyyoon diciyoo qaaweebeet yawoone. Boono doyyee goorooch meeti hinnoona giddet doyyicheena'on qelloonoo tuneba guuphona tune shuunoona boono doyyibeet baqqoon digeneemmonaa iiqqeena'on uumiyeemmonoch dego qaawiihe. Qoppoona danemm qiheena'o doyechina'ochi hakkoon bariyooh boono deggeemm qoodooch degonaa uumiye shuunoonon gawaatooh timo tune gaacciye.

HAAROO IKKOO HALLOON WORGANO

Haaree gaboo: Hin haaree doyyee ciirooch doyyechina'o:

- Bareena'ochi shalligoon ellee wochii gettiyeete.
- Hallee amittinoon ciinnimmona ihaateheete.
- Beshe daqqech kooreena'on shemmeheete.
- Baribare hallee gaanneena'on macecee sheqqeheete.
- Mokashoon kooriyeete.
- Doyeet miheena'och shaahe biishoon immiyeete.
- Minnakanne kuxina'on bariiheete.

Haaroo	Wulle Shimbo	Baqqeena'o	Kaallo	Doyechi koorice Hee'o	Ikke haaroochi shabaattee meeto
1	Halloon Worgano	Kuxo 1: Ello	1	1	3
		Kuxo2: Yibbaatoo	1	2	
		Kuxo 3: Shemmo	2	3	
		Kuxo 4: Kooroo	2	8	
		Kuxo 5: Mihe ariyoo	1	9	
		Kuxo 6: Noonee koko	2	11	

Kuxo 1: Ello

Dojee yawo:

Hin kuxo doyechina'o boono elle iiqqoon uumiyooch boono doyiibeetone. Ebich, giddet elle shemmeeshoon itti shemmooyee aaf shimboona yeshetona boonoshich shiichii beet ariyoon qoppo qaawiihe. Ebiyoo doyechi kooricooch ikkinnee haarooch ellee kuxooch; ellooyee aafi shuuraareena'on shuunebeeta. Aree hillooch hinichi dechiich beet elle shemmeeshoon shemmebit. Itti shemmaabeegoora doyechina'o aamee boono elloon dabbibit. Boono ellet shalligoon boono batteyaacheemmoch shalligichoo yesheeta. Shemmeeshoon keejje kaallo wochi wochi shemmebit. Itti shemme hinnoo kuxooch beet doyechina'och ubba elleyoo hakkimmonaa moodeelo tuno hakkimmo tuneba. Shemmaa itt ciichitoyee gubb doyechina'o boono koorico haaree ikkooch ellee digene doyichoon arooch kotet hamadabboon quye shuunebeeta. Tachee wocheena'o hinichi dechaa koteti qoodooch doyechina'o immimm wochoon xiishooch gaacho hakkihit.

Doyee deggi qiico – kaaseetoona kitteti elle shemmeeshoo

Qoppe yawo – kuchi shuunoo, doyechochi shuunoon qayo

Abbaay Aaco

Abbaay aaco Topphiye maacooch daneebeet woce aacina'oochee ikkoone. Abbaayo bi neexe genjittinoona aagetee tookk arichet aacone. Eb aaco Amaaree woraafooch, Gojjaam beet Gish Abbaay getteebeet xuuphoon timo tuniie.

Abbaay aaco baribare shigoona arichehe. Topphiye maacaa; Abbaay getteebeeto bi tunemmona Topphiyooyee maachi aagetooshaa Nayil getaa ceekkehe. Eb aaco gutte showeena'oochee timona Sudaane inde katamee Kaartuumaa danoona Naayil getaa ceekkehe. Ikkoo Topphiyooyee wocciibeeto bi tunemmona baroo wotta Taanzaaniyee showoochee wocciibeetone. Topphiyooyee tiito Aa'i Abbaayo bi getteemmona Taanzaaniyooyee tiito wotta Nacce Nayilo getaa ceekkehe.

Abbaay aaco aagetee tookk bi genjittinoona arichehe. Ebiyoo, bi xuuphooyee hami bi ciirooch beddaaha 6853 km neexo biich beete. Eb neexo Abbaaye aaco aagetee tookk bi neexoona bare aacina'oye bi beshiyeemmon tuniite. Abbaaye aaco 3.4 miliyoone karee km gaminone. Ebiyoo, Afriikee showee 10% dambe gaminon bi yechito tuno arichehe.

Abbaay aachi xuupho Topphiyooyee bi tunetaanoona bare showeena'on bi gaaciiibeetoommon Topphiye wottee gaacoon imaache. Tunebaani, andi goorooch Abbaay aachi toommooch turizimoono tuneba baribare ikonoomi degoon hallee hakkiimm shuuneena'o shuunebeeteete. Eb shuuneena'oochee ikkoo

Topphiye Ooge Hiddaasee Gaboone. Eb gabo elektrike giidoon dane gabooch bi shuuneetaana meeti gaaceena'on sheweech immeemmone getaa shalligeehe.

Abbaay aachi bamboo aagetee tookk bi aricheebeet hinnoo beete. Ebiyoo, Abbaay bamboo aagetee tookk beet aachi bambeena'ochee ooge yee'o bi tunoone. Eb bambee guudooch gochii qeyiibeet asheena'o eb showee yeeqqi naboona gaawe goye daachoon daneheete.

Abbaay aaco gutte worganikkiibeet halleena'ona aagetee tookk daakkii arichehe. Ikkinnoo, Xaani gejee toommona amoonoona baacceyaanoon bi qeddoonaa bi kaattoonon yechii kuxxii bi beshoone. Baroo wotta eb aacoochee halleet haanaatoone. Ebiyoo Xis Abbaay getteebeeto bi tunemmona eb shigoon bi daneto bi toommoochee kechiibeet ooge cufoo beeti qoodoochiye. Ebichi hinnoona Abbaay aaco worganikkiibeet halloo bi tunoona showeech gijjee gamiyee budonaa ashicho ciixee wotte xaa'oonon tune gaaco hakkiye getaa gibenehe.

Doyichoo: Ellooyee Gubbi

Hajjiyool: Hoyoona giddet echeena'ochi wochoo

1. Naayilo
2. Kaartuumi
3. Taanzaniyoo

4. Xaani gejjee toommona amoonoona baacceyaanoon bi qeddoonaa bi kaattoonon yechii kuxxii bi beshoonaa eb aacoochee halleet haanaatoone.
5. 6,853 km

HajjiyooII: Eb Hajjiyoona doyechi kooricooch giddet echeena'ochi wocheena'o

1. Gish Abbaay xuuphooche
2. 800 kiilo meetiro
3. Sudaane inde katamoo Kaartuumi
4. Xaanee gejjooona xa'eyaanoon bi toommona beshee bi hamonaa bi cufech haanaatoona

Kuxo 2: Yibbaatoo

Dojje yawo:

Dojjechinot, Doyechina'o Abbaay aacon ciinnimmona boono nuucheena'ona tookki boono iihaateyeemmon tuniibit. Doyechi kooricee haaree ikkoo yibbaatee kuxooch giddet echeena'on timo tunii guuphona boono iihaateyeemmon tuniibit.

Doyee deggi qiico: doyeechina'o iihaateyeemmoch kaachet shimbo

Qoppe yawo: guuphi shuunoo, yibbaatee hinnoon qayo

Boono ihaateyee hinnoochaa dabbimm bo'eena'on gaachebot.

- Gishiishi guuphona koceebeeta (3-5 beddimm naayina'ona kocheba)
- Guuphi naayina'o baribare heenoon daambeeta. Shaahiyooch; yaabecho, koorecho, gooree yaabecho, naayo imm hinnoona koceeba.
- Kaallikaalloona yibbaatebeeta; bulle guuphi naayina'ona yibbaate malloon danebeeta.
- Boono ihaateyee gooroo maacaa icheba; gooree yaabecho boonoshich echet gooroon bi arichiyeemmo tuneba.
- Ikkoochi shalligoon megaano bareena'o elleemmonaa kaalli kaalloona boono yibbaateemmon tuniyoo.
- Guuphi bulle naayina'ona yibbaatee malloon boono daneemmon tuniyoo. Ebin guuphi yaabecho halliyeemmoch shalligichibit.
- Boono yibbaatee hinnoo shafiroon dabbii bi gawaateyoon dabbi itt ciinneemmo tuneba; yibbaatooch iriteet woyee qaawaani doyechina'o guuphi maacooch danegaata qamini kette woyee boono ariimm gommona beet echeena'on tiijjoona boono yibbaateemmoch goggiibit.

Kuxo 3: Shemmo

Dojee yawo:

- ↪ Shiichii doyechina'o hallee gaannoon ciinnimmona boonoshich beet ariyoon gaache boono wochiyeemmon

tuniibit. Ebich doyechi kooricooch haaree ikkoo shemme kuxooch “Halloon Worgano” imm shimbe toommoochaa giddet shemmooyee aafi echeena’on timo tuniyoona boonoshich beet ariyoon boono gaacheemmon tuniibit.

→ Ebiyee gubb doyechina’o shemmeshee timoochaa giddet shichoon aame boono ciinnemmoch gooroo imbit. Shichee ciinona boono danet shalligoon ciinnimmona qaminona qaare biriyoona imbeeta.

→ “Halloon Worgano” imm shimboona doyechi koorice maacooch giddet shemmeshoon boono shemmeemmon tuniibit. Boono shemmeebeegoora qaaron kichaano boono shemmeemmonaa tachi boono shemmeemmoch shalligichibit.

→ Doyechi koorice maacooch haaree ikkoo shemme kuxooch “Halloon Worgano” imm shimboona giddet shemmeshee dechiich baribare Hajjiyoona giddet shemmee digene shuuraare echeena’och tate wochoon boono immeemmon tuniibit. Eb doychoon shemmeshoon shemmee boono digenetoyee gubb boono qelli qelloona koori wochibeeta. Dabbimm wocheena’on doyechian’o immimm wochoon xiishooch gaachebit.

Doyee deggi qiico – shichoo

Qoppe yawo – qaaro kichaano boono shemmoon qayo, kuchi
Shuunoo

Doyichoo 2: shemmee digene shuuraareena'o

HajjiyooI: Iberoo/kooto echeena'ochi wochoo

1. Iberoo 2. Kooto 3. Iberoo 4. Kooto 5. Kooto

Hajjiyoo II: Xibiyee echeena'ochi wochoo

1. D 2. B 4. C 4. A

HajjiyooIII: Qamine wochech echeena'ochi wochoo

1. Yeer halloonaa ashi halloona
2. Laalibali baareekexina'o xaqqoochee halleetina'o boono tunemmona boono halleet hinnoo xaqqoon ophenane.
3. 3600 kaaree kiilomeetiro
4. Amaaree woraafooch
5. Hanaatoo bi tunemmona Kafi guudooch Geeshi dubbiiyooch danehe
6. Bulle xaa'ooch danee bekkeyaaneena'onaa ikke xaa'ooch baach daneebeetina'one
7. Aaco guuddit showoo getone. Duukkoo getteehe.

Kuxo 4: Kooroo – shichoon ciinnii mokashe kooroo

Dojje yawo:

- ↪ Doyechina'o boono kooricee haaree ikkoo kooree kuxooch giddet shichoon aame ciiniichi aroona dege mokashoon boono kooriyeemmon tuniibit. Boono kooriibeegoora doyechi kooricee maacooch mokashe amittinoonaa hinnoonon

ciinnimmona qaminona giddet shalligoon gaacho boono hakkimmo tunoono archiibit. Boono koorit mokashoon boono nuucheena'ona tookki wochi ciini boono tachiyeemmon tuniibit. Mokashe kooree hinnoochaa boonoshin iritiyeemm mooyo beegaata qaawiimm degoon itt immeemmo tuneba.

↪ Doyechina'on degoch hinichi dechiich giddet mokashoona yeshet biriyoona boono qaawimm goora gaacho hakkihit.

Doyee deggi qiico – kooraa giddet mokasho, shichoo

Qoppe yawo – guuphi shuunoo, mokashe tachee hinnoon qayo

Mokasho

Mokasho geto moochi kashoone. Ebiyoo, ikke mooyo/shalligoo ciibeet woyee kasheebeet xaa'oo getone. Mokasho ikke shalligoon baach gogee beshiyoo hakkiibeet minnakanneena'ochi kicoone. Ikke mokasho wulle minnakannoonaa sheqqe minnakanneena'onon yesho hakkiye. Ikkikke kaalloon ikke minnakanno mokashoon keroo hakkiye. Ikke mokashee maac beet sheqqe minnakanneena'o yeshechina'o boono tunemmona wulle moochaafoochi shalligooye barit shalligoon yeshaacheete.

Mokashoon kooree hinnoochaa baribare gommuna'on gaacho hakkeehe. Shaahiyooch; shiichii wulle minnakannoon kotiichii wulle minnakanno yechit shalligooch biriye imona mokashoon hico hakkeehe. Baroo wotta shalligoon biriyoona

kottii wulle shalligoona tooco hakkeehe. Sheqqe shalligoona kottiichii wulle mooyon tiijjoona men wulle moochi maacooch shiichii sheqqeyaani shalligoo beegaata biriyoona hico hakkeehe. No mokasho gaminneemmo tunegaata shiichaa wulle shalligoona kottachaa men shalligoon gaminona biriyoo hakkiyon. Aroochee wulle shalligoon wochinnoo shalligichoo qaawiyeemmone iyaa no gabigaata ciirooch kotiyoona tooco hakkiyon.

Ubbe hinnoochaa mokasho getteebeet kooroo biicho tunet shuriyechone. Bi maacooch beet minnakanneena'o ikke shalligoon biriye gaboon yechii kooreebeetina'o tuno qaawiihe. Mokashe maacooch beet baribare minnakanneena'o boononaa boonona shuyeeetina'o tuno qaawiihe. Ebin hallooch shalligee yeshoonaa yeshiyee miheena'on gaachoona hakkeehe. Mokasho kooree hinnoochaa qaawiimm mooyina'o eboshi baach tuneyaanon shemmechoch mashaamimm hinnoon shalligiibee kooroo mokashe kooree goor qaawiimm hinneena'ooch guupheehe.

Ebich doyechina'o boono mokashe toommooch eb hinneena'o bekkeemmon tuniibee kooroo qaawiihe. Eb tuneemmoch bede biriyoona imo wotta ittiwaanee quyeehe.

Kuxo 5: Mihe ariyoo – Doyeet miheena'och biishe imo

Dojee yawo:

Doyeet miheena'on ciinnimmona ichet biriyeena'on boono kooricoochee boono shemmeemmon tuniibit. Arooyee gubb, haaree ikkoo mihe ariyee kuxooch giddet doyeet miheena'och biishe imona yeshet doyicheena'on boono shuuneemmon tuniibit. Doyechina'o hin kuxoocha giddet doyichooch boono immit wochoon xiishooch dabbimm wocheena'on gaachebit.

Doyee deggi qiico – doyeet miheena'on ciinnimm biriyo, miheena'o

Qoppe yawo – kuchi shuunoo, doyechina'ochi shuunoon qayo

Doyeet miheena'o – no gaachaabeet noonee maacooch woddiyaa no ariyaabeet miheena'o doyeet miheena'o getteeheete. Bullaabe miheena'one. Eb miheena'o iriteyaanoon noonoon gaachoyich hakkiimm miheena'one. Yibbaatee woyee shemmeshee maacooch danet iibbe miheena'ochi wochoon no digeneemmoch eb miheena'o deggiyeete.

Eb miheena'o doyechina'o boono kitaamitoochee arii boono waabeet miheena'one. Doyeet miheena'o doyechina'o xiishii ariibeet miheena'one. Ellooch, yibbaatooch, shemmoocho tuneba koorooch eb miheena'on kette gommona gaacheheete .Ebich kuchi maacoochaa eb miheena'on gaacho shalligoon kaachooch deggiye.

Dojjechinot! Doyeet miheena'ochi amittinoon ciinnimmona doyechi koricooch bi giddetaanoona hiniich giddet gamini shalligoon itt

giddii biriyeemmo tuneba. Doyeet miheena'ochi shaahiyoon tiiji gaminona itt biriyeemmo tuneba. Eb miheena'on shimittinnee kimoochaa boono gaacheemmi qoodooch woddii boono gaacheebeet woyee boono ariibeet miheena'och biishe imon boono doyiyeemmoch dego oogii qaawiihe.

HajjiyooI: Xibiye echeena'ochi wochoo

1. J 2. D 3. E 4. A 5. B
6. F 7. C 8. I 9. H 10. G

HajjiyooII: doyeet miheena'ochi biishe immi echeena'ochi wochoo

1. Kello = kexooch gimo woyee kexoochee keyo
2. Kexo = beeyi xaa'oo
3. Taatee goroo = ikke ashicho tuneyaani/taatee shuunoo shuuneebeet xaa'oone.
4. Liwoo = wodoo woyee biiyeyaano
5. Haanaatoo = Geppoochee kindiibeet aaco
6. Buugoo = ooge woyee gugiibeet qaare kichoo
7. Mato = gutte tato
8. Maco = yebbooch/xaanooch gaacciibeet kechi gijjoo
9. Iibbeena'o = Andiro waatina'o
10. Kafoo = yoobbero

Kuxo 6: Noonee Koco – Indee noonee time kocoon bariyoo

Dojje yawo:

↪ Noonee koce doyoo doyechina'o noonee gaache tate shafiroon

boono doyiyeemmoch deggeemm kuxone. Eb kuxoochaa doychina'o iiqqoon tuneyaanon baqqoon gaachoona noonee kocoon ciinnimm qihoon digenooch doyibeeta.

→ Dojjechinot!Indee noonee time kocoon ciinnimmona boono kooricooch giddet biriyoona boono shemmeemmoch bede gooroon imbit. Boono iriteyeemm mooyo danegaata daakke biriyoona shaahiyoona degii imbit. Aroochee shahiyoona kooree madooch koori minnakanne kuxina'on boono bariyeemmon tuniibit. Ebin kupphiyoona doychi koorico haaroo ikkooch noonee koce doyyee kuxooch giddet doychiina'on doychina'o guuphona shuuneemmon tuniibit. Hiniyee dabbii giddet wocheena'o doychina'ochi wocheena'on xiishooch gaachebit.

Doyee deggi qiico – minnakanneena'o

Qoppe yawo– kuchi shuunoo, magi shuunoo, qayo

Minnakanne Koco

Minnakanno bi maacooch keejje qeppeena'o dano hakkiyeete. Eboshiyoo, shuyimoo, deqquerinaa kannoonane. Shuyimoo minnakanne maacooch shuunee gawaatecho bi tunemmona minnakanne timooch kotehe. Deqqueri shuunoo bi toommooch halleebeet achoo bi tunemmona minnakanne dagg kotehe. Kanno wotta shuunoo woyee shuuraaro bi tunemmona Kafi noonoochaa minnakanne ciirooch kotehe.

Sha. Bushoo kunaanoon yookkiye.

SHABAATTINNEE KIME KAFI NOONOO

Eb minnakannooch “*bushoo*” minnakanne shuyimmoo “*kunaanoo*” minnakanne deqqeri eboommon “*yookkiye*” immo kannoone.

Minnakanne shuyimoo shuunee gawaatecho bi tunoon bariyoo qaawiihe. Eb geto minnakanne time miho bulle aaboon shuyimoo tuno qayo hakkiye.

Sha. Nacce gattoo woderoon kuxxite.

Imm minnakannoon no ciinnemmogaata minnakanne timo “nacce” imm mihoone. Tunebaani, eb miho minnakanne shuyimoo toonoone. Amoocha getigaata woderoon kuxxito “gattoo” iibeetoyani “naccoo” iibeeto toonoone. “nacce” imm miho “gattoo” immon shaawujjooch giitane. Ebich minnakanne timooch bi kotetoch baach tuneyaanon shuunee gawaatecho bi tunoon xiishoo qaawiihe.

Doyichoo: Minnakannoon koko

HajjiyooI: Minnakanne kuxina’on bariyooch doychina’o guuphona ihaateebeeta.

HajjiyooII: minnakanne kuxina’on bariyee echeena’ochi wochoo

YH	Shuyimoo	Deqqeri	Kanno
1.	Bushoo	Emmiisheena’o	Quyo
2.	Amiyoo	Maayi yaroo	Mayo
3.	Qaccemmoo	Bago	Mamo
4.	Manoo	Gattoo	Daamo
5.	Keri	Kiino	Tochoo

HAAROO GUTTOO

KECHASHI SHIMI TACHOO

Haaree Gaboo: Haaree doyyee ciirooch doyyechina'o:

- Aame elleechii tiimm echeena'och wochoo immiyeete,
- Kechashi shimi tachoon ciinnimmona ihaateehete,
- Kette hinneena'on tochiyeete,
- Kechash shimi tachoon yeshet shalligeena'o toommooch tootteeheete,
- Shicheena'on shemmehete,
- Qih-ime shallikoon kooriyeete.
- Budona degee iibbe miheena'ochi biishoon immiyeete,
- Minnakanne qeppeena'on bariiheete.

Haaroo	Wulle Shimbo	Baqqeena'o	Kaallo	Doyechi koorice Hee'o	Ikke haaroochi shabaattee meeto
2	Kechashi Shimi Tachoo	Kuxo 1: Ello	1	13	3
		Kuxo2: Yibbaatoo	1	15	
		Kuxo 3: Shemmo	2	16	
		Kuxo 4: Kooroo	2	20	
		Kuxo 5: Mihe ariyoo	1	22	
		Kuxo 6: Noonee koco	2	23	

Kuxo 1: Ello

Dojee yawo:

Hin kuxo doyechina'o boono elle iiqqoon uumiyooch boono doyiibeetone. Ebich, giddet elle shemmeeshoon itti shemmooyee aaf shimboona yeshetona boonoshich shiichii beet ariyoon qoppo qaawiihe. Ebiyoo doyechi kooricooch guttinnee haarooch ellee kuxooch; ellooyee aafi shuuraareena'on shuunebeeta. Aree hillooch hinichi dechiich beet elle shemmeeshoon shemmebit. Itti shemmaabeegoora doyechina'o aamee boono elloon dabbibit. Boono ellet shalligoon boono batteyaacheemmoch shalligichoo yesheeta. Shemmeeshoon keejje kaallo wochi wochi shemmebit. Itti shemme hinnoo kuxooch beet doyechina'och ubba elleyoo hakkimmonaa moodeelo tuno hakkimmo tuneba. Shemmaa itt ciichitoyee gubb doyechina'o boono koorico haaree guttooch ellee digene doyichoon arooch kotet hamaadabboon quye shuunebeeta. Tachee wocheena'o hinichi dechaa kotet qoodooch doyechina'o immimm wochoon xiishooch gaacho hakkihit.

Doyee deggi qiico – kaaseetona kitteti elle shemmeeshoo

Qoppe yawo – kuchi shuunoo, doyechina'ochi shuunoon qayo

Hajjiyool: wochoo

1. Nallefoo amoone?

Batt qello hakkaani bushiishoo nallefoo getteeheete.
Boonoshino tuneba bare ashoon shiimo hakkaacheete;
nallefeena'o bare ashi degoon oogii qaawiyeete.

A. Nallefeena'on heeto geto ama getone?

Nallefeena'on heeto geto nallefeena'on baribare hayibooche
quye'i iiwoona boono beeyeemmonaa shuuraareemmonoch
tuniyoo getone

B. Xuggooch beet iiwee qoppechina'ochi shuunee qoodoo amoone?

Eb echooch doyechina'o boono ariyoommona wochoo immiyeete.

Nallefeena'on Heeto

Aaraa awudde qemi taajjo bedaa gafeexi asheena'ona iiwee qoppechi Aabboogina doyeet xaa'ooch kicee kotee iihaateyoon kottiteete. Diggiyoo boono shaddeetoyee gubb, iiwee qoppechi ebiyee aaf boono iihaateet teppeena'on shalligichaacha hanaachi iihaateyee teppoo woyee shimbo "Nallefeena'on Heeto immi mooshoone. Ittoshi shalligoon kici tawaan mulloon wochibot." iyaachaa dabbiyoona biriyoona immetan.

Nallefeena'on heeto geto nallefeena'on baribare hayiboochee quye'e iiwoona boono beeyeemmonaa shuuraareemmonon tuniyoo getone.

Aagetee showeena'o tiqqoona qanniti sheereena'oochee no showee Topphiye shunnaa mashaama bi dukket moosheena'o daggoochee ikkoo nallefeena'ochi qitoon kettiyoona boono iiwittinoon quyo

immune.Ebichi xepphoona, indeena'ona nallefeena'onon heetoyich xugg-xuggoona iiwee aadoo neechaa iiwee qoppechina'o waanje kuxeyaani degon immiibeeteete.

Nallefeena'ochi iiwittinon heetooyee beshee boono wuroon oogiyoonaa shuunee toommooch heechiyoonaa shiitina'owaanee quyeehe. Iiwee qoppechina'ona bare ciinnimm kuxina'ona shiitina'on booyoonaa harichiyoonon dabbii imo boonowaanee quyeehe.

Nallefeena'ochi wuroo getteebeetoochee ind-indeena'o : kashoona beemo, boono iiwittine quyeyoo, boono achoon miixiyeemm mooyina'on wokkiyoo, boono giidoon iree qayo, dooyee kexooch gii'i ariyoon dano , shiitina'ochi shoodoonaa shunonon dano, dab. immina'o tunemmona ebi wuroona yeshet sheereena'on shuunee toommooch heechiyoo indittinoona shiitina'owaanee quyeehe.

Besheebeet biiyeena'onaashi hallee hayibeena'ona nallefeena'o miixeyaacheemmon tunii xallayoo nallefeena'och heeyi heeyona qaawiibeet mooyone.

Nallefeena'och gacinittinoochee kottii baribare kittibaateena'on boono daneemmon tuniyoo, indee xanoon baach shiritte agenooch beddaaha xaachoonaa aree hillooch tatet xure maayoon maanjoonaa bare qaawiimm mooyina'onon ceechoo shiitina'owaanee quyeehe. Eb mooyina'on nallefeena'o muccegaata baribare iriteena'o toommooch dihiyeete.

Nallefeena'o dicciibeet kexoocho tuneba gafooch beet asheena'o kaaroon, koboon, qimbiixiyoon, hayoon, yexoon boono woddibeeto tunegaata nallefeena'o ebin ciinniibee woyee waayeebee dicciyeete. Ebichi naboona boono shuriyoo gondo tuneemm qoodooch gubb boono beemoch ooget iritoon halloon hakkiye.

Kicoona nallefeena'on heetee yeshonaa dichoona boonoshich, boono kechi asheena'onaa boono showoonoch gaawe mooyo tunet qoodooch nallefeena'on koonjoo immii heeto indittinoona shiitina'owaane quyeche. gacinittinoochee batt shiijet nallefoo(gilooserich giyemmo)

Doyichoo: Ellooyee Gubbi Shuuraareena'o

HajjiyooI: Wochoo

1. Iberoo 2. Iberoo 3. Kooto 4. Kooto 5. Iberoo

HajjiyooII: Wochoo

1. B 2. D 3. B 4. A

Kuxo 2: Yibbaatoo- Kette hinneena'on tochoo

Dojje yawo:

Dojjechinot, doyechi koorico haaree guttooch yibbaatee kuchi dechiich giddet yibbaatee doyooch gaacceemm hinneena'o koteteete. Eb hinneena'o gaachoona doyechina'o ikke moochi hamaadabboon toochoo doyibeeta. Ebich doyechi kooricee maacooch ichet hinneena'oochee kaaci doyechian'o guuphona ihaateebeeta. Boono ihaateebeegoora bulle guuphina'ona'och yibbaatoo hakkiimm heenoo icheba. Shaahiyooch; guuphi

maacooch; guuphi yaabecho, gooree yechecho, mallee immecho, naayo, dab getaa qoodeebeeta. Doyechina'o boono kaaccit shiboon ebichi hinnoona koceeye ihaateebeeta.

Doyee deggi qiico– Kaaseetoona kitteti yibbaatoo

Qoppe yawo – kuchi shuunoo, doyechina'ochi shuunoon qayo

- A. Ikke indee yeeqqefoochee kotiyee bushoo diccaaha beet yungree hamaa dabboo: bi shiijjeyaaha indee maacooch yagiye, shiijjehe, dengich tiqqeehe, kotehe, getoona geecheehe, yuummiye, yaabeehe, bi qelloo hakkii sha'ehe, wocciye, nallefittinoochee kechii bushoo getteehe, gurmaashoo tunehe, bi qelloo hakkiye, dab.
- B. Indeena'o nalleefoon boono heetebeet hiinnoo: shiritte agenooch beddaaha xano xaachiyeete, achoo machiyeete, iwee aadoo immimm hajjiyoona gooroon quyee'i kittibaatooch daammmyeete, shiritte agenoochee gubb indee xanooch daakke maayo immmyeete, tajjiyeete, dab immina'o tunoo hakkiyeete. (MB. Doyechina'o beshiyeemm tochee hamaadabboo eb shaahiyooch giddeton ubba yeshee getaa quyeyaache).

Kuxo 3:Shemmo

Dojee yawo :

Hin shemmee kuxoochaa doyechina'o shicheena'on shemme boono biriyeemmon tuniibit. Kechashi shimi tachoona ciinnimmona amee wotte ariyoo boonoch beetogaata echebit.

Doyechina'o kishoo tiijji boono wochiyeemmoch mallo imbit. Kishoo tiijjii wochoo hakkaani doyechina'o beegaata boono herechemmoch shuuraarikkibit. Shemmeeshoon qaaro kichaano guuphona boono shemmeemm gooroo maacit. Guuphona boono shemmetoyee gubb doyechina'o daggoochee maache doyechina'onaa anaami doyechina'ona tate mallo daamiyee qaaro kichi boono shemmemmon tuniibit. Beddimmi wotte doyechina'o shemmetoyee gubb shemmeeshoona yesheet echeena'on qell-qelloona boono shuunemmon tuniibit. Doyechina'o qell-qelloona boono shuuneton ikkoo baroochi shuunoon ciini tachoo bi immeemmoch gooroo imbit. Ciiroochaa doyechina'o shuunoo tate tunoon xiishooch shemme kuxooch giddet doyichee wocheena'on gaachebit.

Doyee deggi qiico - kechashi shichoo

Qoppe Yawo - Shicheena'on tatoona doyechina'o biriyoona qayo, shemme hinnoon qayo

Doyichoo 2: Shemmee Digene Shuuraaree wocheena'o

HajjiyooI: wochoo

1. Iberoo 2. Iberoo 3. Kooto 4. Kooto 5. Iberoo

HajjiyooII:wochoo

1. B 2. D 3. A 4. C

HajjiyooIII:

1) Kenoonaa mecheena

2) Kaat-kaatee shimona indee kaataa tiishahan

- 3) Shiitina'o shiijjeemm bushiishoon heetee shafiroona boono dichiyeemmoch, shiyaabeeti indee kaat-kaatee shimona bi tiishiyaacheemmoch, kechi ashi ikonomoo miixeyaacheemmoch kechi ashi naayina'o daggooch shoodeyoo beeyemmoch, kechi ashi haddoo woddiyaacheemmoch, dab.
- 4) Shimi tachee yaweena'on gaacho bushiishee haddoon giishiihe
- 5) shiitina'o shiijjet bushiishoon heetee shafiroona boono dichaacheemmoch tuniie, shiyaabeeti indee kaat-kaatee shimona gooraallon bi tiisheyaacheemmon tuniie, kechi ashi ikonoomi miixiyeemmoch tuniie, kechi ashi naayina'o daggooch shoodeyoon bajjiye, kechi ashi haddoon woddiie, dab.

Kuxo 4:Kooroo–Qih-ime shallikoon kooroo

Dojje yawo:

Hiniichaa kooroon dabbimm hinnoona doyibeeta:

- ➔ Doyechi kooricooch shallikee amittinoona shaaheena'onon ciinnimmona dabbimm biriyoo giddete. Ebich eb biriyoon ikke kotooch koteebeet doychina'o qaroona tuneyee goge shemme boono digeeneemmoch bede gooroon imbot. Aroyee gubb ichet hajjiyoon dabbiyee shallikoon boono kooriyemmon tuniibot.
- ➔ Biriyoon dabbiyee giddet hajjiyoon timo tuniyoona qih-ime shellikoo koorooch tuno hakkimm shimoon kaaceeta. Shimbee kaacoch boono irtiyaacheemmoch itti dego kuxaaya.

Ebichoo boono kaacceemm shimbo:

- ↳ katinooch boono ariibeeto tuneba,
- ↳ kaamooch kettoona boono dano hekkimm qihecho tuneba,
- ↳ Doyechina’o kooricooch qih-ime shallikoon boono kooriyemmoch hajjiyoo ichete. Ebiichee tiyee doychina’o shuuneemmoch googgiibee dabbimm shuuraareena’on gawaatiibot:

⇒ Qih-ime shallikoon boono kooriyemm shimboon shiichi kaaceeta.

⇒ Boonoshi kaaccit shimboon ciinnimmona ariyeechina’on echeyee qiho kicibeeta.

⇒ Boono kiccit qihoon gaacheyee keejje mokashooch qih-ime shallikoon koori giddiibeeta.

⇒ Mokashi mokasheena’ochi wulle minnakannoon kichi ittich bekkiibeeta

⇒ Koori boono giddiit shallikoon guuphi guuphna tune ihaateechi wochi tachibeeta.

Doyee deggi qiico: kooree shimbo

Qoppe yawo: doychina’ochi kooroon qayo

Shallikoo

Mokasheena’o ikkooch shafiroona kocee’i shallikoon halliyeete. Doyeet shallikee shaaheena’o: Briyee shallikoo , Shaahoonaa

halloona shallikoo, Tochee shallikoona Qih-ime shallikoonaa Goomiyee shallikoona getteehete.

Eboshichi daggoochee qih-immi shallikoon ciinon.

Qih-ime shallikoo ikke mooyo amoochee aabichaa bi halleebetogaata woyee bi gawaateebeegoora bekkiibeet woyee yaabiibeet shallikoon.

Kuxo 5: Mihe Ariyoo – Andire miheena'on barii biisho

Dojje yawo:

- ➔ Mihe ariyee kuxo doychina'o boono doyiibeet noonee miheena'o biishoon boono digeneemmoch dojjoone. Ebich baribare yaweena'on gaachoona doychina'o ebiyee aaf boono ariyaani iibbe miheena'on woyee boon ariibeet miheena'ochi budi gaache hinnoo boono digeneemmon tuniyoo qaawiihe.
- ➔ Hin haaroochaa doyeeyemm mihe ariyee baqqo iibbe miheena'on barii biichi doyoone. Ebich miheena'ochi biishoon boono shemmet shemmeshee budona degii boono immeemmon tuniibit. Ebin kupphiyooch doyechi koorico haaroo guttooch mihe ariyee doyee kuxooch giddet doyicheena'on doychina'o guuphona shuuneemmon tuniibit. Hiniyee dabbii giddet wocheena'o doychina'ochi wocheena'on xiishooch gaachebit.

Doyee deggi qiico – kooraa giddet iibbe miheena'o

Qoppe yawo – guuphi shuuno

HajjiyooI: wochoo.

- ❖ Shaahiyoo : shimi tacho ⇒ shiijjeemmi bushiishee haddoon maco.
- ❖ Tiisho ⇒ **ashittine miixeyoo**
- ❖ Murice shalligoo ⇒ **tateyaani woyee gaacaani shalligoo**
- ❖ Ikonomoo ⇒ **gijjoo woyee gaanno**
- ❖ Shimon dookkoo ⇒ **shimi neexo /shimi qayo/**
- ❖ Hallee yawo ⇒ **ashi kishoona halleyaani yawo**
- ❖ Dayaafraamo ⇒ **ashi halloo tunet shimi tachee**

yawoochee ikkoo

Hajjiyoo II: doyechina'o sheqqemm miheena'on wochoo tunii daambit

Kuxo 6: **Noonee Koco - Time noonee kocoon gaachoona minnakannoon kooroo**

Dojje yawo:

- ➔ Noonee koce doyoo doyechina'o noonee gaache tate shafiroon boono doyiyeemmoch deggeemm kuxone. Eb kuxoochaa doyechina'o iiqqoon tuneyaanon baqqoon gaachoona noonee kocoon ciinnimm qihoon digenooch doyibeeta.
- ➔ Dojjechinot! Indee noonee time kocoona minnakannoon ciinnimmona boono kooricooch giddet biriyoona boono shemmeemmoch bedde gooroon imbit. Boono iriteyeemm mooyo

danegaata daakke biriyoon shaahiyoona degii imbit. Aroochee shaahiyoon kooree madooch koori minnakanne kuxina'on boono bariyeemmon tuniibit. Ebin kupphiyooch doyechi koorico haaroo guttooch noonee koce doye kuxooch giddet doyicheena'on doyechina'o guuphona shuuneemmon tuniibit. Hiniyee dabbii giddet wocheena'o doyechina'ochi wocheena'on xiishooch gaachebit.

Doyee deggi qiico – koora giddeti minnakanneena'o

Qoppe yawo – kuchi shuunoo, magi shuunoo, qayo

Haaroo ikkoocha noonee time kocoon biriyoo immona minnakkanne amittinoonaa bi koconon doyteete.

Boono doyt xepphoona hiniyee desh giddet tateyaani minnakkanneena'on ihaateechi minnakenne kocee hamaadabboona tachi boono kooriyemmoch hajjiyoo ichete.

Hajjiyoo I:

1. Gn Maraaki shiitane maache busheen.

Gn Maraaki maache busheen shiitane.

2. Gaacheyaachan shimi tachoon Aaxxoogi.

Aaxxoogi shimi tachoon gaacheyaachan.

3. Kochetan Maakull mageechi diippon.

Maakull mageechi diippon kochetan.

4. Askaali maareetan maache busheen.

Askaali maache busheen maareetan.

5. Dn. Keetinaa Gn Aabechina ihaateete shimi tachee toommooch.

Dn Keetinaa Gn Aabechina shimi tachee toommooch ihaatete.

Hajjiyoo II:

Dabbimm minnakanneena'oochee shuyimoon, deqquerinaa kannoonon barii kooribot iibeet hajjiyoona giddet doychooch ichet wocheena'o.

MB. Ikke minnakanne maacee bulle aaboon shuyimoonaa kannoonna echiyaani kuxina'o tunemmona deqqeri ikkikke aaboon beemi qayoch hakkiye.

1. Gochechina'o showoon maakketeete.

Shuyimoo: Gochechina'o

Deqqeri: showoo

Kanno: maakketeete

1. Gochechina'o maakketeete.

Shuyimoo: Gochechina'o

Deqqeri: _____

Kanno: maakketeete.

Iibeetina'o doychi koorice maac shaahiyooch giddeteete; ebichi xepphoona ittich tuneemm wochoon yechit echeda'o giddeteete. Eb echeda'ooch itt wochoo imoyee aaf shaahiyooch giddetoommona daakke shaahiyoo imiyee doyyoon gamichibot.

A. Doyechina'o phiroon daammiteete.

Shuyimoo: **doyechina'o**

Deqqeri: **phiroon**

Kanno: **daammiteete**

B. Bushiisheena'o waateete.

Shuyimoo: **bushiisheena'o**

Deqqeri: _____

Kanno: **waateete** _____

C. Gn Boshi shimi tachee doyyoon daammitone.

Shuyimoo: **Gn Boshi**

Deqqeri: **shimi tachee doyyoon**

Kanno: **daammitone**

D. Ta kooricon kemet.

Shuyimoo: **Ta** _____

Deqqeri: **kooricon**

Kanno: **kemet**

Hajjiyoo III: Ichet kannoon gaachee minnakannoon koco. Doyechina'o koccimm minnakanneena'on kuxoochaa boono getteemmon tuniibit.

A. Maate

⇒ *Miimo mocoo maate.*

B. Waabeeteete

⇒ *No gafeexi bushiisheena'o doyee kexoochee ikkottee waabeeteete.*

C. Shiyetan

⇒ *Mujiib boono emmishe matoo shiyetan.*

D. Kooritone

⇒ *No dojjecho aa'i madooch shaahiyyoon kooritone.*

E. Hambon

⇒ *Magi shuunoon shitte ciichiich showoo areddeyaanbeetaa doyee kexooch hambon.*

HAAROO KEEMO

DAAGGII SHUUNO

Haaree gaboo: haaree doyee ciirooch doyechina'o:

- Boono elleton wochii giddiiheete.
- Daaggii shuunoona yeshet shalligoon biriiheete.
- Shemmeshee moochaafoon wochii biriiheete.
- Daaggii shuunoona yeshet shalligeena'on bariiheete.
- Shemmeshee maacoochee doyeet miheena'on kichiyeete.
- Xappe miheena'och biisho immiyeete.
- Xolloonaa meetonon bekkiyechon bariiheete.

Haaroo	Wulle Shimbo	Baqqeena'o	Kaallo	Doyechi koorice Hee'o	Ikke haaroochi shabaattee meeto
3	Daaggii Shuuno	Kuxo 1: Ello	1	27	3
		Kuxo2: Yibbaatoo	1	29	
		Kuxo 3: Shemmo	2	29	
		Kuxo 4: Kooroo	2	35	
		Kuxo 5: Mihe ariyoo	1	37	
		Kuxo 6: Noonee koko	2	38	

Kuxo 1: Ello

Dojee yawo:

Hin kuxo doyechina'o boono elle iiqqoon uumiyooch boono doyiibeetone. Ebich, giddet elle shemmeeshoon itti shemmooyee aaf shimboona yeshetona boonoshich shiichii beet ariyoon qoppo qaawiihe. Ebiyoo doyechi kooricooch keejjinnee haarooch ellee kuxooch, ellooyee aafi shuuraareena'on shuunebeeta. Aree hillooch hinichi dechiich beet elle shemmeeshoon shemmebit. Itti shemmaabeegoora doyechina'o aamee boono elloon dabbibit. Boono ellet shalligoon boono batteyaacheemmoch shalligichoo yesheeta. Shemmeeshoon keeje kaallo wochi wochi shemmebit. Itti shemme hinnoo kuxooch beet doyechina'och ubba elleyoo hakkimmonaa moodeelo tuno hakkimmo tuneba. Shemmaa itt ciichitoyee gubb doyechina'o boono koorico haaree keemooch ellee digene doyichoon arooch kotet hamadabboon quye shuunebeeta. Tachee wocheena'o hinichi dechaa koteti qoodooch doyechina'o immimm wochoon xiishooch gaacho hakkihit.

Doyee deggi qiico – kitteti yibbaatoo

Qoppe yawo – kuchi shuunoo, doyechina'ochi shuunoon qayo

Doyichoo: Ellooyee Aafinaa Ellee Goori Shuuraareena'o

Hajjiyool: Ellooyee Aaf

1. Gn. Abbebech Goobanin ariihote? Ame naboonane ittoshi ariito?

⇒ Ariiho woyee ariyaach imm wochoon imo hakkiyeete.

2. Gn. Abbebech Gobaniyoommi asheena'o ittoshi kitaamitooch beeteete? Eb asheena'o waanee ittoshi doyyit mooyo amoone?

⇒ Beeteete; iyichii shaahiyoo tiijjoo hakkiyeete. Boono ketaamitoochee daaggii shuunech asheena'on tiijjoo hakkiyeete.

3. Bare asheena'och gallaame mooyon halloo ame gaacoon daniyeche? Shaahiyoo tunii ittoshi tiijiyeemm asho beegaata gaache biriibot.

⇒ Asheena'o gallaame mooyon boono halloona boono dano hakkimmi mooyina'o; emirooch, maccoona shuchooch, bare asheena'och gaawe shaahaaniyoo tunooch, dab imm shalligeena'on immiichii ashi shigoon shaahiyooch sheqqo hakkiyeete.

Dr. Abbebech Goobani

Dr. Abbebech Goobani 1930 MN wonnee Shewa getaa aricheebeet woraafooch Salaalee awuraajjooch Shebel getteyaabeet xuggeech shiijjetone. Baribare qiheena'o bekkiiibeetoommon Dr. Abbebechi bo nallefittinoona bo aabbi Xaaliyaane ginoona qitaa bo indindeenowaanaa yiixiye nati eenooch beddaaha diccitone. Aroochee aree goorooch beet qoce naboona bo yiixiye nati eenona kenooch boono shaakkiitaa woddoo ippeetone.

Dr. Abbebechi aree goorooch Addisaabi katamooch waa'i time doyyoon doyyitino bo tuneti qoodooch ikke shuunee gorooch xurittine qoppechino tune shuunetone. Ebichi hinnoona beechii boo shiijje xaa'ooch baaree baarooch bo hammitoochaa boono indoo qitaa shaacet gutte nallefeena'on danee yechii womona bo gallaame shuunoon bo kottito tuno arichehe.

Eb nallefeena'on deggi shuunoon bo kotona meeti iritoo bo toommooch shagon bo kiineena'o bekkiiheete. Aree naboona bo kexon shaccitone. Eb bo shiit ikke bushoona aallooch bare asheena'o shiyaa iriteet bushiishoon shiqqiyaanoon macii deewii dichitone. Ebina ikke bushoonona bo hallooch shimo bo qajjitaanoona ikke humaa gutte ballooyee dambe bushiishooch indeeno bo tunoon bo kiino bekkiihe. Bo dichit bushiishoo doyii aafee gaawe daqqooch shaggiteete.

Eb asheeno bo qelli qaatoona tiyi bo shuunet shuuno oogetone. Bo kitaamito woyee showooch baach tuneyanoon aagetee tookk boon arichiite. Eb gallaame shuunoo ikke gaawe mooyon hallooch

qaawiibeeto hakkoo woyee ariyoo tuneyaanoon gaawe mullo bi tunoon bekkiihe. Bo shuunoona bo qelloon emirikkooye beshee bare ashi bushooch shaahaaniyoo tunetone.

Dr. Abbebechi booch beet gaanne woyee ariyee meetona tuneyaanoon qaatoona baach eb bulle mooyon shuunetone. Ebichi naboona Jimmi yuniveriti oogiyee dokitireete digrin booch immite. Shigo maashooyee damba beehee immoommon 2013 MN bo yiixene natona bo qititaanoona bo shuunet shuunoona bulle aaboon bo shigo tiyeemmone. Ebiyoo kiinoona baach tuneyaanoon bo neechit Abbebech Goobani nallefeena'on dichee goree naboona asho boon aatoona batteyaache.

Doyichoo: Ellee digene shuuraareena'o

Hajjiyoo I: Wochoo

1. Kooto 2. Kooto 3. Kooto 4. Iberoo 5. Iberoo

Hajjiyoo II: Wochoo

1. Wonnee Shewa getaa aricheebeeti woraafooch Salaalee awuraaajjooch Shebel getteebeeti xuggooch
2. Bo gaawe gaboone. Shiitina'o dichooch maweeti nallefeena'on kicii bo dichooch. Eb shuunoon bo shuuneto bo mulle gaawittinoonaa ashi degoonon gaachee'iniye.
3. Kashoona beechii gallaame shuunoon shuunet asho bi qitimmogaatoona batteyaache. Bi gaawe shuunee naboona asheena'o biin wochii shalligoo hakkiyeete. Bo shuunet

shuunoochee bekkeebeeti mooyo wotta bare asho biin
batteyaachemmon tuniihe.

Kuxo 2: Yibbaato – Nuucheena’ona ihaateyoo

Dojee yawo:

Dojjechinot, Doyechina’o Daaggii Shuunoon ciinnimmona boono nuucheena’ona tookki boono ihaateyeemmon tuniibit. Doyechi koorice haaree keemooch beeti yibbaatee kuchi dechiich beeti doyichooch giddeti echeena’on timo tunii boono ihaateyeemmoch goggiibit. Boono ihaateebeegoora dabbimmi shalligeena’on boono tiijjoonaa tiijjee qayonon qoppooch guuphina’on qaye hinnoochaa xiishooch herechebit.

Doyee deggi qiico – time hinneena’o,

Qoppe yawo – ihaateeyee hinnoon qayo

- Bulle ashoona biicho tunet niironaa kupphe ga’ona biich beem hakkiye. Ikkoo mucceto barooch beemo hakkiye. Ebich ikkoo baroona tookkii degee beemo qaawiihe. Ikkooch shappit mooyon ceechooch hakkiyeemmi iqqoo barooch beemo hakkiye.
- Gijjecho bi gijjoon, giidecho bi giidoon, ariyecho bi ariyoon gaachoona bi heenoon bi keyigaata ashi bushoo iritoochee keyo hakkiye.
- No beet hinnooch no kitaamitoochoo tuneba no aagetooch tuneemmi gallaame mooyon shuuno nooch qaawiihe. Gallaame shuunee timo gallaame shalligoone. Wodde

gommona gondo bi tunoon no digenet mooyon hallee qayo, dego qaawiibeetina'on no hakkee wotto dego, no kitaamitoon shiimo, no doytit woyee no ariit yawoon ibera gaacho, bare asheena'och gaawe shaahaaniyoo tuno, eb mooyo taan ciinaache immi gonde shalligoon no qelloochee aalliyoo dab daaggii shuunoona yeshetone.

- No shuunoochee gallette danoono daneeqayono hakkiyon. Tunebaani, no kitaamitoon woyee ashi bushoon gaacciye iyaa no gibenet shuunoon shuunooch gijjee qochoon woyee gallettee danoon quyo qaawiyaache. No gaawe shuunoochee ibere mulle emiroon dano hakkiyon.

Kuxo 3: Shemmo

Dojje yawo:

❖ *Dojjechinot, hin kuxoochaa doyechina'o shemmee digene doyyoon boono uumiyeemmoch quyeehe. Ebichi naboona, hiniyee desh giddet yawoon gaache hin kuchi doyyoon itti gididiyeemmo tuneba!*

- ➔ **Shemmooyee aaf:** shemmeeshoon boono shemmooyee aaf boonoshich shiichii beet ariyoon gaachoona boono wochiyeemm echeena'o "**Daaggii Shuuno**" immi shemmeeshoochee giddeteete. Doyechina'o eb echeena'on daaggii shuunoona yeshetona shiichii boono ariibeet qihoon woyee shalligoon gaache wochibeeta. Doyechina'o echeena'on boono wochiyeemmoch beddimmi wotte shaahiyoona eb

shalligoona yeshetona itti ariyoochee tiijjiich boono ariibeeton boono getteemmmoch goggiibit.

→ **Shemmee goora: “Daaggii Shuuno”** immi shimboona doyechi koorice maacooch giddeti shemmeeshoon boono shemmeemmon tuniibit. Boono shemmeebeegoora qaaron kichaano boono qelli qellich shemmebeeta! Boono shemme hinnoochaa shemmeshee wulle shalligoon wochii shalligooch boonoshin deggeemmi hinnoona boono gawaatiyeemmo tuneba.

→ **Shemmooyee gubb:** doyechina’o shemmeeshoon shemmee boono ciichitoyee gubb doyechi koorice maacooch haaree keemooch shemme kuxi dechiich giddet shimme digenoona yeshet echeena’och tate wochoon boono immeemmon tuniibit. Eb doyichoon shemmeeshoon shemmee boono digenetoyee gubb boono qelli qelloona koori wochibeeta. Dabbii giddeti wocheena’on doyechina’o immimmi wocheena’on xiishooch gaachebit.

Doyee deggi qiico: shalligee kocci kaartoo

Qoppe yawo: kuchi shuunoo, magi shuunoo, shemmeegoori qayo

Hajjiyoo I: 1. Iberoo 2. Iberoo 3. Iberoo 4. Kooto 5. Kooto

Hajjiyoo II: Shalligee kaartoon ceechoo



Hajjiyoo III: Doyechina'o koorimmi echeena'on qayeechi men echeena'och boono halla wochee boono immi hakkoon dabbi ciini qoppebit.

Hajjiyoo IV:

1. Qelli qaatoo woyee niyoo
2. Hiniichaa boono kitaamitooch daagqi shuunet asho beegaata geteeta. Aroochee bi shuunet qaawe mooyo amogaata biriibeeta. Shaahiyooch ikke gooroon Maafixi getteebeeti doono gurmaasheena'och hakkoon uumiyooch bo qelli qaawoona gijjoo erettiyoona meeti gurmaasheena'o giixe wodiyeemmon tuniitone. Daakkoona giixe yawoono gurmaasheena'och arichiitone getteehe.
3. Hiniichaa boono kitaamitooch beet daaggii shuunoona yeshet ciinon boono doyoochee biriibeeta. Shaahiyooch Boongii

guudooch katamee gurmaasheena'o bareena'on degoch
boonoshich beet ciino gaawetone. Ikke goorooch Teepp
katamooch iritoo shaagaa meeti asheena'o iriteetaa gijjoo kicii
qiico kemee hammii echeteete.

4. Boono kitaamitooch beet daaggii shuunoona yesheti
shuuraareena'on sheqqebeeta.

5. Gujje ministeereno Dr. Abiy Ahmedine.

Kuxo 4: Kooroo -Gibenikkech shallikoon kooroo

Dojje yawo:

- ➔ Doyechi kooricooch gibenikkech shallikee amittinoon ciinnimmona dabbimmi biriyoo giddete. Ebich, doyechina'o eb biriyoona boono ga'eexi nuucheena'ona tookki boono shemme digeneemmoch bedde gooroo imbit. Arooyee gubb, doyechi koorice maacooch eb kuxoch ichet hajjiyoona dabbi kooroon boono kooriyeemmon tuniibit.
- ➔ Biriyoona shemmeechi hajjiyoona indiyoon boono kooroon kuxoochaa gawaatibeeta. Kooree hinnoochaa boonoshin iritimmi mooyon ciini degit.
- ➔ Boono kooroon boono nuucheena'ona tookkii boono ciinnii tiimmona wochii tachee shuunoon kexoochaa shuunebeeta. Aroochee illee kaallooch tatet kooroon yeshi waa bekkiibee amoon aabichii boono tachitogaata biriibeeta.

Doyee deggi qiico: shallikooch giddet biriyoo , baribare

kooreeti shallikkee shaahiyeena'o

Qoppe yawo: Doyechina'ochi kooroon qayo, doyechina'o boono nuucheena'ochi kooroon boono tachee hinnoon ciino

Gibenikkech shallikoo: *ikke mooyon ciinnimmona shemmechoch bede ariyoon imoch qanniibet shallikee shaahoone. Koorecho bi digenet daqqoona baach tuneyaanoon bi ciinnit kaattoona ikke shalligoon shemmecho digeneemmoch bi gaacheebeet kooree shaahoone. Koorecho tiijiibeeti shalligoo eeheto woyee tooneto tuno hakkiye. Shaahiyooch; ikke asho qocoona yeshet shuuraaro miiximm mooyo tunoon ariyoona shixo hakkiye. Baroo wotta qocoona beemi gaawittinoon digeneebeeto tuno hakkiye. Eb bi gaawittinoon digeneebeeti asho gondoone iyi shalligiibeetoch bi gawittinoon gibenikkooch qaawoo hakkiye. Eboommi hinnoochena kooroona bi shalligoon woyee ciinoon gibenikkooch bi qaawimmona gaacho bi hakkimm kooree shaahoone. Bi tiijit shalligee gaawe ga'oon baach ciinnimmi meeti qiheena'on giddiyoona shemmechoch biichona shaahe ciino beeyeemmon tuniiche. Bare hinnoona eb shallikoo asho xiishii ariyaani shalligoone getaa bi gabeemmona eb shalligoon xiishiyoona gibenikkooch qanniye. Bi tiijit shalligooch meeti woyee gamini qihoon giddiyoo eb shallikee inde shuriyoone.*

Hajjiyoo: *Hiniyee damba giddet qamine biriyoona gaachoona gibenikkech shallikoon doyechina'o kooriyeemmon tuniibit. Eb shallikoon boono koorimmona dabbimmi bo'eena'on gaachebeeta.*

- ⇒ *Shiichi gibenikkech kooree amittinoonaa shuriyoonon shemme digenebot;*
- ⇒ *Ittoshi kooriyeemm moochaafoon woyee shimboon kaacot. Koorooch timo tunii ittoshi gaacheemm shalligoo daaggii shuunoona yesheto tuneba. Ittoshi kitaamitooch beet gurmaasheena'o halliibeetona halliya beddimm mooyona tunemmogaata oogetoommon mashaamiye. Shaahiyooch; kitaamite xallitinoon, du'etina'on degon, buchichee bechoon, gommi shuunoon, trafike sheeree dojjoon, dab ciinnimmi shalligeena'on timo tunii gaacho hakkeehe.*
- ⇒ *Ittoshi mattiti shimboon ittoshi kaaccitoyee gubb gamichi shalligi digenebot.*
- ⇒ *Ittoshi kaacciti shalligoon timo tuniyyee awudde mokasheena'on bi maacooch yechit gibenikkech shallikoon kooribot. Mokasheena'on ittoshi kooriibeegoora mokashe amittinoon ciinnimmona ittoshi doyt shalligeena'on batteyaayote.*
- ⇒ *Koorii ittoshi ciichimmona kooroon qaye ciini afaafinoona tato hakkimm mooyina'o beegaata tachibot.*
- ⇒ *Ciiroochaa ittoshi nuucheena'ona tookki tateya beddimmi shalligeena'on imaade'eebee tachi kooribot.*

Kuxo 5: Mihe Ariyoo- Xappe miheena'on bariyoonaa biishe imona

Dojje yawo:

- Mihe ariyee kuxo doychina'o boono doyiibeeti noonee miheena'o biishoon boono digeneemmoch DOJJOONE. Ebich baribare yaweena'on gaachoona doychina'o ebiyee aaf boono ariyaani iibbe miheena'on woyee boono ariibeet miheena'ochi budi gaache hinnoon boono digeneemmon tuniyoo qaawiihe.
- Hin haaroochaa doyeeyemm mihe ariyee baqqo xappe miheena'on barii biishe imone.
- Dojjechinot! Xappe miheena'ochi amittinon ciinnimmona doyechi koricooch giddet biriyoona boono shemme digeneemmon tuniibit. Hin daqqoochena eb miheena'och biishe imo tunemmona shimittinnee kimoochaa xappe miheena'on boono gaacheemm hinnoo beeti qoodooch boono shemmetoyee gubb daakke biriyoona itti immeemmo tuneba.
- Ebich xappe miheena'on ciinnimmona boono shemmet biriyoona daakki shaahiyoona kupphiibit. Ebin degoch doyechi koorico haaroo keemooch mihe ariyee doyee kuxooch giddet doyicheena'on doychina'o guuphona shuuneemmon tuniibit. Hiniyee dabbii giddet wocheena'o doychina'ochi wocheena'on xiishooch gaachebit.

Doyee deggi qiico – dojjooch giddet xappe miheena'o

Qoppe yawo – guuphi shuuno

Xappe miho: gutte boono qello hakkiti miheena'o ikkottee boono halliibeet mihoone. Xappe mihoon kococh gaacciibeet miheena'o boono qello hakkitina'ona boono qelli biisho boonoshich beet

miheena'one. Eb gutte miheena'o xappee'ii ikke biishech mihoon boono immimmona xappe miho getteeheete.

Sha. keyo + kindoo = keyaakindoo

Keyo = damba woyee tookk hamo

Kindoo = dugulla woyee desh hamo

Keyaakindoo = geppoonaa dugulloona beet xaa'oo.

Doyichoo: Xappe miheena'on biisho

Hajjiyoo I: Xibiyoo

1. B 2. E 3. G 4. A 5. F 6. D 7. C

Hajjiyoo II: Xappe mihe biishe imo

1. Gibene xaa'oone woyee baaroo beet kexone.
2. Mocee woyee shuyi shaahoone.
3. Doyoo daneebeet kexo woyee xaa'oone.
4. Uyo kecheebeet woyee ucheebeet kexo woyee xaa'oone.
5. Bune gufiyooch gaacciibeet qodoone.

Kuxo 6: Noonee Koco - Xolloonaa meeton bekkiyechon bariyoo

Dojje yawo:

↪ Noonee koce doyoo doyechina'o noonee gaache tate shafiroon boono doyiyeemmoch deggeemm kuxone. Eb kuxoochaa

doyechina'o iiqqoon tuneyaanon baqqoon gaachoona noonee kocoon ciinnimmi qihoon digenooch doyibeeta.

→ Dojjechinot! xolloonaa meetonon bekkiyechina'on ciinnimmona boono kooricooch giddet biriyoona boono shemmeemmooh bedde gooroon imbit. Boono iriteyeemmi mooyo danegaata daakke biriyoona shaahiyoona degii imbit. Aroochee shahiyoona kooree madooch koori minnakanne xolloonaa meeti bekkiyechonon boono bariyeemmon tuniibit. Ebin kupphiyooh doyechi koorico haaroo keemooh noonee koce doyyee kuxooch giddet doyyicheena'on doychina'o guuphona shuuneemmon tuniibit. Hiniyee dabbii giddet wocheena'o doychina'ochi wocheena'on xiishooch gaachebit.

Doyee deggi qiico – mihe chaarto

Qoppe yawo – kuchi shuunoo, magi shuunoo, qayo

☞ *Dojjechinot, Hin kuxoochaa noonee kocoona yeshet doyyoo xolloonaa meetonon bekkiyechon bariyoone. Ebich hiniyee desh ebin ciinnimm gamini biriyooh giddete. Eb biriyooh doyechi kooricooch beeti qoodooch boono shemmeemmooh bedde gooroon imbit.*

☞ *Aroochee boono shemmet mooyon ciinnimmona boono digenoon dabbimmina'on shaahe echeena'on tiijji xiishibit.*

- *Xolle haddoo amoone?*
- *Meeti haddoo amoone?*

- *Mihe toommooch bekkeebeet haddoo amoon bekkiihe?*

☞ *Aroochee dechiichaa giddet noonee kocoona yeshet
doyicheena'on shuunebeeta*

Shalligichoo: mihe toommooch xollittino woyee meeto tune hinnoo bekko hakkiye. Eb hinneena'o men moochi woddoonaa wodde qayonon bekkiiheete.

- **Xolloo** – ikkoo woyee mixxo bi tunoon bekkiihe.
- **Meeto** – guttoo woyee guttooyee damba beeto tunoon bekkiihe.

Shahiyooch:

Xolloo

‘gattoo’ – ikke gattoo bi tunoon bekkiihe.

‘asho’ – ikke asho bi tunoon bekkiihe.

Meeto

Gatteena'o – wodde gattoo bi tunoon bekkiihe.

Doyichoo: Miheena'on xolle qecoochee meeti qecooch shaddoo

Hajjiyoo I: wochoo

1. Emmisheena'o
2. Qaccemmeena'o

3. Caayina'o
4. Kureena'o
5. Mixina'o
6. Maayeena'o
7. Kexina'o
8. Goreena'o
9. Waariijeena'o
10. Goddeemmeena'o

Hajjiyoo II: Xolle woyee meeti qecoona koteti miheena'on mokashe maacoochee bariyoo.

Wochoo

Xolloo	Meeto
<u>Boongi</u>	<u>gurmaasheena'o</u>
<u>Katamee</u>	<u>boono</u>
<u>gallaame</u>	<u>shuuneena'oochee</u>
<u>shuunoona</u>	<u>meeti</u>
<u>Eb</u>	<u>buchicheena'on</u>
<u>ikkoo</u>	<u>bareena'och</u>
<u>buchichoon</u>	
<u>Gijjee</u>	
<u>Wochoon</u>	
<u>bare</u>	
<u>Ashi</u>	

SHABAATTINNEE KIME KAFI NOONOO

<u>kubbi</u>	
<u>shaahaaniyoo</u>	
<u>shuuraaroone</u>	
<u>Ebiyoo</u>	

Hajjiyoo III: boono meeti qecoona koteti miheena'on xolle qecooch shaddoo

Wochoo

YH	Meeti qecoo	Xeppoo	Xolle qecoo
1.	Qondeena'o	-na'o	Qondoo
2.	Taheena'o	-na'o	Taho
3.	Maneena'o	-na'o	Manoo
4.	Gommina'o	-na'o	Gommo
5.	Gabexeena'o	-na'o	Gabexoo
6.	Mixina'o	-na'o	Mixo
7.	Buchicheena'o	-na'o	Buchichoo
8.	Moobayileena'o	-na'o	Moobayilo
9.	Nuucheena'o	-na'o	Nuuchoo
10.	Gabbereena'o	-na'o	Gabbero

HAAROO AWUDDO

ARICHET ASHENA'OCHI KASHEE KIINO

Haaree gaboo :Haree doyoo ciitoyee gubb doychina'o:

- Boono elletton wochii biriiheete.
- Kashee kiine amittinoon biriiheete.
- Shemmeshee maacooch nabaa-daache yeshoon bariiheete.
- Archeti ashi kashee kiinoon kooriyeete.
- Yeshiyee miheena'on bariiheete.

Haaroo	Wulle Shimbo	Baqqeena'o	Kaallo	Doyechi koorice Hee'o	Ikke haaroochi shabaattee meeto
4	Arichet Asheena'ochi Kashee Kiino	Kuxo 1: Ello	1	42	3
		Kuxo2: Yibbaatoo	2	45	
		Kuxo 3: Shemmo	2	46	
		Kuxo 4: Kooroo	2	52	
		Kuxo 5: Mihe ariyoo	1	54	
		Kuxo 6: Noonee koco	1	56	

Kuxo 1: Ello

Dojee yawo:

Hin kuxo doyechina'o boono elle iiqqoon uumiyooch boono doyiibeetone. Ebich, giddeti elle shemmeeshoon itti shemmooyee aaf shimboona yeshetona boonoshich shiichii beet ariyoon qoppo qaawiihe. Ebiyoo doyechi kooricooch awuddinnee haarooch ellee kuxooch; ellooyee aafi shuuraareena'on shuunebeeta. Aree hillooch hinichi dechiich beeti elle shemmeeshoon shemmebit. Itti shemmaabeegoora doyechina'o aamee boono elloon dabbibit. Boono elleti shalligoon boono batteyaacheemmoch shalligichoo yesheeta. Shemmeeshoon keejje kaallo wochi wochi shemmebit. Itti shemme hinnoo kuxooch beet doyechina'och ubba elleyoo hakkimmonaa moodeelo tuno hakkimmo tuneba. Shemmaa itti ciichitoyee gubb doyechina'o boono koorico haaree awuddooch ellee digene doyichoon arooch kotet hamadabboon quye shuunebeeta. Tachee wocheena'o hinichi dechaa koteti qoodooch doyechina'o immimmi wochoon xiishooch gaacho hakkihit.

Doyee deggi qiico– footeena'o

Qoppeyawo– kuchi shuunoo, qayo

Injiiner Dr. Qixay Ijjigi

Dr. Injiiner Qixay Ijjigi bo aabbi Dn. Ijjigu Hayillinaa bo indi Gn. Askaale Belayinawaanee wonnee Kafi awuraajjooch Boongi Katemooch awureppée haddoona 1948 M.N shiijjetone. Bo eeno doyooch shagaa 1^{no} naa 2^{ne} daqqe doyoon Boonginaa Yimmi katemoochaa doytone. Aroochee Baahir -Daar Pooli Teekiniike Kolleejooch gimona bo doyoon ciichii diireetone. Injiiner Dr. Qixay Ijjigi Jappaane showooch hamona Heeroshimi Yuniversitiichee Industirinaa Awutomootive Injiinerengee doyyee shaahoona diireetone. Arooyee gubb Amerikaane showooch hamona Giixee yaaboona/Business administration/ doyyee shaahona 2^{ne} digirina diireetone. Ciiroochaa booch beeti ooge doyyee niyoochee tiitona shimaajji saayinsee phire (aerospace science) ariyoona doktreete digirina diireetone.



Dr. Qixay aagetee toommooch aricheti Amerikaane showooch daneebeeti NASA getteebeeti shimaajji saayinsee phire aadooch shuunetinonaa eb aadoon yaabitino bo tunemmona shimaayooch

hamoch gaaccimmi baribare menkuraakureena'onaa rookkeetteena'onon hallitone. Dr. Qixayi hin no beet aagetooch ooget gaaco immimmi shuuneena'on shuunet aagetee yiiteena'o daggooshee ikkeenone. Dr. Qixay Traans Tek Internaashinaal getaa aricheebeeti aagetee tookki teknolooje kocoon neechoona aagetee showeena'o teknolooje iiqqoon boono uumiyeemmoch boyecho tune gaaccitone.

Dr. Qixayi bo mecheeno Gn. Steela Ijjigiwaanee ikke maacheenaa gutte anaami bushiisheena'on shiitane. Areeno gaawe ariyechino baach tuneyaanon bo kechasheena'on woddii shunniibeet gallaame qeejjechinone. Bo bushiisheena'on emiroona dichiibe Asteen Teksaas getteebeeti xaa'ooch beet bo xibeena'on echooch bo hammitoochaa bo toommooch shaggit biiye naboona awurophee haddoonaa Dongelleb 13, 2006 M.N ba bo shiijjetti 58 natona kashetane. Dr. Qixay Ijjigi bo gaawe shuriyoonaa aagetooch bo shuuneti shuunoona aagetee aaxxe asheena'o daggooshee ikkeenone.

Doyichoo 2:Ellooyee gubbi shuuraareena'o

Hajjiyoo I:*wochoo*

1. Kooto - Naboo Jappaane showooch daneebeeti Heerooshimi Yuuniversity Awutoomotive Idustiriina injineerigoona bo doyii diireeti xaa'one.
2. Kooto -Naboo eb phiree aadoon yaabitane. Baroo wotta memkurakureena'onaa rookkeeteena'onon shuune shimaayoch daachiitane.

3. Kooto – Naboo, Steela Ijigi bo mecheene. Maachi showooch keno shaaggit gennina'o ceekkeebeeto boono kenoochi shigoonane.

4. Kooto - Dr. Qixayi shiijjeto topphiyoch tunnemmona bo qititi xaa'o Amerikaane showooch danaabeeti Asten tekisaas gettiyaabeetichenane.

5. Iberoo

Hajjiyoo II:Wochoo

1.C 2. A 3. D

Hajjiyoo III:wochoo

1. Kafa Boonga

2. NAASA Phire aadon yaabo 2/ Rookkeette shuuno 3/
Trans Tech Internashinal Teknooloji kocoona bo neecho

3. a/Injjineeringo b/Bizines administreshino c/shimaajji
phire ariyoo(aerospace science)

4. Biiye hayibo

5. Bo shiijjeti 58 natona

Kuxo 2:Yibbaato - Arichet ashi kashe kiine toommooch yibbaato

Dojee yawo:

➔ Doyechina'o ikke boono ariibeeti ashi kashee kiinoo kuchi maacoochaa boono kooriyeemmoch shalligichoo imbit. Ebiyee shiichi boonoshin gaacceemmi shaahiyoona itti ariyaabeeti ashi kashe kiinoo tiijji biriibit.

➔ Shalligichoo itti immemmona kashee kiino kooreebeeto shiijjoochee kottii qitooch beddaaha woyee kashoona beeto tunegaata and beddaaha bi shuuneti shuuneena'on daakkii tunoon archiibit. Ikke aricheti ashi kashe kiinon shaahiyooch giddii bekkiibit. Doyechina'o koorii qannayiton qaaroona boono giddiyeemmo tunoon arichiibit.

Doyee deggi qiico –kooraa giddeti arichet ashi kashe kiinee shaahaaniyoo

Qoppe yawo – guuphi shuunoo, qayo

Kuxo 3: Shemmo

Dojje yawo:

Dojjechinot! Doyechina'o hin kuxoochaa doyeet iidiyeemeena'on shemmoona boono bariyeemmon tuniibit. sha. *Muddaallo* geto ama getogaata shemooyee aaf tiijji echebit. Boonoo immimmi wochoonaa baribare iidiyeemeena'onon kooree madooch kooribit. Itti kooriton doychina'o shemmeemmonaa biisho boono immeemmonon tuniibit. Arooyee gubb doychina'o shemmeshee maacooch beeti iidiyeemeena'on aamebee boono shemmeemmoch gooroo maacit. **Dn. Bishay W/yohaannisi** kashe kiinon ciinnimmona giddeti shemmeeshoon doychina'o kaall kaalloona qaaro kichiyee boono shemmemmo tuniibit. Shemmeeshoochee kechiti echecheena'onaa iidiyeemeena'on doychina'on guuphona koci shuuniibit. Daakkoona

shemmeshee wochoon digenoon xiishooch deggimmi
baribare doyicheena'on doyechina'o shuuneemmoch kuchi
shuunoonaa magi shuunoon imbit. Boono immeemmi wochee
tatittinoon xiishooch hinichi dechiich kotet wocheena'on
gaachebit.

Doyee deggi qiico - iidiyeemeena'on yechit kiiraakiiroo

Qoppe yawo - kuchi shuunoo, magi shuuno, shemme hinnoon
qayo

Hajjiyoo I: wocheena'o

1. kooto 2. Iberoo 3. Kooto 4. Iberoo 5. Kooto

Hajjiyoo II: wocheena'o

1. *Gimbee dubbiyooch*
2. *Gimbi, Boonginaa Jimmina*
3. *Ikkonoomikisoona*
4. *Ingilize showooch*
5. *kafi yiitena'on ibaariyoonaa boyoona, Kafi noone biree kaaco ,
kafi noonee dikishineerin qannayooch qihoo kicii bare
koorechina'och imo*

Hajjiyoo III: wocheena'o

1. Aafo gaxxaano = Doyaano
2. Xepphee yechiyoo = Shiichii koto
3. Areddee gippoo = Bekko
4. Gashoo shaaciyee = Kuppheyee
5. Gommo qaxxetone = Bekkiitone
6. Maaco kuxaano = Manjii

7. Kishaa baateyee = Shitteyee

Kuxo 4:**Kooroo:** Yeshiyee miheena'on bariyoo

Dojee yawo:

- ↪ Doyechi kooricooch yeshiyee miheena'on ciinnimmona dabbimm bariyoo giddete. Ebich doyechina'o eb bariyoon boono ga'eexi nuucheena'ona tookki boono shemme digeneemmoch bedde gooroon imbit. Arooyee gubb dechaa ichet hajjiyoon dabbi kooroon boono kooriyeemmon tuniibit.
- ↪ Bariyoon shemmeechi hajjiyoon indiyoon boono kooroon kuxoochaa gawaatibeeta. Kooree hinnoochaa boonoshin iritimmi mooyon ciini degit.
- ↪ Boono kooroon boono nuucheena'ona tookkii boono ciinnii tiimmona wochii tachee shuunoon kexoochaa shuunebeeta. Aroochee illee kaallooch tatet kooroon yeshi waa bekkiibee amoon? aabichii ? boono tachitogaata biriibeeta.

Doyee deggi qiico: yeshiyee miheena'ochi bariyoon yechit kiiraakiiro

Qoppe yawo: doyechina'ochi kooroon qayo,

Yeshiyee miheena'o: getteebeetina'o gutte baribare miheena'on woyee minnakanneena'on yeshii koorooch gaacciibeeti miheena'one. Yeshiyee miheena'on gaachoona gutte xolle minnakannena'on yeshii xappe minnakanno tuniyoo hakkeehe.

SHABAATTINNEE KIME KAFI NOONOO

Yeshiyee miheena’o baribare noonee qeppeena’o daggooch yeshoon halloocho gaacciyeete. Ebiyoo, gutte mooyina’o daggooch beet yeshoon baribare hinnoona bekkiiheete. Shaahiyooch; “tunebaani” immi yeshiyee miho shiichii giddet shalligoo dabbi woyeemmi shalligee sheexo tunoon bekkiiyooch gaacciye. Ebich eb miho gutte shalligeena’ochi sheexe yeshoon bekkiiyooch gaacooch heechiye.

Kafi noonoochaa gaaco immiibeeti yeshiyee miheena’oochee shaahiyooch dabbina’on sheqqo hakkeehe.

Tunebaani, ebich, eboommon, Woyee, wotta, Bi tunetoch, ebich qoodooch, Qoodooch, tunetaana

Eb yeshiyee miheena’o ame gaacoon boono immiibeetogaata kiiraakiire maacooch bekkete

Sheexe yeshoon bekkiyooch	Shalligee daakkoo tunoon bekkiyooch	Naboonaa daache yeshecho tunoon bekkiyooch	Shiichit shalligee keroo/shahoo tunoon bekkiyooch
<i>Tunebaani</i> <i>Tunetaana</i>	<i>Wotta</i> <i>Eboommon</i>	<i>Ebich</i> <i>Qoodooch</i> <i>Ebichi-</i> <i>qoodooch</i> <i>Bi tunetoch</i>	<i>Woyee</i>

--	--	--	--

Doyichoo: yeshiyee miheena'on barii gaache shuuraareena'o

Hajjiyoo I: wocheena'o

1. -naa
2. qoodooch
3. bi tunetoch
4. Woyee
5. Ebich

Hajjiyoo II: wocheena'o

1. sheexiyooch
2. nabaadaachee bekkiyooch
3. shalligee daakkoyich
4. shalligee daakkoyich
5. sheexiyooch

Hajjiyoo III: Doyechina'o mokashee maacooch beeti ubbe yeshiyee miheena'on boono kichoon xiishibit.

Kuxo 5: Mihe ariyoo – doyeet miheena'on baribare hinnooch gaacho

Dojje yawo:

- ↪ Mihe ariyee kuxo doyechina'o boono doyiibeeti noonee miheena'o biishoon boono digeneemmoch dojjeebeeti kuxone. Ebich baribare yaweena'on gaachoona doyechina'o ebiyee aaf boono ariyaani iibbe miheena'on woyee boon ariibeet miheena'ochi budi gaache hinnoo boono digeneemmon tuniyoo qaawiihe.

➔ Hin haaroochaa doyeemmi mihe ariyee baqqa doyeet miheena'on baribare hinnooch gaache doyoone. Ebich eb doyeet miheena'on baribare xaa'ooch boono gaacheemmi shuuraaron gaachebit. Eb miheena'ochi biishoon boono ariyoon gaachoona minnakanne maacooch boono gaacheemmon tuniibit. Ebin kupphiyooy doyechi koorico haaroo awuddooch mihe ariyee doyee kuxooch giddeti doyicheena'on doyechina'o guuphona shuuneemmon tuniibit. Hiniyee dabbii giddet wocheena'o doyechina'ochi wocheena'on xiishooch gaachebit.

Doyee deggi qii – doyeet miheena'on yechiti kiiraakiir

Qoppe yawo – guuphi shuuno

Hajjiyoo I: *Doyechina'o immimm shalligoo daambit.*

1. Ubbe doyee gattooch beeti ariyechina'o Kafin diciyooy qii boonoshich qaawiihe.
2. Doyee kexo hichetaa doyechina'o kasheteete.
3. Noonee ariyoo beegaata kemaakemoch woddii iritaache.
4. Biiyo besheebeeti gommon ashich digeniyoo qaawiihe.
5. Andi gooree beemo aaxxite.
6. No doyee kexooch beeti koorjexoon gaacho doyooy deggiye.
7. Attumi bi kuchi shuunoon kaate shuune dojjechoch beekiite.

Hajjiyoo II: wocheena'o

1. iiqqoo 2. Doyoo 3. Kiinoon 4. Yaaboo 5. Toocooch

Kuxo 6: Noonee koko -Mihe shuyeena'on bariyoo

Dojee yawo:

- ↪ Noonee koce doyoo doyechina'o noonee gaache tate shafiroon boono doyiyeemmoch deggeemmi kuxone. Eb kuxoochaa doyechina'o iiqqoon tuneyaanon baqqoon gaachoona noonee kocoon ciinnimmi qihoon digenooch doyiibeeta.
- ↪ Dojjechinot! minnakanne maacoochee mihe shuyeena'on bariyoon ciinnimmona boono kooricooch giddeti biriyoon boono shemmeemmoch bede gooroon imbit. Boonoshin iriteyeemmi mooyo danegaata daakke biriyoon shaahiyoona degii imbit. Aroochee shaahiyoon kooree madooch koori minnakanne maacooch mihe shuyeena'on bekkiibit. Ebin kupphiyooch doyechi koorico haaroo awuddooch noonee koce doyee kuxooch giddeti doyicheena'on doyechina'o guuphona shuuneemmon tuniibit. Hiniyee dabbii giddet wocheena'on doyechina'ochi wocheena'on xiishooch gaachebit.

Doyee deggi qiico – kooraa giddeti minnakanneena'onaa mihe shuyeena'ona

Qoppe yawo – kuchi shuunoo, magi shuunoo, qayo

Hajjioo I: Shigee mihe shuyoonaa kanne mihe shuyoonon ciinnimmona doyechina'och baribare shaahiyeena'on gaacheree biriyoo imbit.

Sha. Aangechi uro gommooch koteechi ashoona kaareebeete.

Aangechi uro_shige miheshuyo gommooch koteechi ashoona kaareebeete. kannee mihe shuyo

1. Ceelle bage woderoo kuxetan.

Wochoo: **Ceelle bage**__ *shigee mihe shuyo*

woderoo kuxetan __ *kannee mihe shuyoo*

2. Kafi noonee doyoo yuunivesiti daqqooch shaggite.

Kafi noonee doyoo _ *shigee mihe shuyo*

yuuniversity daqqooch shaggite__ *kannee mihe shuyo*

3. Beemi kexon xallayi yesho qaawiihe.

Beemi kexon __ *Shigee mihe shuyo*

xallayi yesho qaawiihe ____ *kannee mihe shuyo*

4. Koroono gonde biiyone.

Koroono _*shigee mihe shuyo*

gonde biiyone__*kannee mihe shuyo*

Hajjiyoo II: wocheena'o

1. Meeti bushiisheena'o doyee kechi gaddooch kaachiibeeteete.

2. Koroonee biiyo wodde Awurophee showeena'on miixite.

3. Kuppee doyt asheena'o boono showoon qeejjoo hakkiyeete.

4. Ginee koyee naboona waabeeti iritoo ikonoomin miixoo hakkiye.

5. Kadijji bulle aaboon taahaano shuuno hakkiyan.

HAAROO UUCHOO AACONAA BI GAACOONA

Haaree gaboo: haaree doyee ciirooch doyechina'o:

- Elleet baqqoochee shalligichoo yechiyeete.
- Aachi gaacoon biriiheete.
- Boono shalligoonaa gaboonon bariiheete.
- Boono mihe ariyoon kichii gaacheheete.
- Aachi shaaheena'on bariiheete.
- Minnakanne maacee hallibinaa deqquer koceena'on bariiheete.
- Miheena'ochi kaame biishoon gettiyeete.

Haaroo	Wulle Shimbo	Baqqeena'o	Kaallo	Doyechi koorice Hee'o	Ikke haaroochi shabaattee meeto
5	Aaconaa Bi Gaacoona	Kuxo 1: Ello	1	58	3
		Kuxo2: Yibbaatoo	1	60	
		Kuxo 3: Shemmo	2	61	
		Kuxo 4: Kooroo	2	68	
		Kuxo 5: Mihe ariyoo	1	69	

SHABAATTINNEE KIME KAFI NOONOO

		Kuxo 6: Noonee koko	2	71	

Kuxo 1: Ello

Dojee yawo:

Hin kuxo doyechina'o boono elle iiqqoon uumiyooch boono doyiibeetone. Ebich, giddet elle shemmeeshoon itti shemmooyee aaf shimboona yeshetona boonoshich shiichii beet ariyoon qoppo qaawiihe. Ebiyoo doyechi kooricooch uuchinnee haarooch ellee kuxooch; ellooyee aafi shuuraareena'on shuunebeeta. Aree hillooch elle shemmeeshoon itt shemmemmona doyechina'o shalligichoon yeshibee boono elleemmon tuniibit. Elle hinnoochaa doyechina'o axiraacheyaachemmoch boono daqqooch mashaamimm hinnoona itt shemmetaa ellebeeta. Doyechina'o elle boono xiishiyaaha shemmeeshoo keejje kaalloon wochi wochaa shemmeeba. Itti shemme hinnoo kuxooch beet doyechina'och ubba elleyoo hakkimmonaa moodeelo tuno hakkimmo tuneba. Shemmaa itt ciichitoyee gubb doyechina'o boono koorico haaree uuchooch ellee digene doyichoon arooch kotet hamadabboon quye shuunebeeta. Tachee wocheena'o hinichi dechaa koteti qoodooch doyechina'o immimm wochoon xiishooch gaacho hakkihit.

Doyee deggi qiico – kitteti elle shemmeeshoo

Qoppe yawo – kuchi shuunoo, qayo

Doyichoo 1: ellooyee aafi shuuraareena'o

Hajjiyoo I:wocheena'o

1. Aaco amooyich gaacciye?

⇒ Uyoch, machooch, maaye qannayooch, becheena'och, kechi gijjeena'o, maaye shakkiyooch, dab imm wocheena'on imo hakkiyeete.

2. Aaco amoochee danehe?

⇒ Unnoochee/xuuphoochee, amiyoochee, woce aacoochee, gejjoochee, boombooche, baharoochee, dab imm wocheena'on imo hakkiyeete.

3. Indee gondoona aachi gondoona aalloone imm yibbaatoo amoon bekkiiyooch giddetone?

⇒ Indee shiyeti bi tunetoch gondaa miixaane bi tunoonaa aco eboommon ashi bushoo kashooch woyee beemoch indittinoona qaawiibeeto bi tunetoch aallee'inani danee miixaache getochiye.

Aachi Gaaco

Aaco showee toommooch beet kashech mooyina'och indittinoona qaawiibeet mooyina'oochee ikkoone.Aaco kashech mooyoch maachet gaacecho tuneyaanoon ubbe beeyi goorooch qaawiibeet

mooyone. Bi immiibeet gaacoon no shalligimmona aaco meeti gaacoon hallooch immiye. No kitaamitoochaa aacoochee no danaabeet gaaceena'on sheqqebone no immogaata meeti shalligeena'on tiijjoo hakkiyon. Eboshiyoo, uyoch, machooch, no beet guudoon xallayooch, becheena'on dichooch, gijjeena'och uchooch, kechi hagogh, dab immina'o no kitaamitoochaa aacona yeshetona no ariyabeet gaaceena'one.

Aacon uyoch no gaachoonani no achee maacoocha bi immiibeet degoon ariyoo qayo hakkiyon. Aaco no achooch wodde gaacoon baach tuneyaanon no iiwoon quyooch kereyaani mooyone. No uchet aaco no maacoochaa bi immiibeet gaaceena'o daggoochee dabbimmina'on sheqqo hakkeehe.

- Eengoo qaawee hinnoona bi shuunoon bi gawaatiyeemmoch,
- Qaaweyaani woyee miixiibeet mooyina'on achee maacoochee kichooch,
- Awuyi maayeena'on kette gommona wuxooch,
- Achee gaamee hinnoon tachooch,
- Manjet maayoon qaawiimm hinnoona qacichooch,
- Damee maacooch oksijiinon woddiyooch,
- Baribare xure mooyina'o achee qeppeena'ooch boono shaggeemmoch;
- Achee qeppeena'o qaaweetoomm hinnoona boono shuuraareemmoch deggiye;

- Yeyitoonaa heennoonon xallayooch; dab immina'onaa shaahe gaaceena'onon immiye.

Ebiyee beshetaa aaco giidee dane ikke gomme tune gaacciye. Aagetoocche elektriike giidoon danooch baribare gommina'o beemo hakkiyeete. Tunebaani, aaco beet halloo miixaanon elektriike giidoon halloo gaaccimm gommina'oochee indoone.

Andi goorooch ayere shaddiyee naboona xuuxet ashi bushooch amiyoo alloochaa gochii shakkiyooch malloon halliye. Ebiyoo, bocoon gaachoona yarimmoona amiyoo aalletaa iriteyaanon gochii shakkiyoo hakkeehe. Ebich aaco maayoon kachiyooch baach tuneyaanon maayoon shakkiyoocho inde mooyone.

Aagetoocch beet halleena'o aachaacheelon beemo hakkaacheete. Aachi maacooch beet halleena'oochee kottii shimaayona yoobbiibeetina'ooch; dunne angeshoochee shahiit worebooch beddaaha beet halleena'o ubba aacon boono kasho tunii gaacheheete. Aaco aallegaata beemo hakkaacheete.

Doyichoo 2: Ellooyee gubbi shuuraareena'o

Hajjiyoo I: Wocheena'o

1. Iberoo 2. Iberoo 3. Kooto 4. Kooto 5. Iberoo

Hajjiyoo II: wocheena'o

1. *Achee maac aaco immiibeet gaaceena'o:*

- ⇒ Eengoo qaawet hinnoona bi shuunoon bi gawaatiyeemmoch;
- ⇒ Qaaweyaani woyee miixiibeet mooyina'on ahee maacoochee kichooch;
- ⇒ Awuyi maayeena'on kette gommona wuxooch;
- ⇒ Ahee qaamee hinnoon tachooch;
- ⇒ Maayoon qaawiimm hinnoona qacichooch;
- ⇒ Damee maacooch oksijiinon woddiyooch;
- ⇒ Baribare xure mooyina'o ahee qeppeena'ooch boono shaggeemmoch;
- ⇒ Ahee qeppeena'o qaaweetoommi hinnoona boono shuuraareemmoch deggiye;
- ⇒ Yeyitoonaa heennoonon xallayooch; dab immina'onaa shaahe gaaceena'on immiye.

2. Kitaamite xallayooch aachi gaacoon ciinnimmona:

- ⇒ Aaco kitaamitoon xallayooch gaacciye. Ikke asho bi xallittinon (bi achoon machoona, bi tahe mayona, dab bi tallittinon bi quyegaata) kitaamite xalle timoone. Ebiyoo kitaamite xallittino gelli xallittinoochee tihe. Aшо wotta wodde hinnoona bi xalleebeeto aacoon gaachonane.
- ⇒ Qaawooch guttoona duubet kitaamitooch beet kubbi waamonaa baribare mooyina'ona amiyoo dihii boono toommeexi guttoon kindiimmona xallee kitaamitoon gaawuchiye. Ebich aaco kitaamitoon xallayee hinnooch ebin shaahe meet heeneena'on kaachiye.

3. Aaco elektriike giidoo imo hakkiye. Ebiyoo, ashi bushoon miixaani gommona giidee dane hinneena'oochee ikkoo bi tunoon bekkiihe.
4. Goye goyoch aaco indittinoona qaawiihe. Ebiyoo, amiyoochee daneebeetone; tunebaani, amiyoo aalli goorooch aacon gaachaa gocha shakkiyoo hakkiyon.

Kuxo 2: Yibbaatoo: echee qihe dano

Dojje yawo:

Dojjechinot! Doyechina'o aachi gaacoonaa aroona yeshet shalligeena'on ciinnimmona doyechi kooricooch giddet hinneena'o beeteete. Eb hinneena'oochee boono mattit gutteena'on kaacoon boono nuucheena'ona tookki boono ihaateyeemmon tuneba. Boono ihaateyee hinnoo wotta boono kaaccit shalligeena'on woyee hinneena'ona degeyee echaa wochee gommona boono ihaateyeemmoch deggeemm hinnoon koceeta. Shaahiyooch; hin biriyee dechiich giddet kiiraakiiree maacooch beet hinnoommona gaachee gawaatoo hakkeeh.

Doyee deggi qiico –kitteti elle shemmeeshoo

Qoppo – kuchi shuunoo, qayo

YH	Ihaateyee moochaaf	Echaa-wochoo/ihaateyoo
1.	Ucheemm aaconaa	Echo: uchi aaco amoommi

SHABAATTINNEE KIME KAFI NOONOO

	<p>ucheyaacheemm aacona</p>	<p>aacone?</p> <p>Wochoo: xalle woyee guudoo bi maacooch aalli aacone.</p> <p>Echo: uyo no hakkimm aacon amoochee danoone?</p> <p>Wochoo: boomoboochee, amiyoochee, bi guudo xalle unnoochee dano hakkiyon tunebaani no danet aacon cikkii uyoye teegii xallayii uyo iiwooch boyehe.</p> <p>Echo: Aacon aabichii teegoo hakkeehe.</p> <p>Wochoo: ucheemm aacon xallayooch aachi teegeet qiiceena'on gaachoona gawaatoo hakkeehe. Ebiyee beshetaa aachi xallaye attoon daakkoona xallayii gaacho/uyo hakkeehe.</p>
--	-----------------------------	--

Kuxo 3: Shemmo

Dojee yawo:

↪ **Shemmooyee aaf:** shemmeeshoon boono shemmooyee aaf boonoshich shiichii beet ariyoon gaachoona boono

wochiyeemm echeena'o "**Uchi aaco**" imm shemmeeshoochee giddeteete. Doyechina'o eb echeena'on aachi gaacoona yeshetona shiichii boono ariibeet qihoon woyee shalligoon gaache wochibeeta. Doyechina'o echeena'on boono wochiyeemmoch itt beddimmi wotte shaahiyoona eb shalligoon yeshetona itti ariyoochee tiijjiichi boono ariibeeton boono getteemmmoch goggiibit. Boono wochoo nabaa daache yeshoona dege bi giddeemmoch ebin deggeemm yaweena'on gaache giddiibit. Shaahiyooch; aachi duubo daachoo tunemmogaata nabeena'o guudoon danemmooch dufo, qiico mayaano aachi kito, danemmooch kotee koto immo nabeena'o tuno hakkiyeete. Ebichi hinnoona bareena'on boono biriyeemmon tuniibit.

→ **Shemme goora: "Uchi Aaco"** imm shimboona doyechi koorice maacooch giddet shemmeeshoon doyechina'o shemmeemmon tuniibit. Boono shemmeebeegoora qaaroon kichaano boono qelli qellich shemmebeeta! Boono shemme hinnoochaa shemmeeshooch beet nabaadaache yeshoon bariyooch aamebee shemmebeeta.

→ **Shemmooyee gubb:** Doyechi koorice maacooch haaroo uchoo shemme kuxooch giddet echeena'och tate wochoon boono immeemmon tuniibit. Eb doyichoon shemmeeshoon shemmee boono digenetoyee gubb boono qelli qelloona komadooch koori wochibeeta. Dabbii boono Hajjiyoommona giddet wocheena'on doyechina'o immimm wochoon xiishooch

gaachebit.

Doyee deggi qiico – baribare kokiceena’o

Qoppe yawo– kuchi shuunoo, qayo

Doyichoo 2: shemmee digene shuuraareena’o

Hajjiyoo I: Xibiyee Wochoo

1. E

2. B

3. F

4. B

5. I

6. A

7. I

8. H

9. G

Hajjiyoo II: Iberoo/Kooto

1. Kooto

2. Iberoo

3. Kooto

4. Iberoo

5. Kooto

6. Iberoo

7. Kooto

8. Iberoo

9. Kooto

10. Iberoo



Hajjiyoo III: Nabaadaache Yeshoon Bekkiyoo

Naboo

Gn. Wolatti kechi
asheena’o biyyo

Daachoo

Gn. Wolatti iiwe aadooch
hammii harichiyee bo daamo



HajjiyooIV: Bire wochee immi echeena’ochi wochoo

1. Bi xallittine hinnoona ucho hakkimm aacon ucheyaani aacona getaa qoodeyoo hakkiye.
2. Danet aacon diqq uyonane.

3. Bo giyeena'o

4. Aachi xallittinoon quyooch baribare yaweena'on gaacho hakkeehe. Aacon uyoch gaachooyee aaf teegee qiicoon gaachee teegoo, aachi xallayee attoon gaacho, kitaamite xallittinoon quyo, baribare xaa'oochee daneebeet aacina'on boono danet hinnoommona xallayii gaacho, dab immi yaweena'on gaacho hakkeehe.

Kuxo 3: Kooroo - Tocheeshallikoon kooroo

Dojee yawo:

Hiniichaa kooroon dabbimm hinnoona doyiibeeta:

- ↪ Doyechi kooricooch tochee shallikee amittinoon ciinnimmona biriyoo giddete. Ebich eb biriyoon ikke kotooch koteebeet doyechina'o qaroona tuneyee goge shemme boono digeeneemmoch bedde gooroon imbot. Aroyee gubb ichet hajjiyoon dabbiyee tochee shallikoon boono kooriyemmon tuniibit.
- ↪ Biriyoona dabbiyee giddet Hajjiyoon timo tuniyoona tochee shellikoo koorooch tuno hakkimm shimboon kaaceeta. Shimbee kaacoch boono irtiyaacheemmoch itti dego kuxaaya. Ebichoo boono kaacceemm shimbo:
- ↪ katinooch boono ariibeeto tuneba,

- ↪ kaamooch kettoona boono dano hekkimm qihecho tuneba,
⇒ Tochee shallikoon boono kooriyemm shimboon shiichi kaaceeta.
⇒ Boono kiccit qihoon gaacheyee keejje mokashooch tochee shallikoon koori giddiibeeta.
⇒ Koorii boono giddiit shallikoon guuphi guuphna tune ihaateechi wochi tachibeeta.

Doyee deggi qiico: shimboona yeshet baribare kooree shaaheena'o

Qoppe yawo: doychina'ochi kooroon qayo

Tochee Shallikoo

Tochee shallikoo: ikke moochi shuuneyee hinnoon bi gooree hamaadabboon quyee giddiibeet kooree shaahoone. Tochoo mooyina'on boono hamaadabboona giddiyee yawoone. Ebiichee tiitona tochech shallikoo kooreemmona hinneena'on shiichii shalligiichii aroochee boono hamaadabboon quyee giddiyoone. Shaahiyooch; doono allubbin keqqichit ikke kiinon tochooch; ikke aaboon dn. Allubbi shuunooch heechii katamooch hammiyone; aroochee uyo uchiibee xumoone; arooch bo beetaa showoo oogii xumehe; bo ikkeeti manderoona gommooch dihi tiibee magi wottoone; kexooch shagg bo bedooch tunet asheena'o boon yexxeemmoch ychiyeete; aroochee bo cookaa qaaron waayet bo kechasheena'onaa giyeena'ona shaggii wodiiheete; imm

hinneena'o tocheyeemm kiine maacooch boono hamaadabboon quyee giddeteete.

Dabbimm hinnoommona kocho hakkiye.



Hajjiyoo: doyechina'o tochech shallikoon boono qannayiyeemmoch dabbimm hamaadabbeena'on gaache shuuniibit.

- a. Dambaa tochech shallikee shuriyoona yeshet shalligoon ciinnimmona giddeti biriyoona gooroo imi shemme boono digeneemmon tuniibit.
- b. Doyechina'o boono kexoochee tiyi doyee kexooch boono shaggaaha beet hinneena'o ciinnimmona tochech kooroon gaache boono kooriyeemmon tuniibit. Eb shalligoo boonoshich kaameemmoch dabbimm hinnoona biriyoona imbit. Shaahiyoo; maadda tokketoochee tiyo, ta taho taho, qashe kexon gaacho, aafoon macho, shaafiroon shaacco, taandee tanihoon diggiiho, dab imm hamaadabbeena'on gaache boono kooriyeemmoch kaattoo bekkiibit.
- c. Kooroon boono ciichitoyee gubb boono nuucheena'ona goge boono ciini tachiyeemmon tuniibit. Boono tachiya beddimm inde mooyina'on shalligichibit. Shaahiyooch minnakanne kocoon, tate mihe gaachoo, bire muricoon, shalligee hamaadabboon, tate yeshiyee miheena'on minnakanne

maacooch boono gaachoon dab ciini boono tachiyeemmon tuniibit.

Kuxo 5: Mihe Ariyoo -Mihe kaame biishoon bariyoo

Dojee yawo:

- ➔ Mihe ariyee kuxo doychina'o boono doyiibeet noonee miheena'o biishoon boono digeneemmoch dojjoone. Ebich baribare yaweena'on gaachoona doychina'o ebiyee aaf boono ariyaani iibbe miheena'on woyee boon ariibeet miheena'ochi budi gaache hinnoo boono digeneemmon tuniyoo qaawiihe.
- ➔ Hin haaroochaa doyyeemm mihe ariyee baqqo mihe kaame biishoon bariyee doyoone. Ebich mihe kaame biishoon ciinnimmona doychi kooricooch giddet biriyoochee shemme boono digeneemmoch gamini goroon imbit. Ebin kupphiyooc doychi kooricoo haaroo uuchooch mihe ariyee doyyee kuxooch giddet doyicheena'on doychina'o guuphona shuuneemmon tuniibit. Hiniyee dabbii giddet wocheena'o doychina'ochi wocheena'on xiishooch gaachebit.

Doyee deggi qiico – mihe kiiraakiiro(chart)

Qoppe yawo – guuphi shuuno

Mihe kaame biisho: Noonee gaache hinnoochaa ikke mihoon baribare biishoona gaacho hakkiyon. Eb biisheena'oochee ikkoo kaame biishoone.Mihe kaame biisho ikke miho bi ikke qelloona bi immiibeet biishoone.Shaahiyooc; “maate” imm miho “cokkee qoxxite” imm biishoon kaame yechiye.

Mihe kaame biisho men miho indittinoona bi aricheebeet biishoone. Shiichaa no ciinnetoommon ikke mihoon no danemmona no immaabeet biishoone. Ebiyoo, mihoon no ciinnemmona no qelli maacooch shiichii waabeet biishoone.

☞ Kaame biishe amittinoon doychina'o digeno maweegaata biriyoon dakki boono shemmeemmon tuniyoona dakke shaahiyoona imona doychoon boono shuunooyee aaf biriyoon imbit. Digenet doychina'o beegaata mawetina'on boono deggeemmon tuniibit. Aroochee doyicheena'on shuunee boono tiimmona dabbimm wocheena'on boono shaahi shaahoommona imbit.

Doyichoo: Mihe Kaame Biishoon Imo

Hajjiyoo I: Xibiyee Wochoo

1. H 2. C 3. G 4. A 5. F 6. B 7. D 8. E

Hajjiyoo II: eeha/toona getaa wotteemm echeena'ochi wochoo

1. Eeha
2. Toona – bi kaame biisho cokkee qoxxite immone.
3. Eeha
4. Toona – bi kaame biisho beemoch gaacciibeeto immone.
5. Toona – bi kaame biisho maacoon ceechite immone.
6. Toona – bi kaame biisho cokkee qoxxite immone.
7. Eeha

8. Toona – bi kaame biisho dengeyaano immune.

Hajjiyoo III:miheena’ochi kaame biishoon kooree wochoo.

1. Meenon bashii qoodeyoo
2. Ceenaano
3. Qaaqqoochee kechiibee qufoommi mooyone
4. Kappho gocheyaani showoon ikkinne goyo
5. Mashaamee qayo woyee hayo
6. Aacoochee woyee aache mooyooch guudoon kichoo

Kuxo 6:Noonee Koco – Hallibi kocoona deqgeri kocoanon bariyoo

Dojje yawo:

- Noonee koce doyoo doychina’o noonee gaache tate shafiroon boono doyiyeemmoch deggeemm kuxone. Eb kuxoochaa doychina’o iiqqoon tuneyaanon baqqoon gaachoona noonee kocoon ciinnimm qihoon digenooch doyiibeeta.
- Dojjechinot! hallib kocoona deqgeri kocoanon ciinnimmona boono kooricooch giddet biriyoona boono shemmeemmoch bede gooroon imbit. Eb baqqo ebiyee aaf doyyaano bi tuneti qoodooch shaahiyoona daakke gamini biriyoona doychina’och imbit. Aroochee shaahiyoona kooree madooch koori hallib kocoona deqger kocoanon minnakannoon gaache bekkiibit. Ebin kupphiyoona doychi koorico haaroo uuchooch noonee koce doyyee kuxooch giddet doyicheena’on doychina’o

guuphona shuuneemmon tuniibit. Hiniyee dabbii giddet
wocheena'o doyechina'ochi wocheena'on xiishooch gaachebit.

Doyee deggi qiico –kooraa giddetiminnaanneena'o

Qoppe yawo – kuchi shuunoo, magi shuunoo, qayo

Hallibinaa deqquer koceena'o: noonee gaachee hinnoochaa minnakanne maacooch eb koceena'on gaacho hakkiyon. Ebiyoo eb koceena'on bekkii beet miheena'o Kafinoonee maacooch beemone.

Hallibin bekkiyech koco (*active voice*): meeti gooroon no gaachaabeet minnakanneena'o eb qecoona kocheheete. Ebiyoo, shuyimoon hallecho tunii kocheebeeti minnakanneena'on ciinniye. Shaahiyooch; “*xoobbiye*” immi kanne toommooch xoobbech achoo shuyimoo woyee hallecho bi tunoon bekkiihe. Ebiyoo, eb kannoon minnakannoon no koccemmogaata “*Keri gattoon xoobbiye.*” immo tuno hakkiye. Ebich, xoobbi shuunoon shuuneto Kerine. Keri wotta minnakanne shuyimoone. Ebich, eb minnakanne maacooch no ciinnaabeet mooyo shuyimoo shuunee hallecho tune bi kochooniye. Ebichi naboona, eb koco *hallibi* getaa arichehe.

Deqquerin bekkiyech koco (*passive voice*): meeti gooroon gaachooch kaameebeeto hallibi koco tunetaanoona deqqueri bekkiyech kocoono no noonee gaache hinnooch dano hakkiyon. Ebiyoo, hallibi qecoochaa deqquerin tune kocheti qeppoo hiniichaa shuyimee xaa'oon yechii kotehe. Shaahiyooch; “*Keri gattoon xoobbiye.*” immi minnakanne maacooch deqqueri tune kocheto

“gattoo” iibeetone. Ebichi kocoochee shaddeyoona “gattoo” shuyimee xaa’oon bi yechimmogaata “Gattoo Kerina xooppehe/ Gattoo xooppehe.” immi qecoon yesho hakkiye. Minnakanne maacooch no ciinnet kanno “xoobbiye” immoochee “xooppehe” immooch shaddeete. Ebiichee no ciinnaabeeto “xoobo” hallechona deget kanno tunemmona “xooppo” wotta halliyechona bi degooniye.

☞ Biree giddetoommon eb gutte koceena’o noonee maacooch gaacho no hakkimmina’one. Shaahhiyooch; yibbaatee maacoochena “gattoon kemmitote?” woyee “gattoo kechete?” geto hakkiyon ebichi hamoochaa shiichii giddeto hallibi koco tunemmona dabbii giddeto wotta deqgeri kokoone. Ebich, eb miheena’o no noonoochaa doveyaaneena’o tunowani koceena’on gaminona no gaachaabeeto tunoon digeno qaawiihe.

☞ Ebich, eb koceena’on ciinnimmona doychina’o biriyoona shemmee digenooch maweegaata daakke shalligoon itti immeemmo tuneba. Woyee doyeetoommon digenet doychina’o beegaata mawetina’on boono deggeemmon tuniibit.

☞ Aroochee doyicheena’o shuunebeeta. Boono shuunetoye gubb dabbii giddeti doyicheena’ochi wocheena’ona xiishibit.

Doyichoo: Hallibinaa deqgerin bekkiyech koceena’on bariyee shuuraaro. **Hajjiyoo I:** *Hallibi / Deqgeri*

1. Hallibi
2. Deqqeri
3. Deqqeri
4. Hallibi
5. Deqqeri
6. Hallibi
7. Deqqeri
8. Hallibi
9. Hallibi
10. Deqqeri

Hajjiyoo II: *Hallibi qecoochee deqqeri qecooch shaddee wochoo*

Hallibi Qecoo

Deqqeri Qecoo

- | | | |
|----------------|---|--------------------|
| 1. Kaareeteete | → | <u>Kaareeteete</u> |
| 2. Yebbete | → | <u>Yebbeete</u> |
| 3. Teegite | → | <u>Teegeete</u> |
| 4. Baccite | → | <u>Bacceete</u> |
| 5. Yaarite | → | <u>Yaareete</u> |
| 6. Kemmite | → | <u>Kechete</u> |
| 7. Macite | → | <u>Maceete</u> |
| 8. Maate | → | <u>Manjete</u> |
| 9. Xandite | → | <u>Xandeete</u> |
| 10. Shoccite | → | <u>Shochete</u> |

Hajjiyoo III: Minnakanneena'on hallibi qecoochee deqqeri qecooch shaddee wochoo

1. Gatteena'o mocoon maabeeteete.

- ⇒ Mocoo gatteena'ona manjeebeete.
2. Dafechina'o kexon daachiibeeteete.
- ⇒ Kexo dafechina'ona daacheebeete.
3. Keri geendoo tippiibeete.
- ⇒ Geendoo kerina tippiibeete.
4. Woderoo gommooch tippetti emmisheen wuttite.
- ⇒ Gommooch tippetti emmishe woderona wutteetan.
5. Yiich no gafooch ta ciinneti asheena'o kecheemm gijjeena'on yaabiibeeteete.
- ⇒ Kecheemm gijjeena'o yiich no gafooch ta ciinnet asheena'onayaabeebeeteete.

Hajjiyoo IV: deqqeri qecoona kotet minnakanneena'on hallibi qecoona kotiyee wochoo.

1. Aaco bushiishoona kitteebeetone.
- ⇒ Bushiisheena'o aacon kittiibeetina'one.
2. Dn. Gaashoo konina shochehe?
- ⇒ Kone Dn. Allubb gaashoon shoccito?
3. Katamee gennoo beemi aaxxoon sheeneeteete.
- ⇒ Beemi aaxxoo katamee gennoon sheeniite.
4. Ikke kubbaayee aato giixechina'ona aache birewoona kechete.
- ⇒ Giixechina'o ikke kubbaayee aatoon aache birewoona kemmiteete.
5. Gifirooch tuneemm qoccoo Arengina maacheebeete.

⇒ Arengi gifirooch tuneemm qoccoon maaccaabeetan.

HAAROO SHIRITTOO SHEERAALLI MAXXO

Haaree gaboo: haaree doyyee ciirooch doyechina'o:

- Elleet baqqe inde mooyina'on bariiheete.
- Sheeraalli maxxex shalligoon biriiheete.
- Boono nuucheena'ona shataanoon yibbaateheete.
- Shittee shemmeheete.
- Sheeraalli maxxona yeshet shalligoon shekkeheete.
- Biriyyee shallikoon kooriyeete.
- Miheena'och wuqqe biisho immiyeete.
- Minnakannee shaaheena'onaa boono gaacoonon biriiheete.

Haaroo	Wulle Shimbo	Baqqeena'o	Kaallo	Doyechi koorice Hee'o	Ikke haaroochi shabaattee meeto
--------	--------------	------------	--------	-----------------------------	---------------------------------------

SHABAATTINNEE KIME KAFI NOONOO

6	Sheeraalli Maxxo	Kuxo 1: Ello	1	75	3
		Kuxo2: Yibbaatoo	1	77	
		Kuxo 3: Shemmo	2	78	
		Kuxo 4: Kooroo	2	84	
		Kuxo 5: Mihe ariyoo	1	85	
		Kuxo 6: Noonee koco	2	87	

Kuxo 1: Ello

Dojje yawo:

Hin kuxo doyechina’o boono elle iiqqoon uumiyooch boono doyiibeetone. Ebich, giddeti elle shemmeeshoon itti shemmooyee aaf eb shimboona yesheti boono ariyoon qoppo qaawiihe. Ebich, doyechi kooricooch shirittinnee haarooch ellee kuxooch beeti ellooyee aafi shuuraareena’on shuunebeeta. Aree hillooch hinichi dechiich beeti elle shemmeeshoon shemmebit. Itti shemmaabeegoora doyechina’o aamee boono elloonaa elleqayonon dabbibit. Boono elleti shalligoon boono battiyaacheemmoch shalligichoo yeshibee ellebeeta. Shemmeeshoon keejje kaallo wochi wochi shemmebit. Itti shemme hinnoo kuxooch beet doyechina’och ubba waayiyoo hakkimmonaa shaahaaniyoo tuno hakkimmo tuneba. Shemmaa itti ciichitoyee gubb

doyechina'o boono koorico haaree shirittooch beeti ellee digene doyichoon arooch kotet hamadabboon quye shuunebeeta. Tachee wocheena'o hinichi dechaa koteti qoodooch, doychina'o immimmi wochoon xiishooch gaacho hakkihit.

Doyee deggi qiico – elle shemmeeshoo

Qoppe yawo – kuchi shuunoo, elle hinnoon qayo

Dawushiyoo

Allubbi 7^{ne} kimee doychone. Allubbi bi doyiibeeti goorooch bi kechi asheena'on goyee shuunoona deggiibee yagite. Tunebaani, ikke aaboon doyee kexooch bi hammiibeetaa ikke kaameelo waa bi aafooch neexehe. Men kaameele maacoochee gutte asheena'o kindii Allubbin ebiyee aaf ariibeetochoommon kupphii diggiiheete. Allubbi men asheena'ochi diggiyoon worganee'i doyee kexooch bi hammiibeeto tunoon batteechii asheena'ona tookkii yibbatoo kottiye. Biich beet iritoon abiichi yulle'i bi doyiibeetogaata men asheena'och gettiye. Bi yibbaatoon ayiniibeeto shaahii elleebeeti asheena'ochi ollooch bi gimon cira digeniyaache.

Bi iritoon geto bi kottimmona asheena'o bonoshinaa boonoshina aafoona xayishee'i gubb wottee teec-teecii miicciyeete. Allubbichi yibbaatoon boono elletoyee gubb biin Addisaab daami gaawe doyee

kexooch irtaalloon degibee boono dojjiyeemmo tunoon maaxecho shaahii boyeheete. Ebin bi waayemmona Allubbich mullo emiroona yexxiye.

Aroochee boonoshina tookkii hamo bi qaawoon arichiihe. Bi mashaamoon beeggiti asheena'o kishaa-baatee'i kaameelooch geddii daammiyeete.

Allubbi bi hammiibeeti xaa'o aabiwaan gaata ariyaache. Addisaabi getteebeeti showee Topphiye inde katamee bi tunoon tookkii beemi doyoochee doyoye beshetaa am shaaheenaa aabi waan bi beetogaata ariyaache.

Arooba halleeti mooyo boono kexon tiichite. Saato daakkiibe hammiye; bi indeeno 12 saato beshemmona "Ta bushoo doyee kexooch hammii biyaa bi toommooch amo shaggiye?" getona keqqoo bo maacooch giihe. Bi aabbi goyooch heechii bo miimo gashee xumi 1 saatooch bo shaggaahaa bo bushoo kexooch aalla. "Ta bushoon amo maahe?" getona wocciibee doyee kexooch hammiyone. Showoo xumete; asho doyee kexooch bekkeyaache. Aroochee Allubbi nuuchoo kexooch ippeebee hammiyone. Tunebaani, Allubbichi nuuchoo bo bushoo doyee kexooch wataane bi heeyon gettiye. Ebina Allubbi giiti xaa'oo aricheyaano qemo daakkiibe hammiye.

Allubbin daammiti asheena'o guttinnee qemooba Addisaab shaggiyeete. Tunebaani, qaaro boono giitoommon Allubbin boono kexooch daamaacheete. Ikke aangech uro waa'i boonoshina

yibbaatebeetaa Allubbi bashiyeemmi bagoochoommon men halleebeeti mooyon cikkii ciinniibeete. Ciiroochaa men asheena'o kishoo yeshee miiceebbe Allubbin bare bi ariyaani ashich immiichii boono kaattoo arichiyaano hammiyeete.

Men Allubin daammit uro “aaye ne yechaa waati birewoo?” getona meceroo kottiye. Maataano uyaano heechiti Allubbich bi shalligitoomon tuneyaano qajjite. Aroochee showoo xumet goorooch ikke qiice xaane kaameelo beeti xaa'ooch bi shaggaahaa bare biinoommi nallefeena'o men kaameele maacooch boono qeddo tulloo shaahii shaddee koteebeetina'on ciinniye.

Meni bushiisheena'ona tookkii xanee hammiibibeeta gommoochaa qawo yechit Amaari noonoo ariyaane asheena'o “birewoo deewot” getona boono ikkikkoon yechii xoobbiyeete. Meeceree okk-hach kofee kaachiyeete. Maataano gutta qeyit Allubbi kasho kechiye. Nabaalloon bi qeeci kexoochee dawushechina'ona dachee'i kechiti Allubbi bi doyyoon ciichaano nallefittinoona hin aageteen duppii hammite.

Doyichoo 2: Ellooyee Gubbi Shuuraareena'o

Hajjiyoo I: Wocheena'o

- | | | | | |
|-----------------|-----------------|-----------------|------------------|------------------|
| 1. <u>Kooto</u> | 2. <u>Kooto</u> | 3. <u>Kooto</u> | 4. <u>Iberoo</u> | 5. <u>Iberoo</u> |
| 6. <u>Kooto</u> | 7. <u>Kooto</u> | 8. <u>Kooto</u> | 9. <u>Kooto</u> | 10. <u>Kooto</u> |

Hajjiyoo II: Wocheena'o

1. Batti batt Allubbin maxxooch bechiti naboo amoone?

⇒ Mooyon shiichii ariyee qayona bi ariyaani asheena'ona dawusheete. Badd hammi qaato biich aalletaanoona bi bushittine daqqoona bi kechi asheena'oyee beshoon biin deggeemm asho aallo tunoon ariyaache. Bare asho biin miixo hakkimmo tunoon ariyaache. Eb nabeena'ona Allubbi kette gommona asheena'ona dawusheete. Ebichi naboona bi kexon, bi maaxon, biin shunniibeeti bi kechasheena'o duppiichii bi ariyaani xaa'ooch hammite.

2. Allubbin bi gafoochee dawushii daammit asheena'o aaboshine?

⇒ Ashoon bi kitaamitoochee kichii sheeraalloon xaa'oochee xaa'ooch goochiibeeti sheeraalli daniyechina'one.

3. Allubbin shiichii amoochiye bi hammito?

⇒ Addisaab

4. Allubbi gubbee bi hammit kaattoo tate tune qayon bi ariitoyee aakka muriccii hamaache?

⇒ Bi hammiti showoon xiishii bi ariyaani qoodoochiye. Addisaabin bi shigooyee guuta bi ariibeeti bare mooyo aalla.

5. Allubbin xoobbii wuxxito kone?

⇒ Gommoochaa gijjoo echet asheena'one. Eb asheena'o bare noonee gaachechina'o boono tunetoch yibbaatoona mashaamee mallo aalle. Baroo wotta eb asheena'o

boono qaawiibeeto gijjoon tuneti qoodooch birewoo
yeshaani ashoon xoobbii wuxiyeete.

Kuxo 2: Yibbaatoo – Nuucheena’ona yibbaato

Dojje yawo:

Dojjechinot, sheeraalli maxxona yesheti shalligeena’on ciinnimmona doyechi kooricooch yibbaatee kuchi dechiich giddet hinneena’o beeteete. Doyechina’on gishiishi guuphona kociichi ichet gutte shalligeena’oochee ikkoon ikke guupho iihaatiyeemmon tuniibit. Shaahiyooch; sheeraalli maxxona waabeeti miixoon ciinnimmona ikke guuphoch sheeraalli maxxe naboona gaaco daneebeeti acheena’on ciinnimmona wotta bare guuphina’o iihaateyeemmon tuniibit. Doyechina’o boono guuphi iihaateyee hinnoochaa gamini shalligoon tijji boono yibbaateemmoch hiniyee desh giddeti biriyoona gaache timo tuno hakkimm shalligeena’on imbit.

Doyee deggi qiico – elle shemmeeshoo

Qopee yawo – kuchi shuunoo, qayo

Echeena’o	Shalligeena’o
<input type="checkbox"/> Sheeraalli maxxe naboona am shaaha miixoo	Meeti hinnoona ashi, maccee, showee toommooch miixoon deewo hakkiye. Men maxxeebeet asho gonde gommooch hammii

SHABAATTINNEE KIME KAFI NOONOO

<p>dano hakkiye?</p> <ul style="list-style-type: none"> - Tookkii beemona yeshetona? - Ashittine wuroona yeshetona? - Dimokraasee wuroona yeshetona? - Ikonoomina yeshetona? 	<p>dihoo hakkiye, ebina bi kechi asheena'o miixeeheete, ikke kechi ashi miixiyoo kicee maccee miixiyoon deewiye. Maccee miixiyoo wotta ubbe showee miixiyoon deewiye.</p> <ul style="list-style-type: none"> - Sheeraalli maxxee naboona tookkii beemi hinnoon megiibeet meet mooyina'o halleyoo hakkiyeete. - Bi ariyaani showooch gonde gommona maxxoo mammon, uyon, shalligoon, bi shunnito qaatoon, kashoona beeyi, dab shaahе ashittinee hallee wureena'on muciihe. - Sheeraalli maxxee naboona ikke asho bi qaawit shalligoon giddiyee, degonaa megee malloon dab muco hakkiye. - Yullee boono dichit bushoo shagaa dego dane wodiyeemm indee nihoo maxxee naboona bushoon mucco hakkiyeete. Eb hinnoona miixiyeemmo kechi asho baach tuneyaanoon maccoo eboommon ubba showoo beddaahanane.
<p><input type="checkbox"/> Ashi sheeraalli maxxee naboona gaacoon dano hakkimmo kone?</p>	<p>Sheeraalli maxxoon gaacheebeet acheena'o beeteete? Eb acheena'o indittinoona baribare daqqoona daneebeeti sheeraalli daniyechina'one. Eb daniyechina'o asho beeti</p>

SHABAATTINNEE KIME KAFI NOONOO

<ul style="list-style-type: none">- Maxxecho?- Maxxiyechina'o?- Kechasheena'o?- Taatoo?- Sheeraalli dawushechina'o?	kitaamitoochee kottii tookk beddaaha tifeeti yesho boonoshich beete. Eb yeshoona ashi bushoon bi beeti xaa'oochee bare xaa'ooch daammii kemmii gaacheheete. Kecheebeetowoo tuneba bi kechi asheena'o eboommon bare macceena'o ikke ashi sheeraalli maxxoochee boono gaacheemm mallo aalle. Sheeraalli daniyechina'o boono daneemmi gijjoocha iyi ashi bushoon kechi gijjoon kemmimmoommon dawushii daammii kemmiyeete; Guunon tuniieete.
---	--

Kuxo 3: Shemmo

Dajjee yawo:

Dojjechinot! hin kuxoochaa;

→ **Shemmooyee aaf** - Shemmeeshoon boono shemmooyee aaf boonoshich shiichii beeti ariyoon gaachoona boono wochiyeemm echeena'o "**Sheeraalli Maxxo**" immi shemmeeshoochee giddeteete. Doyechina'o eb echeena'on ashi maxxoon yeshetona shiichii boono ariibeet qihoon woyee shalligoon gaache wochibeeta. Eb echeena'on boono wochiyeemmoch itti beddimmi wotte shaahiyoon eb shalligoona yeshetona itti ariyoochee tiijiichi boono ariibeeton boono getteemmmoch goggiibit.

→ **Shemme goora** - "**Sheeraalli Maxxo**" immi shimboona

doyechi koorice maacooch giddeti shemmeeshoon
doyechina'o shemmeemmon tuniibit. Boono
shemmeebeegoora qaaroo kichaano boono qelli qellich
shemmebeeta! Boono shemmeebeegoora shittee shemmooch
aamebeeta.

➤ Ebiyee aaf boono hallitoommon shemmeeshoon
afaafine, tachi, biriibee boono shemmeemmooh
shalligichibit. Ebin boono halligaata shemmeshee
wochoon kette gommona digeneheete.

➤ Boono shemmeebeegoora dabbimm shalligoon tiijibit.
*“Ettoshi shemmetoochee and beddaaha amo digenetote?
Illa woyeemm shalligoochi amoon ciinnimmo tunehe iyi
gabiyote?”*

➔ **Shemmooyee gubb** - Doyechi koorice maacooch haaroo
shirittooch shemme kuxooch giddeti echeena'och wochoo
boono immeemmon tuniibit. Eb doychoon shemmeeshoon
shemmee boono digenetoyee gubb boono qelli qelloona
komadooch koori wochibeeta. Dabbii boono hajjiyoommona
giddeti wocheena'on doychina'o immimmi wochee
tatittinoon xiishooch gaachebit.

Doyee deggi qiico – shalligee kocci kaarto

Qoppe yawo: kuchi shuunoo, magi shuunoo, shemmeegoori
qayo


Doyichoo: Shemmee Digene Shuuraareena'o

Hajjiyoo I: Wocheena'o

1. Iberoo 2. Kooto 3. Kooto 4. Iberoo 5. Kooto

Hajjiyoo II: shemmeeshoona degee doychina'o immimm miheena'ochi biishoon daambit

Hajjiyoo III: Shalligee Kaartoon Ceechoo



Hajjiyoo IV: Qamine Wochech Echeena'o.

1. Asho aakkane bi showoochee maxxee badd bi hammiibeeto? Shiichii ittoshi ariibeet nabeena'on daakki gamini biriyoon imbot.

⇒ Boono ariibeet hinnoon gaachoona baribare nabeena'on sheqqo hakkiyeete.

- Dawusheyoona
- Giroona/shaacoona

- Beshe hinneena'on qaawoona
- Beshe doyyoon qaatoona dab

2. Sheeraalli maxxee naboona amoommi iriteena'o dano hakkiyeete?

- ⇒ Shalligitooch shaggi qayo
- ⇒ Ache shappoo
- ⇒ Wureena'on muccho
- ⇒ Kashee muccho
- ⇒ Kechashoon iritooch dufo, dab

3. Ittoshi kitaamitooch gurmaashe daqqoona beet asheena'o maxxeti hinnoo beete? Amoommi iritoo woyee gaawe mooyo boonoshina daneto gaata qamini biriyyoon imbot.

- ⇒ Boono kitaamitooch beet hinnoon biriibeeta.

4. Shemmeeshoochee ittoshi danet shalligee naboona sheeraalli maxxoon yeshetona ittoshi shalligoo ame wotto shaddeete?

- ⇒ Boono digenet mooyon qaminona biriibeeta.

Kuxo 4: Kooroo: Biriyyee shalligee koocon shekko

Dojje yawo:

Dojjechinot, Hiniichaa doyyechina'o doyyiyeemmoch quyebeeto biriyyee shalligee koocon shekkoone. Ebi bekkibeeto biriyyee shallikooch baribare shalligee kocci hinnoo beemi hakkooniye. Ebin ciinnimmona doyyechi kooricooch haaroo shirittoo kooree kuxooch giddeti biriyyoo beete. Eb biriyyoon doyyechina'o shemme digeneemmoch

gamini gooroon imbit. Eb shalligoo hinichi dechiicho gaminona koteti qoodooch doychina'o tiijjimmii echo beegaata daakke gamini biriyoona imoch gaachebit. Arooyee gubb sheeraalli ashi maxxee hinnoon ciinnimmona biriye shallikoon kooribeeta. Boono kooree goora boonoshich mashaamimm shallikee kooree yaweena'on gaachebeeta. Boono koorito guuphona tune ciineeta. Qaawiimmi tachee shuunoo beegaata boonoshinaa boonoshina qoppeebeeta. Ciiroochaa boono kooriti shallikee maacooch beeti biriye koocon barii ittich bekkiiibeeta. Ittiyoo qaawiimmi tachoona imbit.

Doyee deggi qiico: Daakke biriye shallikoo

Qoppe yawo: doychina'ochi kooroon qayo

Biriye Shallikoo

Biriye shallikoo ikke mooyo aabichaa bi shuuneebeetogaata /gawaateebeetogaata bekkiiibeeti woyee yaabiibeeti shallikee shaahoone. Eb shallikee shaahoo ikke mooyo amogaata arichiyee woyee bekkiiye shuriyech kooroone. Eb shallikoon gaachoona mooyina'ochi shaahoo amoommogaata, ame shuriyoo boonoshich beetogaata, ame hinnoo boono maacooch beetogaata, ame gaacoona miixoon boonoshich beeto gaata, dab biriihe.

Shaahiyoo:

Yongo aafoona ciicheyaanoona kishoon shafeyaani halloone. Bi beemo aricheebeeto bare halleena'o toommooch bi halliibeeti


hinnoonane. Shaahiyooch; kubboon bi shuurikkoona, ayere bi aqqayoona, ashi waamooch bi shennoona dab bi beemo aricho hakkiye.

Biriyee shallikooch baribare koceena'o beemo hakkiyeete. Eboshiyoo, nabaa-daache koko, iritoonaa biishe koko, goomiyoona tophiyee kocoona hamaadabbee bekkiyee kocoona getteeheete.

- **Nabaa-daache koko:** naboo ame daachoon bi deewitogaata, woyee daachoo ame naboona bi danetogaata giddiyoona qanniye. Naboo ikke moochi timo tunemmona daachoo wotta naboona daneebeeti mooyone.
- **Iritoonaa biishe koko:** ikke shaggiti iritoon tiijjii aree iritoon kettiyooch ichet biishoon biriihe.
- **Goomiyoona tophiyee koko:** gutte mooyina'ochi shaaheyoona barbarittine hinneena'on tiijjii biriihe.
- **Hamaadabboon bekkiyee koko:** ikke moochi gawaateyee hinnooch beeti hamadabbeena'on giddiyoona biriihe.

Shaahiyooch hamaadabbee kocech biriyee hinnoon dabbimm hinnoona bi kocoon bekkiyoo hakkeehe.

Qefee kichee hinnoon ciinnimmona biriyech shallikoon kooroo qaawiimmogaata dabbimm kocech shallikoon qannayoo hakkeehe.



Hajjiyoo: doyechina'o biriyeche shallikoon boono
qannayiyeemmoch dabbimm hamaadabbeena'on gaache
shuuniibit.

- A. Dambaa biriyeche shallikee amittinoonaa shuriyoona
yeshet shalligoon ciinnommona giddet biriyoona gooroo
imi shemme boono digeneemmon tuniibit. Shaahiyoona
aamee ciinona doyechina'o shallikee maacooch
amoommi koceche shalligoo beetogaata boono
shalligiyeemmon tuniibit.
- B. Doyechina'o boono ariibeeti mooyina'oochee shiich
gooroo daami shalligiichi ikke boono ariibeeti mooyon
tiijji kooroona biriyooch qannibeeta. Shaahiyooch ikke
maayi qannayee hinnoon, Koroonee biyooch beeti
iritoonaa biishoona, maxxee gaacoonaa miixoonon dab
shaahimm shalligeena'on ciinnimmona kooribeeta.
- C. Boono kooriibeegoora shallikee shalligee kocoona shekko
boono hakkiyeemmo tunoon shalligibeeta.
- D. Kooroon boono ciichitoyee gubb boono nuucheena'ona
goge ciini tachiyeemmon tuniibit. Boono tachiya
beddimmi inde mooyina'on shalligichibit. Shaahiyooch
minnakanne kocoona, tate mihe gaachoon, biree
muricoona, shalligee hamaadabboona, tate yeshiyee
miheena'on minnakanne maacooch boono gaachoon,
dab ciini boono tachiyeemmon tuniibit. Ciiroochaa

boono shalligee kocoon shiichaa shaahiyoochaa no
ciinnet hinnoommona bekkiiibeeta.

Kuxo 5: Mihe Ariyoo - Mihe wuqqe biisho

Dojee yawo:

- ➔ Mihe ariyee kuxo doyechina'o boono doyiibeet noonee miheena'ochi biishoon boono digeneemmoch dojjoone. Ebich, baribare yaweena'on gaachoona doyechina'o ebiyee aaf boono ariyaani iibbe miheena'on woyee boon ariibeeti miheena'ochi budi gaache hinnoon boono digeneemmon tuniyoo qaawiihe.
- ➔ Hin haaroochaa doyeeyeemmi mihe ariyee baqqo mihe wuqqe biishoon bariyee doyoone. Ebich, mihe wuqqe biishoon ciinnimmona doyechi kooricooch giddeti biriyoona boono shemmeemmoch gamini gooroon imbit. Ebin kupphiyooch doyechi koorico haaroo shirittooch mihe ariyee doyee kuxooch giddet doyicheena'on guuphona boono shuuneemmon tuniibit. Hiniyee desh giddeti wocheena'o doyechina'ochi wochee tatittinoon xiishooch gaachebit.

Doyee deggi qiico – mihe chaarto

Qoppe yawo – guuphi shuuno

Mihe Budi Biisho

Miheena'och baribare gaaco beemo hakkiye. Shiichit bare haaroochaa mihe kaame biishoon ciinnitote. Kaame biisho ikke

mihooch bi qellich icheebeeti biishoone. Hiniichaa no ciinneemmo mihe budi biishoone.

Budi biisho ikke miho baribare xaa'oochaa bi immiibeet gaacoona yeshetone. Ikke miho baribare xaa'ooch bi giimmona baribare gaacoon imo hakkiye. Ebich, ikke mihooch baribare budi biisheena'o beemo hakkiyeete. Dabbimmi shaahiyoona aame ciinot.

Sha. *Maate* imm miho baribare xaa'ooch bi giimmona bi immeemmi biisho dabbii giddetoommi hinnoona bekko hakkiye.

- 1) Keri bi yefelleshoon **maate**. – cokkee qooxxite
- 2) Boono gaashoon shuyo **maate**. – qerite
- 3) Bi mayooch bi geddit atto biin **maate**. – guccete
- 4) Dojjecho bi shuumaayon **maate**. – daammite
- 5) Aaco bushoon **maate**. – wuxite
- 6) Bushoo doonochi gijjoon erettee **maate**. – nookkete
- 7) Okkeb gafeexi sheekke kexon qaaqqoo **maate**. – michite
- 8) Bushoo mooyo asheena'o maacoon **maate**. – ayinikkite
- 9) Bushoo bushee mulloon **maate**. – dookkiite
- 10) Ne bunoon aaco **maate**. – aachete

Eb giddeti *maate* immi mihe baribare gaaceena'oochee ikkinnooch giddeto mihoochi kaame biisho tunemmona aree hillooch beeti yiixiye biisheena'o budi biisheena'one. Eb budi biisheena'on shaahiyooch tiijjiyonani eb miho immiibeeti gaacoona yeshet biisheena'o eboshi baach toonoone.

Eb mihe biishe shaahoon shimmittinnee kimoochaa boono gaacheemmi qoodooch ichet biriyoona aame ciineeta. Dabbimm doyicheena'ono beddaaha aamo imi shuunebeeta.

Doyichoo: Mihe Budi Biishoon Bariyoo

Hajjiyoo I: Aa'iitaa kooreet miheena'och budi biishoon imo

A. Bushoo taan **kemmiye**.

⇒ Marite

B. Bushoo **michii'i** gommoochaa ashoon yechii xaabbite.

⇒ Qeecii'i/giidee'i

C. Yeeraangi bi doojjechochi shalligoon **danete**.

⇒ Digenete/ariite

D. Hanaachi phiro doyechina'on **maggete**.

⇒ Iqqooye beshite

E. Yaach coomee **kaachoone**.

⇒ Biishone

Hajjiyoo II: Budi Biishoon Gaachee Minnakanno Kooroo.

A. Hidite = Baaciyoo baakkeena'on hidite.

B. Qechite = Taatoo girechina'och doyee mallo qechite.

C. Kaappite = Allubbi doyoona kuxxii bi wodee malloon kaappite.

D. Manjite = Asheena'o mooyo manjite.

E. Maachete = kenaa-mecheena'ochi mooyo nallee kexona machete.

Kuxo 6: Noonee Koco - Minnakanne shaahoo

Dojee yawo:

- ↪ Noonee koce doyoo doyechina'o noonee gaache tate shafiroon boono doyiyeemmoch deggeemm kuxone. Eb kuxoochaa doyechina'o iiqqoon tuneyaanon baqqoon gaachoona noonee kocoon ciinnimm qihoon digenooch doyibeeta.
- ↪ Dojjechinot, minnakanne shaaheena'on ciinnimmona boono kooricooch giddeti biriyoona boono shemmeemmoch bedegooroon imbit. Boonoshin iritiyeemmi mooyo danegaata daakke biriyoona shaahiyoona degii imbit. Aroochee shahiyoona kooree madooch koori minnakanne shaaheena'on boono gaacoona doyechina'o bariyeemmo tuniibit. Ebin kupphiyoona doyechi koorico haaroo shirittooch noonee koce doyyee kuxooch giddeti doyicheena'on guuphona boono shuuneemmon tuniibit. Hiniyee dabbii giddeti wocheena'on doyechina'o immimmi wochoon xiishooch gaachebit.

Doyee deggi qiico – koora giddeti minnakanneena'o

Qoppe yawo – kuchi shuunoo, magi shuunoo, qayo

Minnakannooyich baribare hinnoona shaahoo beemo hakkiye. Ebiyoo, boono gaacoona woyee boono kocee baribarittine naboona minnakanneena'o barbariibeetochiye.

Minnakanne gaaco: baribare minnakanneena'och baribare gaaco beemo hakkiye. Minnakanneena'o baribare nabooch getteyoo

/kooreyoo hakkiyeete. Eb boono immiibeeti gaace naboona boono shaahoo barbaroo hakkiye.

- **Biriyee Minnakanno:** bare ashich qihe imoch gaacciye. Shaahiyooch no ariyaabeeti mooyon bare asheena'o ariyeemmoch no qaawimmona no gaachaabeet minnakanne shaahoone.
- **Eche minnakanno:** bare ashiwaanee qihe echooch/danooch gaacciye. No ariyaani mooyon ciinnimmona bare asheena'o nooch biriyeemmoch no qaawimmona no gaachaabeeti minnakanne shaahoone. Bareena'ochi digenoon woyee ariyoon xiishooch beddaaha eb minnakanne shaaheena'on gaacho hakkiyon.
- **Hajjiyee minnakanno:** shuunoo bare ashoona gawaateyeemmoch wochooch gaacciye. Eb minnakanne shaahoon ikke shuunoo guttinnee woyee keejjinnee ashoona bi gawaateyeemmoch no qaawimmona woche beshiyooch gaachehon.
- **Worgane minnakanno:** qeeci shiinoon biriyooch gaacciye. Shaahiyooch; keqqoon, emiroon, worganoon, naadoon dab ciinnimmi shiineena'on biriyooch gaacciye. *(Eboommi shaahech minnakanneena'on haaroo shabaattoochaa ittoshi gaacheemmi goodooch boono amittinoon hiniichaa xiishibot!)*

Doyichoo: Minnakanne shaaheena'on boono immiibeeti gaacoona bariyoo

Hajjiyoo I: Xibiyoo

1. D 2. A 3. C 4. B

Hajjiyoo II: Minnakanneena'ochi gaacoon bariyee wochoo

1. Eche minnakanno
2. Biriyee minnakanno
3. Biriyee minnakanno
4. Hajjiyee minnakanno
5. Biriyee minnakanno
6. Worgane minnakanno
7. Hajjiyee minnakanno
8. Eche minnakanno
9. Biriyee minnakanno
10. Biriyee minnakanno

HAAROO SHABAATTOO

TOOKKII BEEMO

Haaree gaboo: Hin haaree doyee ciirooch doyechina'o:

- Xiishii elleechii giddemmi echeena'och wochoo immiyeete.
- Tookkii beemi yeshee gaacoon biriheete.
- Baribare shimbena'on gaachoona kooroon qannayiyeete.
- Xappe minnakannena'on kocciyeete.
- Miheena'on boono shaahe biishoona xibiiheete.
- Iidiyeemeena'on gaache'iminnakanno kocciyeete .

SHABAATTINNEE KIME KAFI NOONOO

Haaroo	Wulle Shimbo	Baqqeena'o	Kaallo	Doyechi koorice Hee'o	Ikke haaroochi shabaattee meeto
7	Tookkii Beemo	Kuxo 1: Ello	1	90	3
		Kuxo2: Yibbaatoo	2	91	
		Kuxo 3: Shemmo	4	92	
		Kuxo 4: Kooroo	2	100	
		Kuxo 5: Mihe ariyoo	1	102	
		Kuxo 6: Noonee koko	2	103	

Kuxo 1: Ello

Dojjee yawo:

Hin kuxo doyechina'o boono elle iiqqoon uumiyooch boono doyiibeetone. Ebich, giddet elle shemmeeshoon itti shemmooyee aaf shimboona yeshetona doyechina'och shiichii beet ariyoon qoppo qaawiihe. Ebich, doyechi kooricooch shabaattinnee haarooch elle doyee kuxooch ellooyee aafi shuuraareena'on shuunebeeta. Aree hillooch hinichi dechiich beeti elle shemmeeshoon shemmebit. Itti shemmaabeegoora doyechina'o aamee boono elloonaa elleqayonon dabbibit. Boono ellet shalligoon boono batteyaacheemmoch shalligichoo yeshibee ellebeeta. Shemmeeshoon keejje kaallo

wochi wochi shemmebit. Itti shemme hinnoo kuxooch beet
doyechina'och ubba waayiyoo hakkimmonaa moodeelo tuno
hakkimmo tuneba. Shemmaa itti ciichitoyee gubb
doyechina'o boono koorico haaree shabaattooch ellee digene
doyichoon arooch koteti hamadabboon quye shuunebeeta.
Tachee wocheena'o hinichi dechaa giddeti qoodooch
doyechina'o immimm wochoon qoppodch gaacho hakkihit.

Doyee deggi qiico – Elle shemmeeshoo

Qoppe yawo – Kuchi shuunoo, qayo

Tookkii Beemo

Asho bi halloona tookkii ibaaree beemi halloona qocechonane.
Ashi bushoo bare cooxina'ooyee beshoon bi beemi hinnooch
iibaariyoon woddii niyeebeetona bi ikkeetoo beemo hakkaani
halloone. Asho bi hallona bi kechi ashoona aroochee beshe'i bi
kitaamitooch beeti ashoona tookkii degiyaanon beemo hakkaache.
Degiyoona ibaaree'i beemmoch gibeno, yaroona animoona irito
tune bekkiyaacheete woyee tookki beemi yeshoon kuxaacheete.

Iibariyoona oogeयोona tookkii beemo immi shalligoo tiibeeto ikke
shaahe gibeno, qocoona shaahe beemi shafiro yeshaani maccoo
ikkooch iibaaree'i beemi doyoocheeniye. Iibaariyoo beete getteebeeto

maccoo baroochi gibenoon, qocoon, beemi shafiroon, amittinoon, shiishoon, noonoon oog'i amee iritaallo beemon bi yeshigaatane.

Ikkoo baroochi wuroon quyee bi getigaata niyoo tatemmi hinnoon gogoona halli iritoon biishona showee diggitino quyoonaa uumiyoona hakkehe. Ebichi hinnoona no maccoo biinaa biina haa'iyoonaa oogeयोona bee'och uummiti qocechone. Iibaaree shuunoona qelli iritoon gogoona biisho doyeeti qocoone. Maccoo goyoch , dafooch, eefoch , emiroona kechi hagonoch hanaach beddaaha echeebеe yagito tunooye beshi hanaach no beeti ariyoonaa ikkoonomee daqqoonoch oogeti heeno kaachitane. Ebi gaawe qocoon manjayii yechii shiijjerooch beshiyoo nowaane quyeehe.

Doyichoo 2: Ellee digene shuuraareena'o

Hajjiyoo I: wochoo

1. Kooto 2. kooto 3. kooto
4. Kooto 5. Iberoо

Kuxo 2: Yibbaato – Nuucheena'ona mashaamoo

Dojee yawo:

Doyechina'on guuphona boono kociyeemmoch tuniibit.

Tookkiibeemo immi shimboochee itti shemmetaa boono ellee digenet shalligoon ihaateeyee boono getteemmoch gooroo imbit. Ciiroochaa men boono ihaateyee daachoon guuphi

yaabechna ikkoo barooch kimoochaa qaaroona bi
giddiyeemmoch dego imibee doyechna'ochi shalligoon
daambit. Ciiroochaa ikkoochi shalligoona baroo mashaamoon
xiishibit.

Doyee deggi qiico – yibbaatee time baqqo

Qoppe yawo – guuphi shuunoo, qayo

Hajjiyoo: Hiniyee desh giddeti shuuraareena'ochi gaacoona
miixoona toommooch doyechna'o ihaatiyeemmon tuniibit.

1. Daadoonaa miriishoona
2. Iddiroonaa iddiree maach tunoona
3. Nuuchee woddiyoona woddee qayona

Kuxo 3: Shemmo

Dojee yawo :

Hin kuxoochaa **Tookkii Beemo** imm moochaafe dechiich
“libaareyoo” naa **“Degeyoo”** imm shimbeena'ona giddet gutte
shemmesheena'on doyechna'o shemmooyee aaf
idiyeemeena'o ameena'ogaata haaroo awuddoochaa boono
doyiton shalligichooch echebit. Arooyee gubb tookkii beemona
yeshet doyeet iidiyeemeena'on shemmesshooche boono
gaacheemmon tuniibit. Shemmooyee aaf echeena'on beet
ariyoon gaacheyee boono wochiyeemmon tuniibit. Giddet
shemmesshoon guuphona tune iidiyeemeena'on aamebee
boono shemmeemmon tuniibit. Doyechina'o daggoochee
kishoo tiijji shitte shemmeemm doyechna'och mallo imbit.

Doyechina'o kalli kaalloona kishoo tiiiji shitte shemmeem
gooroo maacit. Shemmeeshee maacooch doyeet
iidiyeemeena'on kaaci kichi kooree madooch koori doychina'o
shemmeemmo tuniibit. Doyechina'o shemmetoyee gubb boono
shemmee digenoon xiishooch doyicheena'on guuphona
shuuniibit. Doyechina'o boono wochoon bare guuphona
goomiyeemmoch tuniibit. Hin kuxooch giddetina'o gutte
shemmeesheena'o tuneti qoodooch giddet shuuraareena'on
guttichona gaachebit. Ciiroochaa tachooch gaaccimm
wocheena'on hin kuxoochee gaache wochii tachibit.

Qoppe yawo - guuphi shuunoo , magi shuuno

Hajjiyool: *Echeena'ona* wocheena'ona

2. Hiniyee desh giddeti koonjoo icheti miheena'ona mihe
shuyeena'ona toommooch ihaateebot.

Doyichoo 2: Shemmee digene shuuraareena'o

1) *gasho shaaccii*

- 2) *kishaa baatee*
- 3) *kishee wochoo*
- 4) *kashoonaa eciyoona, gasho, eciyoo*
- 5) *kishee dego*
- 6) *xepphe xaqqo*
- 7) *shalligee buushoo*
- 8) *qello hakkii*
- 9) *xepphaalli*

HajjiyooII: *wochoo*

1. *Mashaamii beemone.*
2. *Ashi bushoo gasho kuppho eciyoo wotta niroo tunet baribare mooyina'o ikke xaa'ooch mashaamii beemmoommon beeyi bi beddimm meeti nabeena'o beeteete. Asho bi eenona, shalligoona, gibenoona, yaroona, dab baroo hakkiye. Tunebaani bi beet goorooch baroon miixaanoon biin baroo miixaanoon bi beeyeemmoch mashaamoo qaawiihe.*
3. *Ikkoo barooyich bi immeemm dego aalleyaano tunoon bekkiyoochiye. Woyee ikkoo aalloon baroo beemo hakkaano tunoon bekkiihe.*
4. *Biich beet beeyi doyoona degee beet ariyoon woyee yawoon bare asho bi iritoon bi biicheemmoch buushoo hakkiye*
5. *Bulle maccee kuxochona men maccoo dicceemmoch heenoo beete. Ariyecho biariyoona, giidecho bi giidoona,*

gijjecho bi gijjoona maccoon bi dego gayigaata dico
waataache.

Shemmeeshoo: 2

Doyichoo: shemmee digene shuuraareena'o


Hajjiyool:wochoo

1. H 2. F 3. E 4. B 5. C 6. G 7. A 8. D

Hajjiyoo II:wochoo

1. Emirooba tuneba ayinooba yeshee waabeeti iriteena'on
biishoch
2. Shoddee shiisheena'ochi gibeneena'o, qoceena'o, beemi
shafireena'o, nooneena'o dab.
3. Iddiroon neechiye, dafehe, daadehe, irteetina'on dego dab.
4. ikkittinoon kupphiyoo
5. iddiro, uqqubo, dafo, daado, dab shaahe baribare iibaaree
hinneena'on sheqqo hakkiyeete.

Hajjiyoo III: shalligee kaartoon ceechoo



Kuxo 4: Kooroo

Dojje yawo:

Dojjechinot, Hiniichaa doyechina’o doyiyeemmoch quyebeeto baribare shalligeena’on timo tunii shallikoo boono kooriyeemmochiye. Boono danet shalligoon gaachoon kooroon boono qannayiyeemmoch deggiye. Ebich, boono kooree goora amoon boono kooriya beddimmogaatinaa aabichi boono kooriya beddimmogaata doyechi kooricooch giddet bo’oo beete. Eb boo’oon bede gooroo itt imaa doyechina’o shemmebeeta. Arooye gubb eb shalligoo hinichi dechiicho koteto bi tunet qoodooch bo’oon dabbi boono halliya beddimm mooyon gamichi biriibit. Aroochee boono ariibeet woyee boonoshich kettemm shalligoon indo tunii shallikoo qannayibeeta. Boono

koorit shallikoon boono nuucheena'ona tookki wochi boono tachiyeemmon tuniibit. Ciiroochaa boono kooroon ciini tachii boono kooroonaa kooree qayonon, eboommono kooree bo'oon boono gaachoonaa gaache qayonon xiishibit. Tachee shalligeena'ono imbit.

Doyee deggi qiico:kooraa giddeti bo'eena'o

Qoppe yawo: doyechina'o qanayit kooroon qayo, boono tiijjimm echo

Shallikee kooroo geto ikke moochi shimbee toommooch shalligoon gamichii kooroone.Eb kooree shalligoo iberoo woyee ashi qelli maacooch halleet kiino tuno hakkiye.Ibera halleet mooyina'on biriibeet kooreena'o baribare shaahoona giddo hakkiyeete.Eboshiyoo, biriyoona, qihe immi hinnoona, tootteyoona mashaamiyoona giddo hakkiye.Ashi ibere qiho tuneyaani ashi shalligoona kochet kiino wotta tochee yawoona giddehe.

Eb yaweena'on gaachaa no kooraabeegoor dabbiyaa woyee ariya no beddemmo mooyina'o beeteete. Eboshiyo:

- ❖ Batti-batt no kooriyeemm shallike shimboon gaawichii ariyoo
- ❖ No kaacceti shimboona mashaamimm kooree yawoon kaaccii gaacho qaawiihe
- ❖ Kooreebeet shalligoo budona bi mashaamee hakkoon shiichii shalligoo

- ❖ Kooree moochaafuuna yeshet miheena'on kaaccii gaacho
- ❖ No kooraabeet naboona gaawuchii ariyoo qaawiihe. Shaahiyooch; qihe imoch, biriyooch, ciixiyooch, meeqqeqqiyooch, shichee hallowch, dab immon barri ariyoo.

Hajjiyoo I: wocheena'o

- a. Dn. Qoopphiti kexon giyeena'o daachiteete. (5)
- b. Hagoori yooyo magge amiyoon yechii waate. (1)
- c. Dn. Qoopphiti kexo geenee cottiibeete. (2)
- d. Dn. Qoopphiti kechi daachee dafo qolletone. (4)
- e. Gennee bo magechinon ubbe aaboon kechi cotti naboona hayeebee iritiitone. (3)
- f. Dn. Qoopphitinaa bo magechinona yooyon emiroona beshiiteete. (7)
- g. Dn. Qoopphiti bo giyeena'on gallettee maanjii uchii daachiitone. (6)

Kuxo 5: Mihearriyoo – Miheena'on boono shaahe biishoon xibiyoo

Dojje yawo:

- ➔ Mihe ariyee kuxo doyechina'o boono doyiibeet noonee miheena'o biishoon boono digeneemmoch dojjoone. Ebich baribare yaweena'on gaachoona doyechina'o ebiyee aaf boono ariyaani iibbe miheena'on woyee boon ariibeet miheena'ochi budi gaache hinnoo boono digeneemmon tuniyoo qaawiihe.

➔ Hin haaroochaa doyyeemm mihe ariyee baqqo miheena'on boono shaahe biishoona xibiyee doyoone. Ebich miheena'ochi biishoon boono shemmet shemmeshee budona degii boono digeneemmon tuniibit. Ebin kupphiyooch doyechi koorico haaroo shabaattooch mihe ariyee doyye kuxooch giddet doyicheena'on doyechina'o guuphona shuuneemmon tuniibit. Hiniyee dabbii giddet wocheena'o doyechina'ochi wocheena'on xiishooch gaachebit.

Doyee deggi qiico – mihe chaarto

Qoppe yawo – guuphi shuuno

Hajjiyoo:wochoo

1. C 2. E 3. A 4. B 5. J
6. D 7. I 8.F 9. G. 10. H

Kuxo 6: Noonee koko – Gaacoona yeshet minnakanneena'on koko

Dojje yawo:

- ➔ Noonee koce doyyo doyechina'o noonee gaache tate shafiroon boono doyyeemmoch deggeemm kuxone. Eb kuxoochaa doyechina'o iiqqoon tuneyaanon baqqoon gaachoona noonee kocoon ciinnimm qihoon digenooch doyiibeeta.
- ➔ Dojjechinot! Minnakanne shaaheena'on ciinnimmona boono kooricooch giddet biriyoona boono shemmeemmoch bedde gooroon imbit. Boono iriteyeemm mooyo danegaata daakke

biriyoon shaahiyoona degii imbit. Aroochee shahiyoon kooree madooch koori minnakanne shaaheena'on boono gaacoona doyechina'o bariyeemmon tuniibit. Ebin kupphiyooch doyechi koorico haaroo shabaattooch noonee koce doyee kuxooch giddet doyicheena'on doyechina'o guuphona shuuneemmon tuniibit. Hiniyee dabbii giddet wocheena'o doyechina'ochi wocheena'on xiishooch gaachebit.

Doyee deggi qiico – kooraa giddeti minnakanneena'o

Qoppe yawo – kuchi shuunoo, magi shuunoo, qayo

Hajjiyoo I:wochoo

1. Biriye minnakanno
2. Worganichee minnakanno
3. Worganichee minnakanno.
4. Biriye minnakanno
5. Hajjiye minnakanno
6. Worganichee minnakanno
7. Hajjiye minnakanno
8. Hajjiye minnakanno
9. Hajjiye minnakanno.
10. Worganichee minnakanno.

Hajjiyoo II: wocheena'o

1. Kooroo

- a. Arengi koorichoo kooritan.
- b. Arengi koorichoo kooritan?

- c. Ne koorichoo koorib!
- d. Masemmiyo! Arengi koorichoo kooritan?!
- 2. Bushiishoo
 - a. Bushoo tifeexi gijjeena'on woniite.
 - b. Bushoo tifeexi gijjeena'on woniite?
 - c. Bushootifeexi gijjeena'on woniiba!
- 3. Gaashoo
 - a. Daadechina'o shiichii gaashoon shocciteete.
 - b. Daadechina'o shiichii gaashoonshocciteete?
 - c. Daadechina'o shiichii gaashoonshoceta!
- 4. Shoooho
 - a. Yarimmoo shagaa gaashoon shookkiyeete.
 - b. Aakka gaashoon shookkiyeete?
 - c. Yarimmoo shaggitoch gaashoonshooheeta!
 - d. Ebam! Gaashoo eb yarimmooch shookkehe?!
- 5. Shago
 - a. Hagoor mayo gaawuchii shaqqite.
 - b. Hagoor beemo aaxxaacheemmoch maayoon gaawuchi shakkiibot!
 - c. Hagoor maayo aabichii shaqqite?
 - d. Maca maraaca! Hagoori maayi shaqqi hinnoo amoo hiriggichiye?!

Hajjiyoo III:

1. Bushee bunoo guppaabeetan.

⇒ Biriyee minnakanno

⇒ Shuyimoo= bushee, deqgeri= bunoo,
kanno= guppaabeetan

2. Kishoo kichibot.

⇒ Hajjiyee minnakanno

⇒ Shuyimoo= ittoshi, deqgeri= kishoo, kanno= kichibot

3. Amoone ne shuunaabeeto?

⇒ Eche minnakanno

⇒ Shuyimoo= ne, deqgeri= amoone, kanno= shuunaabeeto

4. Kexooch hami ta wochoon get!.

⇒ Hajjiyee minnakanno

⇒ Shuyimoo= ne, deqgeri= wocho, kanno= get

5. Eb aakka xumenne?

⇒ Eche minnakanno

⇒ Shuyimoo= ne, deqgeri= _____, kanno= xumenne

HAAROO SHIMITTOO

NUUSHOONA YECHO

Haaree gaboo: hin haaree doyee ciirooch doyechina'o:

SHABAATTINNEE KIME KAFI NOONOO

- Elleechii shaahe kooroon qannayiyeete.
- Nuushoona waabeeti toshoon biriiheete.
- Boono shemmeti kooree wulle shalligoon giddiiheete.
- Ellechina'on degoch boono shalligoon wochii biriihete.
- Kooree maacoochee xefee maalleteena'ochi shaahoona gaacoonon biriiheete.
- Kooree maaceexi miheena'och budi biishoon immiyeete.
- Xappe minnakannoon kocciyeete.

Haaroo	Wulle Shimbo	Baqqeena'o	Kaallo	Doyechi koorice Hee'o	Ikke haaroochi shabaattee meeto
8	Nuushoona Yecho	Kuxo 1: Ello	1	107	3
		Kuxo2: Yibbaatoo	1	108	
		Kuxo 3: Shemmo	2	110	
		Kuxo 4: Kooroo	2	116	
		Kuxo 5: Mihe ariyoo	1	119	
		Kuxo 6: Noonee koko	2	120	

Kuxo 1: Ello

Dojje yawo:

Hin kuxo doychina'o boono elle iiqqoon uumiyooch boono doyiibeetone. Ebich, giddeti elle shemmeeshoon itti

shemmooyee aaf shimboona yeshetona boonoshich shiichii beet ariyoon qoppo qaawiihe. Ebiyoo, doyechi kooricooch shimittinnee haarooch ellee kuxooch ellooyee aafi shuuraareena'on shuunebeeta. Aree hillooch hinichi dechiich beeti elle shemmeeshoon shemmebit. Itti shemmaabeegoora doyechina'o aamee boono elloon dabbibit. Boono elleti shalligoon boono batteyaacheemmoch shalligichoo yesheeta. Shemmeeshoon keejje kaallo wochi wochi shemmebit. Itti shemmee hinnoo kuxooch beeti doyechina'och ubba elleyoo hakkimmonaa moodeelo qaawiihe. Shemmaa itti ciichitoyee gubb doyechina'o boono koorico haaree shimittooch ellee digene doyichoon arooch koteti hamadabboon quye shuunebeeta. Tachee wocheena'o hinichi dechaa koteti qoodooch doyechina'o immimmi wochoon xiishooch gaacho hakkihit.

Doyee deggi qiico – elle shemmeeshoo

Qoppe yawo – kuchi shuunoo, qayo

Doyichoo: Ellooyee aafi shuuraareena'o

Hajjiyoo: wochoo

1. Nuushoo geto ama getone?

⇒ Nuushoo ikke asho ikke mooyon halleebeetaa ciinona kaayoommon kottee'i qemi qemona dicciibee waabeet niiyoone.

2. Tumbaa'i nuushoona yechet ashi toommooch ame irtoo shaggiye?

⇒ bi shomboo miixeehe

3. Ikke nuushoona yechet asho men nuushoochee keyoch biich wochii bi giddiibeet echeena'o ameena'one?

⇒ Ta koni taane?

⇒ Ebiyee aaf ta beemi hinnoo ami shaahoone?

⇒ Gubbich ame gaawe mooyo taan quyeebeete?

Nuushoo

Nuushoo ikke ashi toommooch ciinona woyee doyoona ikke mooyon halloochee kaayoommona kottee qemi qemona dicciibee waabeeti niiyoone. Eb kaayoommona kotteti niyoo asho kaatee neechooch woyee qayoch bi qaawiigaata kette gommona neechooch woyee qayoch oogii iritiibeeti mooyone.

Nushee shaahoo woddoone. Eboshiichee tumbaachi cufiyoon, caate qaayon, bunee uyon, uyee uyon dab ceego hakkeehe. Eb nuusheena'ochee ikkoona yecheti asho bekkiibeeti shuuriyeena'o beeteete. Shaahiyooch, caato qaachii doyito bi doyiton bi muccegaata bi ashittino tatoona shuuneyaache: taahiye, dookkehe, bi giidoo nirehe.

Nuushoo asho bi qelloona baach tuneyaanon tookkii beetina'ona tookkii shuuneebeetina'on miixo hakkiye. Eb nuushechi asho bi toommooch iiwee iritoon deewoyee baroo bi katinooch beeti ashena'ochi iiwittinoono miixoo hakkiye. Shahiyooch, tumbaa'o cufiibeeti asho bi shomboon miixoooyee beshee bi sheenooch beeti ashono miixiye. Uyoon uchiibeeto wotta bi qamoon miixoooyee beshee daakkoona kechi ashono tuneba giyoochi diggittinoon mucciyoo hakkiye. Ebich kechiibeeti gijjoo wotta woddoo tunetoch kechashi beemi hinnee toommooch iritoon deewiye. Beemi hinnee daboo wotta bushiisheena'ochi mami hinnoonaa dooyee qiice shappoonon deewona boono nuuchooyee gubb boono echeemmoch naboo tuno hakkiye. Nuushoo eboshinaa shaahe iriteena'on shakkiyoo bi hakkimmi qoodooch, nuushoona yechiimmi mooyina'oochee qelloon quyo qaawiihe.

Nuushoona yecheti asho nuushooche keyo biich qaawiihe. Nuushoochee keyoch battibatt, "Ta koni taane? Ebiyee aaf ta beem hinnoo amoommone? Gubbich ame gaawe mooyo taani quyeebeete?" immi echeena'on tiijjoona bi qelloon echo qaawiihe. Aree hillooch , nuushoochee bi qellon quyeti nuuchoon yesho, kechi ashoonaa kitaamiteexi maccoon oogiyoonaa bi qelloon quyeebe oogittinoon danooyich, iiwittinoon quyooch, ikonoomin uumiyooch, tookkii beemi yeshoon kupphiyooy yamee yexo qaawiihe. Yamee yexo baach tuneyaanon nuushoochee keyoch yamoon shuunee toommooch heechiyooch maacoon kuxxii shuuno qaawiihe.

Nuushoochee keyoch nuushaalli gaawe nuuchoon yesho qaawiihe. “Gonde nuuchoo qaa’ooch duppiye, gaawe nuuchoo qaa’ee kichiye” getteetoommon nuuchoo nuushecho tunegaata nuushoona yechiibeeti mooyina’on dojjiye; nuushaalli nuuchoo wotta nuushoona yechiibeeti mooyina’owaan giddiyaache. Eb nuuchoo biino, bi nuuchoono nuushoochee quyehe getone.

Nuushecho, nuushoochee keyoch bi kechi ashoon shalligoo qaawiihe. Kechi ashi daggoochee xeellii kechii nuushecho tune gaddooch echo, gijjoon shaco, iiwee muccho, ikkeeto tuno, dab. gonde mooyina’ooch gimone. Ebiyoo, cooniihe, ashooyee dech heechiihe. Ebich, ashoona tookkii shafiroona beemoch, oogittine danooyich, kechi asheena’on degoch nuushoona yechiibeeti shuuraareena’oochee woho qaawiihe.

Doyichoo: Ellooyee gubbi shuuraareena’o

Hajjiyoo I: wochoo

1. *Kooto* 2. *Iberoo* 3. *Iberoo* 4. *Kooto* 5. *Kooto*

Hajjiyoo II: wocheena’o:

1. __ iiwee iritoon deewiye,
__ ikkonomiin miixiye,
__ kechashi beemi hinnooch iritoo deewiye,
__ tookkii beemi yeshoon kuxxiye
2. Tumbaachi cifiyoo, caate qaayo, uyee uyoo, dab.
3. __ ashittinoo tatoona shuuneyaache,
__ taahiiye,
__ dookkiihe,

— giidoo nirihe,

— qello caddiye, dab.

4. Mashaamiihe. Shaahiyooch tumbaa'on cufiibeeti asho bi sheenooch beeti bare ashoo miixiihe.
5. Uyee nuushoona yechet asho.

Kuxo 2: Yibbaatoo: Yibbaatee shalligoon wochii koco

Dojee yawo:

Doyechi koorice maacooch haaroo shimittoo, yibbaatee kuxooch giddeti shalligeena'on guuphona tuneyee boono ihaateyeemmonaa qaaroona biriyeemmoch echeebeet hajjiyoo beete. Ebin gawatiyooch doyechina'on shiichi guuphona kocit. Guuphon yaabiyeemm wulloon guuphooche kaachiibit. Guuphi wulleena'ona yaabeeyee shafiroona boono yibbaateemmoch gooroo maacyee hajjiyoo imbit. Aree hillooch doyechi koorice maaci kuxooch "A-D" beeti shalligeena'on tiijji boono ihaateyeemmon tuniibit. Ihaateyee goorooch beet hinnoon dabbi ciinibee degoon imbit.

Doyee deggi qiico – qannayaa giddet shaahaaniyee yibbaatee moochaafeena'o

Qoppe yawo – guuphi shuunoon qayo

Kuxo 3: Shemmo

Dojje yawo:

Dojjechinot, Hin haaroochaa **Tumbaachi Cufiyoo** immi shimboona giddeti shemmeeshoona yeshet shemmoyee aaf echeena'on doyechina'o ebiyee aafi ariyoon gaacheyee boono wochiyeemmon tuniibit. Shemmeeshoona shemmeshee moochafoonon qaaroona doyechina'och gidii biriyoo imbit. Aroochee doyechina'o nuushoona waabeeti toshoon ciinnimmona qaaroona biriyoo boono immeemmon tuniibit. Hin shemmeeshoona yeshet shichee toommooch guuphona boono ihaatiyeemmon tuniibit. Ebiyee gubb doyechina'o shemmeeshoon guuphona shemmeyee shemmee digene echeena'on boono wochiyeemmon tuniibit. Doyechina'o mull beshii shemmee boono digenoonaa digene qayonon qoppooch shemmeeshoon boono shemmebeetaa dagga neechiye qamine echo giddiibit. Doyechina'o shemmeshee wulle shalligoon qaaroona boono getteemmon tuniibit. Hin kuxooch gideti doyichee wocheena'on wochii tachooch gaachebit.

Doyee deggi qiico - shichoo

Qoppe yawo - guuphi shuunoo , magi shuuno, kuchi shuunoo

Doyichoo: Shemmee Digene Shuuraareena'o

Hajjiyoo I: wocheena'o

- | | | | | |
|-----------------|------------------|-----------------|----------------|------------------|
| 1.Iberoo | 2. Kooto | 3.Iberoo | 4.Kooto | 5. Iberoo |
| 6. Kooto | 7. Iberoo | 8.Kooto | 9.Kooto | 10. Kooto |

Hajjiyoo II: wocheena'o:

1. - Caatee qaayo, Tumbaachi cufiyoo, Alkoole uyeena'on uyo, .
2. - Iiwittine , Ikoonominaa tookki beemi iritoon deewiye.
3. -Nikootiino getteehe, eb xure mooyochi miixoo wotta ashena'ochi shombee maac giimona boono damoona baccee mullooch haccinnii'i eengooch gi'i gooree wotti digaayoon imona wochi wochi boono cufiyeemmoch tuniiche.
4. -Ashittine toommoch tumbaa'o cufiyoona waabeet miixeena'on biriyoona aroochee bi kecheemmoch booyo.
5. - Doyechina'o boono digene iiqqoommona kooriyeete.

Kuxo 4: Kooroo - Xefee malleteena'o

Dojje yawo:

- Kooree maacooch no gaachaabeeti wodde xefee malleteena'o beetina'o tunoonaa hin kime daqqooch tuneemm xefee malleteena'on boono qecoonaa biishoona tookkii doyechi kooricee maacooch haaroo shimittoo kooree kuxooch giddetina'on ciiniichi echetina'on dabbimmi kimoochaa boono doyyemmo tunoon xiishiibit.
- Hiniich giddetina'on boono qell qelloona shaahiyoo imibee doyyoon gamichiyee giddiibit. Aree hillooch Gabooginaa Qocitina tune'e boono gawaatiti shalligee imaa de'eyoo shahiyooch giddeton boono yechiti xefee malleteena'on echaa wochoo giddiyoona boono digeneemmoch tuniibit.

Shaahiyooch “Gaboogi:neen ta echeemmi bare mooyo beete. “ iyaa bi giddiiti shalligoon doyechi kooricochee ciiniyee am ame xefee malleteena’o beeteete?” getiyee echo giddiibit. Eboommon ittiwaane baribare xefee malletoon yechiti minnakanno kociyee beshoon digeniibit.

↪ Ebichi hinnoona doyechina’o hin haarooch doyechi kooricoch kooree kuchi dechiich beeti doychoo ikkooch dabbimmi echeena’och qaroona tune ihaateechi biriyoo imbeeta. Boono guupha ihaateyeemmi bedde gooroo boonoshich icheba. Aroochee boono immimmi wochoon timo tuniiyee doyoona gamichibit. Boono immiti wochee tatittinoon xiishooch hinichi dechiich beeti wocheena’on gaacho hakkihit.

Doyee dege qiiceena’o – xefee malletoon bekkiibeet kiiraakiiro

Qoppe yawo: qelli shuunoo, guuphi shuunoo, doyechina’ochi shuunee hinnoon qayo

HajjiyooII: Doyechina’odabbimmon shaahimm wochoon imo hakkiyeete.

1. Kooreet shalligoo echo tunoo qajjiichii biriyoo tunehe, shemmechowaanee icheemm wochoo aallo tunoon bekkiihe.
2. A. waabeet ashena’ochi meeto awuddo tunemmona
B.waabeet ashena’ochi meeto guttoo tunehe. Eboshiyoo, Balayinaa Mawooginane.

3. Kitemmee maac kotet shalligoo koorecho men kooreet shalligoon bare ashiwaanee daammii gaacheto tunoon bekkiimmona, kitemmoo aalloon kooreet shalligoo men koorechochi shalligoo tunoon bekkiihe.

Doyichoo 3: Wochoo:

(.) (,) (?) (;) (!) (“ ”)

- A. Beelle doychina’o doyee kexoochgimmoch komadoo, peennoo, koppoona geshoonon kemee qanniteete.
- B. Ta aafoochee aalleb!
- C. Ichet magi shuunoon shuuneyaano konine?
- D. Dojjechino “Waama diggoona qeyitote!” iyiichii bo dojjooch giitane .
- E. Keri bunoo gufaa, Arenigi shoollo kachiitaa kexo qeaccite.
- F. Ne aabbi aatooba waahone?

Kuxo 5: Mihe Ariyoo – Doyeet miheena’ochi budi biishoon biriyoo

Dojje yawo:

- ➔ Mihe ariyee kuxo doychina’o boono doyiibeeti noonee miheena’o biishoon boono digeneemmoch dojjoone. Ebich baribare yaweena’on gaachoona doychina’o ebiyee aaf boono ariyaani iibbe miheena’on woyee boon ariibeeti miheena’ochi budi gaache hinnoo boono digeneemmon tuniyoo qaawiihe.
- ➔ Hin haaroochaa doyyeemmi mihe ariyee baqqo doyeet miheena’och budi biishe immi doyoone. Ebich, doyeet

miheena'ochi budi biishe amittinoon ciinnimmona giddeti doyechi kooricooch beeti biriyoona boono shemmemmoch bede gooroon imbit. Ebin kupphiyoona doyechi koorico haaroo shimittooch mihe ariyee doyee kuxooch giddeti doyicheena'on doyechina'o guuphona shuuneemmon tuniibit. Hiniyee dabbii giddeti wocheena'o doyechina'ochi wocheena'on xiishooch gaachebit.

Doyee deggi qiico –giddet doyeet mihe chaarto

Qoppe yawo – guuphi shuuno

Doyeet miheena'ochi budi biisho

Doyeet miheena'o getteebeetina'o noonee maac woddiyaa no danaabeetona shalligoon digenoyich noon deggiibeeti miheena'o tunoon ikkinnee haaroocha beeggeton.

Mihe budi biisho geto ikke miho bulle aaboon doyeet biishooyee baroon minnakanne maac gii' bi immiibeeti bare biishoone. Ebiichee tiitona ikke mihooch doyeetoyee maach tunet gaacoona yesheti meeti biishoo beemmo tunoon digeno hakkiyon.

Shaahiyoo:

⇒ Gennee kosho kachiibeetone. Dechaa kiireet 'kosho' iibeet mihee biisho maayo iibeeton bekkiihe.

⇒ Bushee doyoo ciichaa'a kosho yechetan. Hiniichaa wotta 'kosho' iibeeto shuunoo danoon bekkiihe.

⇒ Maakulli kexo haggite. Kexo iibeeto beemoch gaacciibeeto tunoon bekkiihe,

⇒ Maakulli kexo tiishete. Kexo iibeeto ubbe bi beemo immi bishoo bekkiihe.

Hajjiyoo I: wochoo

1. Duuroo 2. Maccoo 3. Dihiibee 4. Kaareebe

5. shuurikkaano

Kuxo 6: Noonee koco - Xappe minnakannoon koco

Dojje yawo:

- ↪ Noonee koce doyoo doyechina'o noonee gaache tate shafiroon boono doyiyeemmoch deggeemmi kuxone. Eb kuxoochaa doyechina'o iiqqoon tuneyaanon baqqoon gaachoona noonee kocoon ciinnimmi qihoon digenooch doyibeeta.
- ↪ Dojjechinot, xappe minnakannoon ciinnimmona boono kooricoch giddeti biriyoona boono shemmeemmoch bedegooroon imbit. Boonoshin iritiyeemmi mooyo danegaata daakke biriyoona shaahiyoona degii imbit. Aroochee shahiyoona kooree madooch koori xappe minnakannoon boono ariyeemmon tuniibit. Ebin kupphiyoona doyechi koorico haaroo shimittooch noonee koce doye kuxooch giddeti doyicheena'on doyechina'o guuphona shuuneemmon tuniibit. Hiniyee dabbii giddeti wocheena'o doyechina'ochi wocheena'on xiishooch gaachebit.

Doyee deggi qiico – Qanniti minnakanneena'ochi kiiraakiiro

Qoppo – kuchi shuunoo, magi shuunoo, qayo

Kuxo 6: Noonee koko: xappe minnakannoon koko

Xappe minnakanno: gutte xolle minnakanneena'on yeshiyoona halleebeeti minnakanne shaahoone. Xappe minnakanne maacooch kocheebeeti xolle minnakanneena'o yeshiyee mihoonaa baribare xefee malleteena'on gaachetaa yesheheete. Xappe minnakanne maacooch gaacciibeeti xefee malleteena'o teppaa-quphoonaa quphoonane. Teppaa-qupho yeshiyee mihooyee aaf giibeeto bi tunemmona qupho wotta yeshiyee mihooyee gubb giihe.

Shaahiyoo:

Amiyoo oogii dihite.

Showoo miyaache.

Eb gutte xolle minnakanneena'on yeshiyoona xappe minnakanno koko hakkiyon.

Amiyoo oogii dihite; tunebaani, showoo miyaache.

Eb minnakanno xappe minnakannoone. Ebiyoo, bi maacooch gutte boono qello hakkit xolle minnakanneena'o beeti qoodoochiye. Eb xolle minnakanneena'o yeshiyee mihoonaa xefee malleteena'onon gaacheetaa yesheteete.

Doyichoo: Xappe minnakannoon kocci shuuraareena'o

Hajjiyoo I: xolle minnakanneena'oochee xappe minnakannoon kocci shuuraare wochoo.

A. Jemiili bunoo guppetan.

Kexo qeeccite.

⇒ Jemiili bunoo guppetan; ebich kexo qeeccite.

B. Manooyeeri bago kemete.

Bi kechasheena'o baroon emiroona beshiiteete.

⇒ Manooyeeri bago kemete; ebichi qoodooch, bi kechasheena'o baaroon emiroona beshiiteete.

C. Aredda aabeeheechite.

Xumamiyoo dihite.

⇒ Aredda aabee heechite; tunebaani, xum amiyoo dihite.

D. Arengi Kafi noonee koorico woddiyaa shemmahan.

Bi Kafinoonee daachoo michiyaache.

⇒ Arengi Kafi noonee koorico woddiyaa shemmahan; tunebaani, bi Kafinoonee daachoo michiyaache.

E. Annooba maayo shagaache.

Hagoor maayo gabiyooch aaxxite.

⇒ Annooba maayo shagaache; ebi tunetoch, hagoor maayo gabiyooch aaxxite.

HajjiyooII: Ichet hinnoon gaachee xappe minnakanne kocci shuuraare wochoo.

1. Amiyoo kuujjiibeeto tunoonaa ne aabbi gattee biichi qayon ciinnimmona

⇒ Amiyoo kuujjiibeete; tunebaani, ta aabbi gattoo biishaachone.

2. Ne gaawuchaa shemmoonaa ne guuche manee macecaa elloonon ciinnimmona

⇒ Ta gaawuchaa shemmet; ebichi goodooch, ta manee macecaa elletan.

3. Ta nuuchoo Naadoobichinaa taanna shunoonaa bullaabo tookkaa kaayon ciinnimmona

⇒ Ta nuuchoo Naadoobichi taanna oogiyaa shunehon; ebich, bullaabo tookkaa kaachehon.

4. Beegoniwoddii bi shemmoonaa beelle doyechi bi tunoon ciinnimmona

⇒ Beegoni woddiyaa shemmahan; ebiichee tiitona, beelle doyechi tunetan.

5. Nuushoona yecho miiximmo bi tunetoch nuushoona yechoochee qelle quyo qaawiimmo tunoon ciinnimmona

⇒ Nuushoona yecho miixiye; ebichi goodooch, qellee quyo qaawiihe.

HajjiyooIII: wocheena'o baribaroo tuno hakkiyeete.

1. Doyee kexo qecheete; _____
2. Baaroo kattinnite; _____
3. Dn Qoopphiti bushooch kittoo kemetone; _____
4. Amihoo dihoo qajjite _____
5. Doyechina'o aame shemmo qajjiteete; _____.

HAAROO YIIXIYOO

SHOWEE SHUNO

Haaree gaboo: Hin haaree doyee ciirooch doyechina'o:

- Elleechi kooree shalligoon boono beeyi hinnoona xibiiheete.
- Showee shunona yesheti shalligoon biriiheete.
- Sheqqe gaaboon yechii shemmeheete.
- Showee shunni shalligoon worganeheete.
- Boono qelli biishoon bariyooch baribare bekkiyechina'on gaacheheete.

Haaroo	Wulle Shimbo	Baqqeena'o	Kaallo	Doyechi koorice Hee'o	Ikke haaroochi shabaattee meeto
9	Showee Shuno	Kuxo 1: Ello	1	123	3
		Kuxo2: Yibbaatoo	1	125	
		Kuxo 3: Shemmo	2	125	
		Kuxo 4: Kooroo	2	130	
		Kuxo 5: Mihe ariyoo	1	133	
		Kuxo 6: Noonee koko	2	135	

Kuxo 1: Ello

Dojee yawo: hin kuxo doyechina'o boono elle iiqqoon uumiyooch boono doyiibeetone. Ebich, giddeti elle shemmeeshoon itti shemmooyee aaf shimboona yeshetona boonoshich shiichii beeti ariyoon qoppo qaawiihe. Ebiyoo doyechi kooricooch yiixinnee haarooch ellee kuxooch, ellooyee aafi shuuraareena'on shuunebeeta. Aree hillooch hinichi dechiich beeti elle shemmeeshoon shemmebit. Itti shemmaabeegoora doyechina'o aamee boono elloon dabbibit. Boono ellet shalligoon boono batteyaacheemmoch shalligichoo yesheeta. Shemmeeshoon keejje kaallo wochi wochi shemmebit. Itti shemme hinnoo kuxooch beet doyechina'och ubba waayemmo hakkimmonaa moodeelo tuno hakkimmo tuneba. Shemmaa itti ciichitoyee gubb doyechina'o boono koorico haaree yiixiyooch ellee digene doyichoon arooch kotet hamadabboon quye shuunebeeta. Tachee wocheena'o hinichi dechaa koteti qoodooch doyechina'o immimmi wochoon xiishooch gaacho hakkihit.

Doyee deggi qiico – ellee shemmeeshoo

Qoppe yawo – kuchi shuunoo, qayo

Showee Shuno

Showee shuno geto maccoonaa showee diconoch gaacciibeeti shuunoon shuuno getone. Ebi geto showee diggittinoon quyo,

showee danoo xuqqeemmonaa maccoon miixiyeemm ettoon wushoo, showee hallee gaannoonaa kiine qaappheena'onon quyee heetee shafiroona gaacho, gallaame shuuneena'on gawaatoo, maccee wuroon oogiyoo, girittinoonaa gubb echittinoonon aallii uumee shuunoonaa andi gooree teknoolojich koonjee imo, kupphee shuuno, gooppera-gooppaachoonaa showashittine duubon oogiyoo, dab.shaahe shuuraareena'on gawaatoo getone.

Showee shuno geto bi shoween ettoochee quyee damoom ukkii kashoon imooch beddaaha shuno getone. No showeech gaaco no hakkimmi meeti hinneena'o beeteete. Eboshiyoo, gooroon, giidoon, gijjoon, ashi gaannoon, baribare yaappheena'on heetee yechii gaawe aafu boono immeemmon tuniyoo showee shunona yeshehe. Bi showoon shunniibeeti maccoo biinnaa biinna iibaaree beehe, bi diggittinoon quyeehe, ikkottee beehe, xuuxeeti bi showee maaceena'on deggiye. Showee shuno ebi baach tuneyaanoon no waanjeeti shuunee bakkoochaa no showee uumaroon iberiyyoo hakkimmi shalligeena'on giddiyoona no hakkimmon shuunoonaa beddahanane.

Andi gooree showee shuno wonneechoommon indittinoona damoon ukkii ettoon kochii wochoo baachi toonoone. Etto iritoon bi halligaata damee ukkooch gimoyee shiichi geenoonaa woyee ihaateyoona iritoon biishooch herecho qaawiihe. Geenoonaa mashaamanon mawimmo woyee qajjimmo danegaata bi gatiyoon imaa hammiye. Ebi showee shuni hillooch, shooddee shiisheena'ochi kiinoon, qocoon gibenoon, noonoon xiishi

digenoonaa oogiyoonaa, degonaa uumiyoona, dab. shaahe shuuraareena'o showee shunona gawaateebeeti shuuraareena'one.

Baroo wotta, doytina'o kupphee shuunoyich , gochiibeetina'o andi gooree teknoloojin gaachoona imirikkimm yeeyoon kicoona boono showoonaa maachi showoonon michiyoo, giixeebeetina'o giixee boono danetoochee taatee qixoon muricaanoonaa aachaanoonon qoco, yaabechina'o boono yaabiibeeti maccoon gabee cihaalloon yaaboo, doychina'o boono doyoona beelloo tuneyee showee dicoch boono qoodoon keyoch kupphee doyoo, dab. showee shunona gawaateebeeti gaaccimm shuuraareena'one.

Showee shunoochee tiitona asheena'o kicee diiddaaron woyee koon hallii macceena'on deggiyeete, harichiyoon immiyeete; xumaaneena'och, geeneena'och, maacheena'och, nallefeena'och, ashittinoon miixetina'och, gubb-echet shiisheena'och, dab. bariti degon immiyeete. Bare gommona wotta koreentin, kekoon, gijjoonaa yaaphoonon, dab. iberittinoona maccooch bechoo showee shuneexi ikkoone.

Kicoona showee shuno geto maccoonaa showee uumiyooch tuneemmi gallaame shuunoon giishi woyee kette mooyoochee kottii ooge mooyooch beddaaha beeti shuuneena'on ubba gawaatoo tuneti qoodooch no iiqq-iiqqoommona noon ciinnimmi gallaame mooyon gawaatoo no waanee quyeehe.

Doyichoo: Ellooyee gubb shuraareena'o

Hajjiyoo I: Wochoo

1. Iberoo 2. Kooto 3. Kooto 4. Iberoo 5. Kooto

Hajjiyoo II: Wochoo

1. E 2. H 3. C 4. B 5. D 6. I 7. A 8. F 9. J 10. G

Kuxo2: **Yibbaatoo** -Ikke shimbe toommooch bareena'ona mashaamoo

Dojee yawo:

Doyechi koorico haaroo yiixiyooch yibbaatee kuxooch giddeti yibbaatee shimbeena'o beeteete. Eb shimbeena'o giddeto doyechina'o guuphona tune boono kaacciti ikke shimbe toommooch boono ihaateyeemmochiye. Ebich, shiichi guuphona boono kociyeemmon tuniichi giddeti shimbeena'oochee ikkoon boono kaacceemmon tuniibit. Arooyee gubb shiichii doyeeti hinnoona guuphi maacooch beeti doyechina'o baribare heenoon daambeeta. Boono kaacciti shimbe toommooch ihaateebee shaahe shalligoo yeshoch boono hakkiyeemmi hinnoon hallibeeta.

Doyee deggi qiico – ihaateyooch giddeti shimbeena'o

Qoppe yawo – guuphi shuunoon qayo

Shimbeena'o:

A. No beemoch tato tuneto no showoonee woyee maachi showoone?

B. Amee shuunechone bi showeech beshe gaaco immiibeeto?

C. Showee shunoch amee shuunoo shuuno qaawibeeto gaata ittoshinaa ittoshina ihaateebot.

D. Abbayi Hiddaase Gabee shuuno showee shuni shaahiyoone bi geteebeeto amoyiich gaata itto tookkii beemi dojjechon echeree kuxoochaa qamin yibbaato gididiibot.

Kuxo 3: Shemmo

Dojje yawo:

Doyechina'o hin haaroochaa **Showee Shuno** immi shimboona giddeti shemmeeshoon doyechina'o shemmooyee aaf giddeti shuuraareena'on ebiye aaf boonoch beeti ariyoon gaache boono wochiyeemmoch echebit. Sha. *Showee shunon ciinnimmona amo ariihote?* Shemmeeshoon doyechina'o guuphona tune shalligichoo yeshibee boono shemmeemmon tuniibit. Eb kuxoochaa doyechina'o showee shunon ciinnimmona shemmeeshoochee boonoshich giyaani shalligoo beegaata echoo qannayi boono echeemmoch mallo imbit. Boono tijjit echeena'on bare guuphona wochoo icheemmon tuniibit. Ciiroochaa men tiiti echeena'och tate wochoon imbit. Shemmee digene shuuraareena'on doyechina'o guuphona shuunebeeta. Doyechina'o kuchi shuunoo tunii guuphona shuunebeeta. Ciiroochaa guuphi shuunoon ciini tachooch dabbimmi wocheena'on gaachebit.

Doyee deggi qiico - shichoo

Qoppoo - guuphi shuunoo , kuchi shuunoo

Doyichoo: shemmee digene shuuraareena'o

Hajjiyoo I: Wochoo

1. Kooto
2. Kooto
3. Kooto
4. Iberoo
5. Iberoo
6. Kooto
7. Iberoo
8. Kooto

Hajjiyoo II: Wochoo:

1. Iteege Xaayiti Debre taaboorin duppii bo hammiti naboo
amoone? Bo niheeno ginee koyoona qitoo
2. Atse Miniliikin bare asheena'o teknoolojin ciinnimmona
megito kone? Showee meeti macceena'o
3. Maachi teknooloojeena'on gaachooch indittinoona degito kone
Iteege Xaayiti
4. Batt-batti Adiwee ginoon koyebone immi shalligoon giddiito
kone? Iteege Xaayiti
5. Iteege Xaayiti shigoon showee tookk archiiti naboo
amoone? Atse Minilikin bo shaagona bo shigo Gn. Xaayitu
Bixxullichee Iteege Xaayiti getaa bo ceekkoona
6. Etto kaate kishoo bi immemmoch naboo tuneti mooyo
amoone? Aachi xuupho ubba topphiyee ginechina'o yechitoch

7. Iteege Xaayiti aree goorooch Atse Miniilik ga'ooch bo aalloogaata amo tuneeshe? Topphiye kooch hami bi wuroon quyiyaacheeshine, koo goorooch bo waanee danet gallaame degeena'o beetaacheeshina'one.
8. 17ne mokasho koo naboo bi tuneto aakkane? Topphiyeen miixi Xaaliyaaneene gaacceemmo bi tuneti qoodooch mashaamoo halleye qayonane.

Kuxo 4: Kooroo

Dojje yawo:

Doyechi koorico haaree yiixiyooch kooree kuxooch Adiwee ginoon ciinnimmona kotet shichoon doychina'o ciini digenechi shichee moochi afoon biriyee boono kooriyeemmoch doychina'on guuphona kociibit. Doyechina'o boono kooroon ikkoo baroochon ciini tachoo bi immemmo tuniibit. Ciiroochaa ubbe tachoon doychina'o daami digenemmon tuniibit.

Doyee deggi qiico – shichoo

Qoppe yawo – doychina'ochi kooroon qayo

Kuxo 5: Mihe ariyoo – Doyeyaani miheena'och budi biishe imo

Dojje yawo:

↪ Mihe ariyee kuxo doychina'o boono doyiibeeti noonee miheena'o biishoon boono digeneemmoch dojjoone. Ebich,

baribare yaweena'on gaachoona doychina'o ebiyee aaf boono ariyaani iibbe miheena'on woyee boon ariibeeti miheena'ochi budi gaache hinnoo boono digeneemmon tuniyoo qaawiihe.

→ Hin haaroochaa doyyeemmi mihe ariyee baqqo iibbe miheena'och budi biishe immi doyoone. Ebich, doyeeti miheena'ochi budi biishe amittinoon ciinnimmona giddeti doychi kooricoh beeti biriyoon boono shemmemmoch bedde gooroon imbit. Ebin kupphiyooch doychi koorico haaroo yiixiyooch mihe ariyee doyye kuxooch giddet doyicheena'on doychina'o guuphona shuuneemmon tuniibit. Hiniyee dabbii giddeti wocheena'o doychina'ochi wocheena'on xiishooch gaachebit.

Doyee deggi qiico – daakkoona koora giddeti baribare iibbe miheena'o

Qoppe yawo – guuphi shuuno

libbe miho: no gaachaabeeti noonooch woddiyaa no ariyaabeeti miheena'o beemmoommon no ariyaani miheena'o beemo hakkiyeete. Eb miheena'o moochaafona yeshtina'o tuno hakkiyeete. Ebiyoo, eb miheena'on dano no hakkimmo eb moochaafona yeshetonaani arooyee maach dano qayo hakkiyon. Ebich, eb miheena'o bullaabo no gaacheyaaneena'o tuneti qoodooch, iibbe miheena'o getteeheete.

libbe miheena'ochi biishoon digenooch hakkiimmi gommina'oochee ikkoo boono giiti budon gaachoone.

Shaahiyooch; “Kuccaano” immi mihoon no ciinnemmogaata bi qelloona bi biishoon ariyaachon tunebaani dabbimmoommi hinnonaa ikke xaa’ooch no giijjimmogaata

Gaboogi bi indi wocheti shuunoon ciichaachaa bi yefelleshoon maa, bi kechi shuunoon shuunaa, bi dooyee kechi kuccaanoon tahaa dooyee kexooch hammaabeetan.

‘Kuccaano’ immi mihoon ebiyee aaf ariyaachote. Ebich, eb miho iibbe mihoone. Tunebaani, bi giiti xaa’oon gaachoona bi biishoon geto hakkiyote.

Hajjiyoo II: wochoo

1. Moosho (*mooyo*)
2. Megoo (*tephoo*)
3. Mooderoo (*guuphona kechii shuuno*)
4. Yiito (*ariyecho*)
5. Duppi'i (*qajji'i*)
6. Xuupho (*aachi timo*)
7. Baroo (*qitii aallo*)
8. Shalligiyoo (*battiyee qayo*)
9. Ceekko (*shigee timo*)

Kuxo 6: Noonee koco – wutte minnakannoon koco

Dojje yawo:

- ➔ Noonee koce doyoo doyechina’o noonee gaache tate shafiroon boono doyiyeemmoch deggeemmi kuxone. Eb kuxoochaa

doyechina'o iiqqoon tuneyaanon baqqoon gaachoona noonee koocon ciinnimm qihoon digenooch doyibeeta.

→ Dojjechinot! Wutte minnakanne amittinoon ciinnimmona boono kooricoch giddeti biriyoon boono shemmeemmoch bede gooroon imbit. Boonoshin iritiyeemmi mooyo danegaata daakke biriyoon shaahiyoona degii imbit. Aroochee shahiyoon kooree madooch koori wutte minnakannoon koko boono doyiyeemmon tuniibit. Ebin kupphiyooch doyechi koorico haaroo yiixiyooch noonee koce doye kuxooch giddeti doyicheena'on doyechina'o guuphona shuuneemmon tuniibit. Hiniyee dabbii giddeti wocheena'o doyechina'ochi wocheena'on xiishooch gaachebit.

Doyee deggi qiico – kiiraakiirona daakkaa giddetti minnakanneena'o

Qoppo – kuchi shuunoo, magi shuunoo, qayo

Hajjiyoo II: wochoo

1. Gabiya hammaa kiiho woocetan.
2. Hagoor amiyoo gaawuchii dihaa maayo woddii shaggii gabiyooch qallite.
3. Keri doyoo beshee emirite.
4. Showoo dappii gochii maayo shookkite.
5. Kenaa-mecho biisheetaa bushishoo shacete.
6. Kafi noonee doyyoon shunna gaawuchaa ta shemmetoch ta daacho gaawetone.

7. Gabiyaa hamiyee bushooch gabexoo kemeb.
8. Arengi magi shuunoo shuunaachaa gifiroo maatan.
9. Doyee kexo qecheetaa doyechina'o hammii kobereeteete.
10. Boongi katemoo hidee'i xallette.

HAAROO AASHIROO

QAARE KEEMO

Haaree Gaboo: Hin haaree doyee ciirooch doyechina'o:

- Shemmeshee shalligoon elleechii biichiyeete.
- Qaare keemeena'ona yeshet shalligoon biriiheete.
- Qaare keemeena'ochi shaaheena'on sheqqeheete.
- Keemeena'on tate buriyee hinnoona shemmeheete.

SHABAATTINNEE KIME KAFI NOONOO

- Yeshiiyeena’ochi gaacoon bariiheete.
- Xawe miheena’on gaachee minnakanno kocciyeete.

Haaroo	Wulle Shimbo	Baqqeena’o	Kaallo	Doyechi koorice Hee’o	Ikke haaroochi shabaattee meeto
10	Qaare Keemo	Kuxo 1: Ello	1	138	3
		Kuxo2: Yibbaatoo	2	140	
		Kuxo 3: Shemmo	4	142	
		Kuxo 4: Kooroo	2	149	
		Kuxo 5: Mihe ariyoo	2	151	
		Kuxo 6: Noonee koko	2	155	

Kuxo 1: Ello

Dojjee yawo:

Hin kuxo doychina’o boono elle iiqqoon uumiyooch boono doyiibeetone. Ebich, giddet elle shemmeeshoon itti shemmooyee aaf shimboona yeshetona boonoshich shiichii beet ariyoon qoppo qaawiihe. Ebiyoo, doychi kooricooch aashirinnee haarooch ellee kuxooch, ellooyee aafi shuuraareena’on shuunebeeta. Aree hillooch hinichi dechiich

beet elle shemmeeshoon shemmebit. Itti shemmaabeegoora doychina'o aamee boono elloon dabbibit. Boono ellet shalligoon boono batteyaacheemmoch shalligichoo yesheeta. Shemmeeshoon keejje kaallo wochi wochi shemmebit. Itti shemme hinnoo kuxooch beet doychina'och ubba elleyoo hakkimmonaa moodeelo tuno hakkimmo tuneba. Shemmaa itt ciichitoyee gubb doychina'o boono koorico haaree aashirooch ellee digene doychoon arooch kotet hamadabboon quye shuunebeeta. Tachee wocheena'o hinichi dechaa koteti qoodooch doychina'o immimm wochoon xiishooch gaacho hakkihit.

Doyee deggi qiico – Kaaseetoona kitteti elle shemmeeshoo

Qoppe yawo – kuchi shuunoo, qayo

Kooreetonaa Kooreyaani Keemeena'o

Ashi bushoo bi emiroon, ayinoon, iritoon, bi amittinoonaa baribare shalligeena'onon keemoona giddiiche. Eb keemoona giddeebeet moosheena'oochee emiroonaa ayinee hinnoochaa giddeebeetina'on ciino hakkeehe. Emiree mooshooch giddeebeetina'o; duubona, giraaroonaa, diiroona, shoddoona, dab. tunemmonaayinooch wotta shooshoona, gommooona, hichoonaa, dab. giddehe. Iritoo beegaata iritoon corootoonaa, gibene shoddoon duubona, dabgiddo hakkiye. Bushiishee kaayoonaa nallefee dachoona keemoona giddo kakkiye. Ebi baribare moosheena'och qanniibeeti keemeena'o emiroonaa ayinoonon booddiibeet miheena'on gaachetaa qannii boono

giddeebeeti qoodooch ashi bushoochi mullee maac gii'i emiroonaa ayinoonon shalligichiyeete.

Keemo eengoon uumiihe; shalligoona xuuxet eengoon kashiihe; ayinoon, ippeyoonaa gacaacinoonon kettiihe; haa'iyoon immiye; Keemo danoonaa muccoonon , oogiyoonaa hoxoonon, ukkiriyoona kindiyoonon, shunonaa shixonon topphiibee biriihe.Keemo bi budoch woyee mooshooch qaawiimm shiinoon gaawuchii halliye. Qititon ayinikkooch, shuunechon goggiyooch, duubbechon emirikkooch, batteton shalligichooch, dab kereyaani heenoon kaachiye.

Keemo kooreetona kooreyaanoona getaa gutte beera qoodaa ciicho hakkiye.Kooreet keemeena'o dukkeetina'one.Ebi kooree'i dukkeet keemeena'ochi hajjecho koorit ashoone.Shaahiyooch; **“kallitin kaaliid”** immi keemo Tekile'aab Bullichone.Amooyicha getigaata qannayii dukkeeto bi tunetochiye.

Kooreet keemeena'o shiijjeroochee shiijjeerooch dukkeeti kooriceena'ona, hanikkeena'ona, metsiheeteena'ona, dab. gaachetaabesheheete.Tunebaani,kooreyaani keemeena'o shiijjeroochee shiijjeerooch qaaroona besheebeet keemeena'one.

Qaare woyee kooreyaani keemeena'ochi hajjecho konigaata aricheyaache.Amoyicha getigaata qaare keemeena'on koni kottitogaata aricheebeet mooyo aalli qoodoochiye.Ebichi qoodooch, qaare woyee kooreyaani keemeena'ochi hajjecho bullee

maccoone.Ebichi naboona qaare keemeena'on no gaachaabeegoora shaxoo giddiyaanoo gaachehone getone.

Kooreyaani keemeena'o meetina'one. Shaahiyooch: gaare duubbi keemo, gimbee geechee duubbi keemo, hichee keemo, gommee keemo, giraaree keemo, nallefeena'on dachee keemo, shuunee duubbi keemo, dab. ciino hakkeehe.

Kooreetonaa kooreyaani keemeena'on shaaheebet hinneena'o beeteete. Eboshiyo: ashi emiroon, ayinoon, iritoonaa eengee maace tiibeet baribare shalligeena'onon biriyooch gaacciibeetina'o boono tunoone. Keemeena'o kooree giddoonaa kooroona giddee qayona baribeetaani boono kocoona shaaheete. Ebiyoo,keeme yaaroo, keemee yaaree mihe shuyo, keeme bikko, keeme yaareena'o yechiibeet silebile titittino, shemmeemmona duubbi qiinecho boono tuno,dab. boonon shaahiibeet mooyina'one.

Kooreetonaa kooreyaani keemeena'o giisheche mooyona barbariyeete.Kooreet keemeena'o kooree kote'i yagiyeete.Shaddeyaanoon genje goorooch shiijjerooch shiijjerooch beddaaha besheheete.Eb geto budoch mashaamiita giddeyaacheete getone.Kooreet keemeena'ochi hajjecho konigaata arichehe.Kooreyaani keemeena'o qaaroona baach boono besheebet qoodooch shaddeyoon hakkiyeete.Ebiyoo, qaawiimm budoch mashaamiitaa shuunooch boono heechiibeeti qoodooch asho bi shunnimmoommon shaddii gaacho hakkiye.Ebichi naboona xaa'oochee xaa'ooch barbaroo hakkiyeete.Kooreyaani keemeena'ochi hajjecho ikke ashi qelloona konigaata

arichiyaache.Ebich qoodooch qaare keeme hajjecho bullee maccoone. Kicoona, kooreet keemeena'ona kooreyaani keemeena'ona ashi bushooch oogichii boono gaacciibeeti qoodooch quye'i gaacho qaawiihe.

Doyichoo: Ellooyee gubbi shuuraareena'o

Hajjiyoo I: wocheena'o

1. Kooto 2. Iberoo 3. Kooto 4. Iberoo 5. Kooto

Hajjiyoo II:wocheena'o

1. Yaaron, mihe shuyoon, siilabile tatittinoon, kechi shaaheyyoon dab

2. Emiroon=Duubo, giraaroo,
Ayinoon= Gommo, Hichoo

3. **Kooreet keemo=** Doonjechoone, shaddeyaache,dukkeetone, dab

Kooreyaani keemo= doonjaalloone, shaddeyechoone, dukkeyaache, dab.

4. Qannayito woyee koorito aricheyaani qoodooch,

5. Qaare keemeena'o guuphona giddeebeetina'o boono tunetochiye.

Kuxo 2: Yibbaatoo -

Dojee yawo:

↪ Doyichoo 1 Hajjiyoo Ich hiniyee desh giddet shalligeena'on guuphona tuneyee ihaateechi qaaroona biriibot iibeet

hajjiyoo ichete. Ebichi hinnoona itti shiichiyeesh kuchi doyechina'on guuphona kocit. Guuphi naayina'on yaabiyemm ikkikke wulloon guuphi naayina'ooche kaacit.

- ↳ Guuphi wulleena'ona yaabeeye naayina'o moo'eyaanon iihaateyeemmoch gooroo maaciye Hajjiyoo imbit. Aree hillooch doyechi kooric maac “1__4” beet shalligeena'on tiijji boono iihaateyeemmoch wocho beshiichi iihaateyee goorooch boonoch shaggimm iritoon degibee kupphiibit.
- ↳ Iihaateyooch itt immit gooroo cimon ciiniichi boono iihaate shaggit daachoon boono biriyeemmoch guuphi naayina'on shaddibee mallo imi goggiibit.
- ↳ Ebichi hinnoona doyichee 1ch 1__4 beet echeena'och guuphi guuphooche tiyeemm wochee shalligeena'o boono digene iiqqoommon tuno hakkiye.
- ↳ Doyichoo 2ch A—B giddet guuphi shuuraareena'och icheemm wocheena'o barbari bi getteemmoch ciiroocha tachii mashamiyoo ittiwaane quyeche.

Doyee deggi qiico: kaaseetoona kiitteti qaare keemeena'o

Qoppe yawo: qayo, guuphi shuunoon giddiyoo

Kuxo 3: Shemmo

Dojje yawo:

Dojjechinot, Hin kuxoochaa **Qaare Keemo** geto amoogaata

doyechina'o beet ariyoon gaache boono wochiyeemmoch echebit. Bari bare keemeena'on giddiibit. Doyechina'o tate biriye hinnoona qell-qelloona boono shemmeemmon tuniibit. Tate biriye hinnoona shemmo hakkaani doychina'on shemme gaachebit. Ubbe doychina'o tate biriye hinnoona shemmemmooch bedaahaa wochi wochi shemmiibit. Shemmeeshooch giddet keeme baqqoochee doychina'o shemme digeneton echebit. Kooreet keemeena'ona kooriyaani keemeena'ona daggooch beet ikkittinoonaa barbarittinoonon ciinnimmona biriyo imbit. Doyechina'o koorijjexoon gaacheemmooch baribare keemeena'on shemme boono woyeemmoch magi shuunoo guuphona imbit. Doyechina'o boono shemme waat keemeena'on ikke guupho barooch giddiyeemmon tuniibit. Doyechina'ochi keeme tate hinnoona shemme iiqqoonaa keemo giddet budi ariye iiqqoon qoppebit. Ebich hini kuxooch giddet doychienna'on doychina'o shuunebeeta.

Doyee deggi qiico –Kooraa giddetti qaare keemeena'o

Qoppe yawo - guuphi shuunoo , magi shuuno, kuchi shuunoo

Haajjiyoo1:Hiniye desh giddet shalligeena'on shemmeeshoona yeshiye tategaata*Iberoo* woyee tato qayigaata *Kooto*geti koori wochib iibeet echeena'ochi wocheena'o:

1. Iberoo 2. Iberoo 3. Kooto 4. Kooto 5. Iberoo

6. Iberoo 7. Iberoo 8.Kooto 9.Iberoo 10. Kooto

Hajjiyoo II: Hiniyee desh giddet echeena'och tatemm wochoon shemmeeshoona yeshiiyee giddet kaaceena'ooche mashaamimmon kaaci wochib iibeet doyichooch wocheena'o:

1. C gimbee geechooch 2. A, wooho inina 3. C, hichoo
- 4 B, gaaree duubbi keemo 5. A, doshooche kuxaano

Kuxo 4:**Kooroo** - Qaare keemeena'on kooroo

Dojje yawo:

Dojjechinot! Hin kuxoochaa dojjechina'o halliyeemmoch quyeebeeto baribare budech qaare keemeena'on boono kooriyeemmoch hakkiyoone. Ebich, qaare keemeena'o giddebeet budina'on ciinnimmona boono kooricooch giddet biriyoona boono shemmeemmoch bedde gooroo imbit. Boono shemmetoyee gubb digenooch boono mawweet mooyo beegaata echebit. Aroochee daakke biriyoona imbit. Bi budibudoommona beddimmiwotte shaahiyeena'on imbit. Aroochee qaare keemeena'o giddebeet budina'on boono bariitoyee gubb boono shaahi shaahoon bariibee qaawi koori deeweeta. Kooree goorooch qaaroona bare ashi waanee qiho boono kiciyeemmoch echebit. Eboommi mooyina'o daneebeeto wodde hinnoona qocoon xiishii ariibeetina'ona ogooge ashi waanee tunoo shaxibit. Koori boono deewitoyee gubb boono koorit keemeena'o boono kaaccit budona boono mashaamoon ciini xiishibit.

Doyee deggi qiico—kooraa giddetti qaare keemeena'o

Qoppe yawo – qelli shuunoo, magi shuunoo

Qaare keemeena'o wodde aaboon gawaatoon qaawechina'one. Eb boonoshi qaawiibeet gawaatoo men giddeebeet keeme budo tunehe getone. Shaahiyooch; hichoonaa gommooona ogooge asho qitiitoochena gawaateebeet eefona yeshetina'one, gaare duubbi keemo shaageyoo gawaateyoon qaawiye, shuunee duubbi keemoo shuuneebeet shuunee hinnoommona giidee kupphiyoocha getaa bari bare keemeena'o giddeheete. Ebichi hinnoona qaare keemeena'o gawaatoon qaawechina'onaa woddeena'o guuphona giddeebeetina'one.

Shaahiyooch hiniyee desh giddet keemo kechi daachoo gawaateemmona giidee kupphiyooch gataa duuppeebeet duubbi keemoone.

Kechi daachee duubbi keemo

Haggetone daachaa tacetone	Woo wohoo
Hammetone hamma beddetone	Woo wohoo
Duubbetine ganoo biiijaaye	Woo wohoo
Duuchetine goonoo cottaaye	Woo wohoo
Ne giimboon dugoo guudaaye	Woo wohoo
Ne gisheen baroo ciinaaye	Woo wohoo
Kambo imbegetoona kaarebona	Woo wohoo
Kakkoo imbe bunoo gufii uyona	Woo wohoo
Malleche gifoo qechibe	Woo wohoo
Maraakoocho ne kaachibe	Woo wohoo

SHABAATTINNEE KIME KAFI NOONOO

Woraafa noone anaamo	Woo wohoo
Woraafa noone aaddicho	Woo wohoo
Baaroocho noo quye qiddebe	Woo wohoo
Baaroocho noo quullaano ciine	Woo wohoo
Maachaa echeemmo uuxo kexo,	Woo wohoo
Maayo kachiimmo mixo aaco	Woo wohoo
Yeerina yibbaatehe qeeshoo	Woo wohoo
Yeeme aafo maciyee kafoo	Woo wohoo

Hiiyaa Haahoyee.

Eb dambaa giddet kechi daachee duubbi keemo doyechochi kooricooch beeti qoodooch doyechina'o gaawuchi boono shemmeemmo tuniibit. Aree hillooch doyichoo ikkoochaadambaa kechi daachee shuunee duuboch giddet qaare keeme shaahoona hiniyee desh giddet shimboona yeshet qaare keemoon kooriyee giddiibiibeet Hajjiyoo ichete. Eb ichet Hajjiyoommona doyechina'och giddet shimbeena'оче ikkikkoon daamiye ariyeechina'on echoona keemo koori boono deeweemmoch tuniibit.

1. Bottee koyi duubbi keemo
2. Nallefee dachee keemo
3. Mashqaree baaree duubbi keemo
4. Gaashee buchi duubbi keemo
5. Dabboochee wotte duubbi keemo

Ebich doyechina'o koori giddiyeemm keemeena'o boono iiqqoommona tunet qoodooch baribaroo bi tunetoch wochooch

tuneemm ebinee getteet maachet keemo hiniich imo hakkeyaache. Ebich boono giddiimm keemo boonoch ichet shimboonaa budona mashaamoon ciini tachoo imbit.

Kuxo 5: Mihe Ariyoo – xawe miheena'on biriyoo

Dojje yawo:

- ↪ Mihe ariyee kuxo doyechina'o boono doyiibeet noonee miheena'o biishoon boono digeneemmoch dojjoone. Ebich baribare yaweena'on gaachoona doyechina'o ebiyee aaf boono ariyaani iibbe miheena'on woyee boon ariibeet miheena'ochi budi gaache hinnoo boono digeneemmon tuniyoo qaawiihe.
- ↪ Hin haaroochaa doyeeyemm mihe ariyee baqqo miheena'on biriyye doyoone. Ebich xawe miheena'ochi amittinoonaa gaacoonon ciinnimmona doyechi kooricooch giddet biriyoon boono shemme digeeneemm bedde gooroon imbit. Ebiyee gubb xawe miheena'on ciinnimmona hinich dechiich giddet biriyoo gaache daakke biriyoonaa shaahiyoanon bekkiibit. Ebin kupphiyooch doyechi koorico haaroo aashirooch mihe ariyee doyye kuxooch giddet doyicheena'on doyechina'o guuphona shuuneemmon tuniibit. Hiniyee dabbii giddet wocheena'o doyechina'ochi wocheena'on xiishooch gaachebit.

Doyee deggi qiico – giddet xawe miheena'o

Qoppe yawo – guuphi shuuno

Xawe Yibbaatoo

Xawo noonee gaache yaweena'oochee ikkoone. Xawo beshiyooch qaawit shalligoon ellecho woyee shemmecho beshe daqqoona digeneemmoch hakkiihe. Ebiyoo, ikke asho yibbaatoona tuneba kooroona beshiyooch bi qaawit wocho iiqqoon daneyee shemmeebeeton woyee elleebeeton shaawujjiibe /macecikkiibe wochoon beshiyoo hakkimm biriye yawoone. Eb xawe giddiye yawo ellechochi woyee shemmechochi eengooch shichee shichoona shalligoono tuneba shiinoon tiijee iiqqoo biich beete.

Xawe yibbaateena'o boono gidde hinnoommona baribare shaahechina'one. Doyeet xawe shaaheena'oochee hin kimooch tunemmina'on dabbiiyoona ciiniich echeena'on shimittinnee kimoochaa ciinneemmonoone.

1. **Goommiyee xawo:** hin xawo gutte boono halloona shaaheyaani mooyina'on deewii goomiichii men baribare mooyina'on ikkoo tuniyeemm gogee shuriyoon kichii bekkiihe. Ebi xawo -*choommon* imm goomiyee qecoon gaachehe. Shaahiyoo: Uro qaachech kunaanoochommon ta toommooch bukkiye.
2. **Keree xawo:** hin xawo gutte halla baribare mooyina'on tunet naboona shaahiichii eb boono shaaheyoon timo tuniyoona ikkoon baroona kerii giddiie. Shaahiyoo: Bi noonoo eeyone
3. **Ashinnee xawo:** hin xawe shaahoo asho tuneyaani mooyoch ashi shuriyoon immiye. Ebiyoo ashooyee maach tunet kashech

woyee kasho aalli mooyoch bi bekkiit tunet shuriyee woyee moochi naboona ashoona shaahiihe.

Shaahiyoo: Showee shaacetan.

Deco woccite.

4. **Oogaagichee xawo:** hin xawo giisheche iberoon yechii'i qeechii giddiibeetone.

Shaahiyoo: Dn Keemeti kechi maaco hareshoo yookkiihe.

Hanaachi injooch qelli eexoomi asho danete.

5. **Naahee xawo:** ikke asho bi tunet giishech gonde mooyon besho shappayoona giddiie. Eb xawo wodde kaalloon naadoo tuneyaanoon naaggi woyee hoxe gaboon yeshaa getteehe.

Shaahiyooch: oogii shishet kosho ciinnii "meeqqeqqa eb koshon kunaano dugulloo hakkii geechaache."

6. **Eetoone xawo:** gutte sheexe mooyina'on yeshiyoona shalligoon biriihe. Eetoone xawo mooyina'o amoommo boono woheemmogaatoona boono dano hakkimm gommon gaachoona shalligoon shaawujjii biriihe.

Shaahiyoo: Bi cikkoo taach wodde mooyon gettite.

Doyichoo: Xawe yibbaatoon ciinnimm shuuraareena'o

Hajjiyoo I: wochoo

- | | | | | |
|------|------|------|------|-------|
| 1. C | 2. D | 3. F | 4. B | 5. C |
| 6.F | 7.D | 8. A | 9.C | 10. E |

Hajjiyoo II: wochoo

1. Keree Xawo
2. Goomiyee xawo
3. Ashinnee xawo
4. Ashinnee xawo
5. Oogaagichee xawo

Hajjiyoo III: wocheena'o

Shaahiyoo: Dn Keemeti hareshoo yookkiimm kexo haggitone. :

Xawe shaahoo: Oogaagichee xawo

Biisho: Hakket kexo gamino tunoon.

1. Showoo gondii shaacete.

Xawe shaahoo: **Asshinnee xawo**

Biisho: **maccoo shaacoona miixeyoon**

2. Keriti mamoch qaccemmoone

Xawe shaahoo: **Keree xawo**

Biisho : **woddii maabeeto bi tunoon biriihe**

3. Shemmeyaano waat doyecho echo giddemmona yoochi amiyoo shaahiye.

Xawe shaahoo: **Goomiyee xawo**

Biisho: **eeppiye**

4. Kubbo kuchoo bi hamaa eppite.

Xawee shaahoo: **Ashinnee xawo**

Biisho: **ubbe asho bi hamaa eppite**

5. Ashi aaf qaaqqoochoommon michiye.

Xawee shaahoo: **goomiyee xawo**

Biisho: **ashaaf miixiimmo tunno bekkiihe.**

Kuxo 6: Noonee Koco – yeshiyee miheena’o

Dojee yawo:

- ➔ Noonee koce doyoo doychina’o noonee gaache tate shafiroon boono doyiyeemmoch deggeemm kuxone. Eb kuxoochaa doychina’o iiqqoon tuneyaanon baqqoon gaachoona noonee kocoon ciinnimm qihoon digenooch doyibeeta.
- ➔ Dojjechinot! yeshiyee miheena’on ciinnimmona boono kooricooch giddet biriyoona boono shemmeemmoch bede gooroon imbit. Boono iriteyeemm mooyo danegaata daakke biriyoona shaahiyoona degii imbit. Aroochee shahiyoona kooree madooch koori yeshiyee miheena’ochi gaacoon doychina’o bariyeemmon tuniibit. Ebin kupphiyoona doyechi koorico haaroo aashirooch noonee koce doye kuxooch giddet doyicheena’on doychina’o guuphona shuuneemmon tuniibit. Hiniyee dabbii giddet wocheena’o doychina’ochi wocheena’on xiishooch gaachebit.

Doyee deggi qiico – yeshiyee miheena’ona qanniti baribare minnakanneena’o

Qoppo – kuchi shuunoo, magi shuunoo, qayo

Yeshiyee miheena’on gaacho

Yeshiyee miheena’o gutte woyee guttooyee damba tunet noonee kuxina’on yeshiieete. Ebiyoo: mihoonaa mihoonon, mihe shuyeena’onaa mihe shuyeena’onon woyee minnakannoonaa minnaakannoonon dab. yeshiyooch gaacciyeeete.

Yeshiyee miheena'o baribare shaahechina'one. Eb shaahoo boono gaacoona yeshetone.

Yeshiyee miheena'o mihe toommooch xeppiyoona woyee boono qello hakkii kotee gaacoon imo hakkiyeete. Tunebaani, yeshiyeena'o mihe toommoochoo xeppeebeeta boono qello hakkisho kotebeeta yeshiyee gaacoon immiyeete.

Mihe toommooch xeppee koteebeet yeshiyeena'o shaahiyooch, aa, taana, yani, wani, dab tunemmona boono qello hakkii yeshiyee gaacoon immiibeet miheena'o wotta, woyee, tunetaana, ebich, tunebaani, naboo, dab. immina'one.

⇒ Minnakannoonaa minnakannonon yeshiyeena'on gaachoona xappe minnakanno kochehe.

Shahiyooch:

-Maraaki gumboona deggahan.

-Keri gattoo gochiye.

- Maraaki gumboona degaa Keri gattoo gochiye.
 - Keri gattoo gochite.
 - Keri haaroo quyeyaache.
- Keri gattoo gochite; tunebaani haaroo quyeyaache.
 - Keri haaroon quyee goyaache.
 - Bechiyeemm doqqoo echete.

Keri haaroon quyee goyaache; ebichi qoodooch bechiyeesh doqqoo echete

Doyichoo: Yeshiyee miheena'on gaache shuuraareena'o

Hajjiyoo I: Dabbimm minnakanne maacee yeshiyeena'on bariye badd kichiichi minnakanne ciiroochaa kotet hooyooch bekkiib iibeet minnakanneena'o doyechi kooricooch dabbimmi hinnoona giddete.

1. Buyoonaa qaaqoona mashaamaacheete. _____
2. Ne maayeemmogaata mam, woyee qay. _____
3. Bushoo bi maataana miyaache. _____
4. Bushee kupphe bi tunetoch dojjecho biin shunniye. _____
5. Qoopphiti kuphe bushoo tunemmona Keemeti yeexeroone. _____
6. Yeerkishi aajjiye; tunebaani iritooche keyaache. _____
7. Arengi bi bushoon shunoyani shiimeyaachan. _____
8. Hanaach gabiyooch gaashoo, baaro, teepphoonaa sheqoona mulloommon giite. _____
9. Kooviide biiyo katineyoonaa kashona besheebeet biiyoone. Ebichi naboona asho biinaa biina gutte xaammoommo bi wohiyeemmoch booyeehe. _____
10. Hagoor maayo woddii aaxxite; tunebaani shaaciyeeche. _____
Eb minnakanneena'o maac beet yeshiyeena'o dabbimmina'o tunemmona doyichoon itti shuuniyoye shiichi baribare shaahiyoon imiyee doyoon kupphiibit aroochee doyichoon shuuniibit.

Wocheena'o

1. naa
2. woyee
3. aana
4. ebich
5. tunemmona
6. tunebaani
7. wani
8. naa
9. naa, ebichi naboona, inaa,
10. tunebaani